

CIMELIA

0

583



Biblioteka Jagiellońska.



VI. a. 80.



VI. a. 80.


Teol. 4621.



583

CIMELIA







R  
T  
Q  
fact  
r

*Iussu*

Ac



PALINODIAE  
SIVE  
REVOCA-  
TIONES FABIANI  
QUADRANTINI, CVM

factus esset ex Lutherano Catholicus,  
recitatae Braunsbergæ in Colle-  
gio Societatis Iesu.

*Iussu & auctoritate Reuerendissimi & Illustriss.  
Cardinalis Stanislai Hofij editæ.*

Adiuncta est Epistola eiusdem Cardinalis ad  
Senatum Coloniensem.



COLONIAE,  
Apud Maternum Cholinum.  
M. D. LXXI.

*Cum gratia & priuileg. Cas. Maiest.*





Lim. O. 583

I  
I  
N  
N  
at  
th  
I



te  
m  
ti  
vo  
ca



REVEREN-

DO, EIDEMQVE

NOBILITATE ATQVE DOCTRI-

NA PRÆSTANTISSIMO HEROI, D. IO-

anni Egenolpho à Knoringen, Ca-

thedralium Ecclesiarum, Herbipo-

lensis ac Augustanæ Canonico, &c.

Domino suo perpetua obseruan-

tia colendo, Maternus

Cholinus

S. P. D.



Um semper gratia agēda sunt Deo  
Opt. Max. vir præstantissime, tum  
eo nomine imprimis, quod non mo-  
do Ecclesiam suam multorum in-  
signium, & in fide constantium  
doctorum iuuat doctrina, pieta-  
te & auctoritate, sed etiam sæpenumero ad repri-  
mendam hereticorum & schismaticorum insolentiam  
mirabilia excitat exempla, quæ qui ex animo  
volent se tanquam vera Ecclesia membra Christo  
capiti adiungere, sequantur ac imitentur. Id quem-

A 2

admo-



PRAEFATIO.

admodam toti orbi Christiano non obscurum, ita  
 opusculum hoc dilucidissime attestatur, quod man-  
 date Ampliss. Illustriss. q̄. Cardinale Stanislao Hosio,  
 hoc tempore Christiani orbis quasi lumine quodam,  
 mecenate meo multis mihi nominibus obseruando,  
 nostris typis excusum iam euulgatur, in quo Reuo-  
 cationibus seu Declamationibus septem solidis, atque  
 imprimis eruditis, non tantum exhibetur & descri-  
 bitur nobis historia doctissimi cuiusdam & integer-  
 rimi viri, qui cum haecenus haeseos illecebris irre-  
 titus teneretur, nunc Dei benignitate ac misericor-  
 dia Ecclesiae Catholicae Apostolicaeque restitutus ac  
 reconciliatus est: sed praecipua etiam vera doctri-  
 na capita sic explicantur & confirmantur, ut si ho-  
 stes nimia obstinatione indurati, aut odio vera re-  
 ligionis, eiusque ministrorum excœcati non essent,  
 sperarem eosdem eius lectione huc permoueri posse, ut  
 abiecta ea, qua miserè haecenus inescati fuerunt  
 impura doctrina, Confessoris huius, plurimorum-  
 que aliorum & salutaria exempla ocyus imita-  
 rentur, & vestigijs insisterent, qua vita perpetua  
 consequenda rationem ceu digito commonstrant,  
 Caterum quia SS. Patrum, quorum doctrina  
 Sacra scriptura consona est, auctoritate, testimo-  
 nijsque se nullo pacto flecti patiuntur, num spe-  
 randum, recenti hoc & illustri exemplo, ac scri-  
 pto commoueri posse? Metuendum sane, ut vllus  
 hinc ad eos fructus redeat, qui ne legere quidem  
 dignabuntur, adeo Catholicorum scripta & fa-  
 cta



P R A E F A T I O.

Et magna insolentia insectantur, & plus quàm  
 Vatiniانو odio detestantur. Non tamen prop-  
 terea æquum est, vt boni, & ex doctrina si-  
 mul ac pietate clarissimi viri à cœpro semeliuuan-  
 di Ecclesiam studio & conatu desistant, atque  
 quas semel susceperunt Ecclesie defensiones turpi-  
 ter deserant: multo minus autem decet me & mei  
 similes, vt operam nostram in describendis ac pu-  
 blicandis Catholicorum Doctorum monumentis  
 Ecclesie denegemus, qui vt multa magnaque be-  
 neficia ab ea recepimus, ita nullis non officijs ea  
 remunerari meritò debemus. Nihil itaque neque  
 prius, neque antiquius duxi, quàm vt has Decla-  
 mationes, quas videbam multis vtilissimas fore,  
 cum primùm eas huc ad me ab Illustriss. Cardi-  
 nale missas accepissem, in lucem efferrem, ac cum  
 vniuersa Ecclesia communicarem. Tuo autem no-  
 mini, vir præstantissime, eas vt inscribam, dupli-  
 ci potissimum caussa adducor: vna est, quòd ex  
 nobilitate, literarum ac virtutum amore, nec-  
 non ardentissimo erga Catholicam religionem stu-  
 dio per vniuersam propemodum Germaniam, plu-  
 rimum commenderis & celebreris: altera, quòd in-  
 telligam te filium meum Bernardum in Italia ma-  
 gna beneuolentia, insignique animi candore com-  
 plexum: nec nunc quidem vlla alia ratio benefi-  
 cij remunerandi sese offerat. Quamobrem etiam  
 atque etiam vehementer peto, publicam hanc gra-  
 titudinis meæ attestationem Excellentia tua in



P R A E F A T I O.

*meliorem partem interpretari, ac me meosque quo  
hactenus amore & favore complecti velit. Deum  
precor, is tuam ut dignitatem quam di-  
utissime nobis incolumem conseruet.*

*Coloniae ex officina nostra ty-  
pographica, Calen-  
dis Iunij 1571.*

R E



# REVOCATIO

## PRIMA.



Vi fuerim, scitis: qui nunc  
sim, fortasse scire cupitis.  
Quamuis autem factis vtrum-  
que sim testatus, quod ple-  
risque vestrum obscurum non est: pro-  
pter eos tamen, quibus vitæ meæ ratio  
non satis est perspecta, paucis de vtroq;  
differendum esse duxi. Fecit horum tem-  
porum infœlicitas, vt in eos homines  
puer inciderem, & inter eos æducarer,  
qui Pauli monitorum obliterati, dicentis: *Ad Gal. 1.*  
quis aliud vobis Euangelizauerit, præ-  
ter id, quod accepistis, Anathema sit:  
longè diuersum ab eo docuerunt, quod  
à sanctis nostris maioribus per longam  
Episcoporum & Sacerdotum successio-  
nē sibi per manus traditum acceperant.  
Et quò facilius abducere discipulos post  
se possent, fraudi suæ, nomen Euangelij  
prætexentes, locis aliquot è scriptura  
malè intellecta, vel in prauum sensum  
detorta, productis, quod sentirent ipsi,  
purum & expressum Dei Verbum habe-  
ri voluerunt. In hoc igitur hominum ge-



nere cum versarer ab ineunte ætate mea, nec alijs quàm illorum peregrinis doctrinis imbutus essem: nemini mirum videri debet, si in hac nondum confirmata ætate mea, in eorum nassam pertrahi me sum passus: cum præsertim his vocibus aures meæ crebrò personarét: Totis quadringentis & amplius annis ignoratum orbi Christiano Christum, eiusque beneficia obscurata, nihil de fide, non nostram dignitatem, sed mediatorem Christum intuente, remissionemque peccatorû, & hæreditatê vitæ propter Christum accipiente: nihil de fide, siæ fiducia mediatoris huius: nihil de Euangelio, quod sæculis aliquot sub scamno latuerit in Ecclesia Dei, quam isti Papatum vocant, prædicatum: sed pro Dei verbo, traditiones quasdam humanas obtrusas: & quod Dei proprium est, in opera quædam humana translatum: quodque soli Diuinæ Maiestati, soli que Christi personæ conuenit, creaturæ tributum fuisse. Cæterum proximis his superioribus quadraginta & amplius annis, nouam Euangelij lucem affulgere mentibus hominum cœpisse. Quem autem hæc non mouerent?



rēt? cuius animum ab eorum cōmunionē  
 nō deterrerēt? quos hęc tā impia docere  
 persuasum haberet? Sed verū est, quod Sa-  
 piēs ille dixit: Qui citò credit, leuis est *Eccle. 19.*  
 corde. Credebā ego magistris meis, quo-  
 rū doctrinis varijs & peregrinis abduct<sup>o</sup>  
 & in aliud quoddam Euangelium, quod  
 cum Euangelio Christi cōmune nihil ha-  
 beret, quin cū eo pugnaret potius, ab eo  
 qui nos vocauit, in gratiam Christi sum  
 trās latus. Verū gratias ago Deo meo, *1. Timo. 1.*  
 qui prius blasphemus fui, & persecutor et  
 cōtumeliosus, nūc misericordiā illi sum  
 cōsecutus, quia ignorans feci. Illius enim  
 nunquā satis mihi prædicāde misericor-  
 diæ tribuo, quod in hunc locum veni, &  
 horum venerabilium Patrum, qui præse-  
 tes hic adsunt nō solum præceptis, verum  
 etiam exemplis auctus, & in vera Christi  
 fide sum instructus: longè nanq; diuer-  
 sum & auribus hausi, & oculis ipse meis  
 vidi, quàm quod superioribus annis mi-  
 hi fuit inculcatum. Non modò nihil hic  
 detrahitur Christi gloriæ, non modò  
 non obscurantur eius beneficia, non mo-  
 dò non transfertur in creaturam, quod  
 ipsius est proprium: sed hoc maxime la-



boratur, vt Christi mediatoris beneficia, quàm maximè clara & illustria ac testata omnibus quamlibet rudibus esse queant. Itaque non scriptis tantum & sermonibus, verum & dierum obseruationibus, & signis, & imaginibus, gestu, habitu, varioq; ritu & cæremonijs ea mortalium pectoribus imprimuntur: & quæcunque credere necesse ad est salutem, haud aliter quàm præmansus ori cibus inferuntur. Quo magis miror illorum frontem, per quos Ecclesiæ Dei tam impudenter affingitur, quod per eam Christi beneficia sint obscurata, quodq; sint alij mediatores præter hunc quæsit. Quod à Propheta scriptum est: Oculos habent, & non vident: aures habent, & non audiunt, id in hoc hominum genus rectè quadrat: qui si haberent oculos, quibus videre possent, certè in templa Christianorum ingressi, statim in medio cuiusque cernerent Iesu Christi simulachrum, in cruce pendentis; per quod rudes admonentur: quandoquidem hoc sunt idiotis picturæ, quod in literis versatis scripturæ: non alium esse mediatorem Dei & hominum, qui per crucem &

mor-



mortem suam Deo Patri nos reconcilia- *1. Tim. 2.*  
uit, præter vnum Dominum nostrum Ie-  
sum Christum: Per hanc ipsius crucem  
& mortem à Deo patre petendum esse,  
quicquid impetratum cupimus. Quod  
Christi crucis simulachrum morituris  
etiam exhibetur, siue ijs qui lecto sunt  
affixi: siue ijs qui ducuntur ad suppli-  
cium, vt in memoriam illis reuocetur,  
quòd cum semel per crucem Deo recon-  
ciliati sint, huic reconciliationi innitan-  
tur: & quamlibet sibi multorum & gra-  
uium peccatorum conscij sint, non tamè  
propterea spem salutis abijciant: quin  
memores illius, quod in cruce pro nobis  
moriens Christus pro totius mundi pec-  
catis abundè satisfecit, magna cum fidu-  
cia Deum, in hanc sententiam alloquan-  
tur: Respice Domine in faciem Christi  
tui in cruce pro nobis pendentis & mo-  
rientis. Caro nostra est, sanguis noster  
est, frater noster est, tibi vsque ad mor-  
tem obediens factus est. Ne recedant ab  
oculis tuis cicatrices eius in perpetuum:  
recordare quantam pro peccatis nostris  
ab eo satisfactionem acceperis. Vtinam  
appèdas Domine in statera peccata, qui-  
bus



bus iram meruimus, & calamitatē, quam pro nobis passus est innocens filius tuus. Certē multò grauior hæc apparebit, multoquē dignior, vt propter ipsum effundas super nos misericordiam tuam: quā fuit illa, vt pro peccatis nostris contineas in ira miserationes tuas. Quæso vos quotquot hic adestis, Auditores, an hoc est obscurare christi beneficia? quando sic rudes docentur, non solum viua voce, verum & muto simulachro coram oculis eorum exhibitō? quod ab illis certē animaduerti potuisset, si oculos quibus videre possent, habuissent. Sed eos excæcasse tenebræ vidētur, quoniam fratres oderunt: qui autem odit fratrem suum, in tenebris est, & in tenebris ambulat, quia tenebræ excæcauerunt illum. Sed si non habent oculos quibus videant, saltem aures audiēdi si haberēt, audirēt in orationibus, quæ funduntur ad altare, vulgò collectas vocāt, preces oēs ad Deum patrē ferè dirigi: nec per aliū concedi nobis ea, quæ petim⁹, postulari, q̄ per vnicū Dei & hominum mediatorē D. N. Iesum christum. Aut, si tēpla non ingrediuntur, audirent saltē in priuatis etiam ædibus non solum sacerdo

tes,

1. IOAN. 2.



tes, verum & pueros quando sumpto cibo Deo gratias agunt, in hunc modum orantes: Retribuere dignare omnibus nobis bona facientibus, propter nomen sanctum tuum, vitam æternam. Orant illi quidem, vt beneficientibus mercedem Deus tribuat quandoquidē, ita se facturū promisit: & huius promissi sui reus tenetur: sed non propter eorum quæ benefacta sunt dignitatem, sed propter nomen, aiunt, sanctum tuum. Quod est autem hoc nomen sanctum, nisi nomen illud, quod est super omne nomen, in quo flectitur omne genu, cœlestium, terrestrium & infernorum? propter nomen Domini nostri Iesu christi: propter crucis & passionis illius meritum. Petunt igitur operibus retribui vitam æternam, non quòd illa tanto præmio digna sint natura sua, sed quòd passionis & mortis christi merito sit, vt eo digna censeri possint. Quare propter sanctum nomen hoc, propter Christum, & eius passionis & crucis meritum, benefaciētibus æternæ vitæ retributionem dari petunt, in illum omnem gloriam, in illius crucem & mortē omne meritum transferunt: vt dicere  
me-



*Isaia 28.*

cc

*1. Tim. 2.*

mediatorem hunc orbi Christiano tot sæculis ignotum fuisse, nihil aliud sit, quam dicere, tenebras lucem, & lucē tenebras: vt in horum hominum persona rectē Prophetā dixisse videatur: Posuimus mendacium spem nostram, & mendacio protecti sumus. Sed alios, aiunt, mediatores quæritis; quando quidem sanctos inuocatis. Hoc mihi quoque, fateor, persuasum fuit aliquando, sed cum interesset Lætanij, longē diuersum cognoui. Nam quod Dei est, Deo: quod hominum est, hominibus tribuitur: Deo dicitur, Pater de coelis Deus, miserere nobis: Fili redemptor mūdi Deus, miserere nobis, &c. Ab illo misericordia, à sanctis hominibus nihil aliud, quam intercessio postulatur: vt & hic manifestum discrimen appareat inter mediatorem Deum & hominē: & inter mediatorem purum hominē. Qualis ille mediator fuerit, docet Paulus in illo ipso loco, vbi de Christo mediatore tractat: Quidedit, inquit, redemptionem semetipsum pro omnibus. Talis mediator nullus fuit præter Christum: nam neque Petrus, neque Paulus, nos morte sua redemerunt, sed solus Christus. Cate-  
rum



rum à quibus intercessio tantum postula-  
retur, talibus mediatoribus, & in eodem  
illo capite, & multis alijs in locis, cum  
ipse vsus est Paulus, tum nos etiam vt v-  
teremur, author nobis fuit. Sed in opera  
transfertis, aiunt, quod est Christi pro-  
prium, & eis propitiationem assignatis.  
At ego longè aliter sum hic edoctus. Ni-  
hil enim operum substantiæ tribui audio,  
quæ cum possint esse nobis communia  
cum infidelibus, nullum illis, magnum  
nobis meritum acquirunt. Quam tandem  
ob causam? quoniam quæ facimus fide-  
les, non facimus nos, verum facit ille,  
quem in Baptismo sumus induti D. N. Ie-  
sus Christus, qui viuit in nobis, qui per  
fidem habitat in cordibus nostris, qui o-  
peratur in nobis & velle & perficere, qui  
meretur in nobis, & cuius merito me-  
remur nos. Huic igitur, & fidei, quam ha-  
bemus in illum, omnis iustificatio & om-  
nis propitiatio tribuitur. Fidei autè non  
soli, sicut sine scripturis asseritur ab aduer-  
sarijs: sed sicut Paulus dicit, quæ per chari-  
tate operatur. Itaq; non alià hic quàm Chri-  
sti, quem induimus in Baptismo, iustiti-  
am commendari audio: quem si non esse-

Gal. 2.

Ephe. 3.

Phili. 2.

Gal. 5.

m. us



mus induiti, si non fulgeret in virtutibus nostris iusticia meritorum Christi: non plus nobis prodesse, quamlibet laudabilia forent opera nostra, quam vel catoni, vel Aristidi, vel Zenoni, vel alijs quibuscunque, qui fuerunt apud ethnicos, iustitia sanctitateq; celebres, profuerunt. Operibus nostris, quatenus nostra tantum sunt, & non à gratia profecta, supplicium æternum mereri possemus: vitam æternam mereri non possemus: cum tanquam pannus mēstruatæ sint omnes iustitiæ, quæcunque sunt extra Christum factæ: ad quem, nisi respiciamus operantes, nihil est, quod mercedem vllam operum nostrorum expectemus. Quamuis enim certum sit, operibus mercedem dari, non tamen ea datur propter ipsorum, quatenus à nobis proficiantur, dignitatem; sed propter Christum, qui operatur ea in nobis: propter Christum, ad quem operantes respicimus: propter Christum, qui dixit: merces vestra copiosa est in cœlis: propter Christum, de quo sæculis iam aliquot cantatum fuit, & cantatur etiam nunc vernacula gentis nostræ lingua: Quod nisi prognatus nobis puer ille fuisset,

*Isaia 64.*

*Luc. 6.*

isset  
fact  
nisi d  
redin  
ret si  
rem  
sent  
nus r  
Psal  
dia t  
ram n  
cit v  
ne, n  
non n  
quid  
cora  
men  
arum  
plura  
rogo  
ro:  
ne de  
meur  
nas:  
& qu  
te m  
mea



isset, eramus omnes perditī. Nam nisi *Apoc. 1.*  
 factus homo lauisset nos in sanguine suo,  
 nisi dedisset semetipsum pro nobis, vt nos  
 redimeret ab omni iniquitate, & munda- *Tit. 2.*  
 ret sibi populum acceptabilem, sectato-  
 rem bonorum operum, quid aliud ef-  
 sent vniuersæ iustitiæ nostræ, nisi pan-  
 nus menstruata? Quamobrem illud ex  
 Psalmis vsurpantes: Domine, misericor-  
 dia tua in æternum, opera manuum tua-  
 rum ne despicias: cum illo sancto Patre di *August. in*  
 cit vnusquisq; fidelium: Non dico, Domi- *Psal. 137.*  
 ne, ne despicias opera manuum mearum:  
 non me iacto de operibus meis: exquisiui  
 quidem Dominum manibus meis nocte  
 coram eo, & non sum deceptus: Sed ta-  
 men non commendo opera manuum me-  
 arum: timeo, ne cum inspexeris, inuenias  
 plura peccata quàm merita. Hoc solum  
 rogo, hoc dico, hoc impetrare deside-  
 ro: Domine, opera manuum mearum  
 ne despicias: opus tuum in me vide, non  
 meum. Nam meum si videris, dam-  
 nas: tuum si videris, coronas. Quia,  
 & quæcunque sunt bona opera mea, abs-  
 te mihi sunt: & ideo tua magis quàm  
 mea sunt.

B

Hic



Hic iterum vos obtestor quotquot ad-  
 stis, auditores optimi; num ita loquen-  
 tes aliquid operibus tribuimus, quod est  
 solius Christi? num in illa potius, quam  
 in ipsum Christum eorum authorem, glo-  
 riam transferimus? Quotidiè recitant in  
 Ecclesia Dei, quam isti Papatum vocant,  
 hymnum Ambrosij sacerdotes, in quo vi-  
 derelicet hæc illius verba: Sed præmium  
 mortis sacræ perénis instet gloria. auditis  
 hic perennem gloriam, non operum, sed  
 sacræ mortis præmium vocari: non quòd  
 non operum quoque præmium, si emer-  
 ces, rectè dici queat, cum id non semel in  
 scripturis legatur, sed quod, si non inter-  
 cefsisset sacra mors, non perennis gloria,  
 sed peréne suppliciū operib. nostris debe-  
 batur. Huic igitur sacræ mortis præmio,  
 quicquid est propitiationis, tribuit Eccle-  
 sia. Hoc sacræ mortis præmium offert in  
 illius persona Deo Sacerdos, quoties tre-  
 mendum illud sacrificium celebrat, quam  
 vulgo Missam vocant. Offert verum &  
 viuum Christi corpus, quod pro nobis  
 in cruce pependit; Offert verum & vi-  
 uum Christi sanguinem, qui fusus est in  
 remissioné peccatorum nostrorum: hunc  
 Deo



Deo patri sistit, ac supplex illum precatur, qui protector noster est, vt auertat faciem suam à peccatis nostris, & respiciat in faciem Christi sui, pro nobis in cruce pendentis & morientis. Huius crucis & mortis merito, cuius iuxta Pauli præceptum commemoratio quædam & repræsentatio fit ad altare, peccata nostra nobis remittat: simul concedat, vt quem fructum toti mundo sacrificiû illud crucis attulit, eius participes esse queamus. Sacerdotem autem quasi subsequentes, qui præsentés adsunt, quando sacræ mortis præmium hoc offertur, etiâ ipsi prorumpunt in ea verba, quæ sunt à sancto quodam Patre scripta: Pauperes sumus, parum dare possumus, attamen reconciliari possumus pro paruo illo, si volumus. Totum quod dare possum, miserum istud corpus est: nam illud de meo est, & meum est. Paruulus enim natus est nobis, & filius datus est mihi. De te Domine suppleo, quod minus habeo in me. ô dulcissima reconciliatio, ô suauissima satisfactio. Hic iterum obsecro vos, per illum ipsum, qui pro nobis passus, crucifixus, & mortuus est, D. N. Iesum Christum,

Bernardus  
ser. 1. de E-  
piph. Domi-  
ni.

*Id si dedero  
satis est, si quo-  
minus addo de cor-  
isai. 9. pns ipsius,*



diligenter vobiscum expendite; qui sunt qui Christi crucem euacuant, qui summū hoc illius beneficium non solum obscuratum, verum etiam sempiterna quadam obliuione prorsus obrutum esse cupiunt. Hinc, qui quotidie summa quadam religione illud celebrant, & Christum pro nobis exaltatum in cruce, oculis hominum subiiciunt: atque vt passionis illius fructum in se transferre laborent, hortantur: an qui sicut alia signa omnia, quibus Christi beneficiorum admonere nos Ecclesia Dei voluit, sic & hoc tremendum sacrificium, vnā cum sacerdotio abrogauerunt? Quod cum fecerunt: quid aliud illi, quā omne discrimen, quod est inter diuinam maiestatem, & inter mundi Principes, sustulerūt, nullus vt peculiaris cultus Deo tribueretur. Nam sicut præclare scriptum est ab Augustino, solo hoc externo sacrificio, diuina seruitus ab humanis obsequijs discernitur. Nam obsequia cætera, quæ diuinitati debentur, ausi sunt sibi etiam superbiæ fastu homines arrogare: rarissimi autem commemorantur, qui sibi vt sacrificaretur cum Regia potestate possent, ausi fuerint impera-

*Lib. 1. cont.  
aduersariū  
legis &  
proph. ca. 8  
De ciuit.  
Dei cap. 4.*

pera  
per  
igitu  
tur,  
fia D  
satha  
dem  
ctun  
ante  
li, se  
doti  
Deo  
cess  
quo  
Chr  
cult  
mni  
ritu  
baba  
quo  
diff  
qua  
sand  
fia  
fus  
tell  
vna



perare. Quicumque tamen ausi sunt, per hoc se Deos haberi voluerunt. Hoc igitur vnicum signum, quo Deus agnoscitur, nimirum externum, quod in Ecclesia Dei frequentatur sacrificium, sublatu sathanas per suos ministros voluit: vt nunc demum, sicut à quodam ex Patribus di- *Petrus Cla-*  
ctum est: faciat populus, quod nunquam *niacensis*  
antea fecerat; & more captiui illius popu *li. 1. Epist. 1.*  
li, sedeat absq; lege, absq; rege, absq; sacerdotio, absq; Ephod, & Theraphin: cumq; Deo sacrificare cessauerit, & ipse Dei esse cesset, vt incipiat esse tēporibus gratiæ, quod nunquam fuit nec tempore iræ: vt Christianis Deo sacrificare cessantibus, cultus, qui semper in mundo fuerat, omnino de mundo pereat: & qui Deum ritu suo colens, Deo subditus esse probabatur, cultum eius abijciens, absq; aliquo Deo prorsus esse videatur. Ego verò diffiteri nec possum nec debeo. Quod si quæ fuit alia causa, quam obrem ad vnius sanctæ Catholicæ & Apostolicæ Ecclesiæ gremium me contuli, cui soli missus Spiritus sanctus, cui soli sanæ intelligentiæ lux promissa est: fuit hæc vna grauisima, quod aduersariorum



altercationibus eò rem vidi perductam, vt ad Atheismum inclinare viderentur. Nam vbi nullum est sacerdotium & sacrificium, ibi certum est, nullum agnosci Deum: cum siue qui verum, siue qui falsos Deos coluerunt, ex quo tēpore mundus conditus est, semper eum oblati sacrificijs coluisse legatur: vt hæc naturæ quædam lex esse mentibus hominum insita videatur. Sed verum dixit ille quamuis Ethnicus: quod nimium altercando veritas amittitur. Dum isti nihil aliud quam litibus & contentionibus vacant, à quibus abhorreere seruum Dei Paulus vult: amiserunt veritatem Christi corporis & sanguinis ex Eucharistia, amiserunt sacerdotium & sacrificium: amiserunt sacramenta, quæ sunt vasa gratiæ: amiserunt in plerisque locis & nomen & cultum sanctissimæ Trinitatis, amiserunt ad extremum oëm agnitionē Dei. Quandoquidē, sicut verè scripsit sanctus ille Pater: qui populus Deum ritu suo colens, Deo subditus esse probabatur, cultū eius abiiciens, absque aliquo Deo prorsus esse videtur. Nunc ego tibi Domine Iesu Christe, quas maximas animus meus capere potest ago gratias:

Tit. 3.



tias: cui<sup>9</sup> immortalī beneficio factum est, ut in hunc locum venirem: vbi lux Euangelij, quam acerbis aduersariorum contentionibus partim obscuratam, partim extinctam prorsus in plerisq; locis videmus: mentis meæ oculis affulgeret, vbi *IOAN. 14.* te, qui via, veritas & vita es agnoscere, palamque profiteri liceret. Quem certè non agnoscere, sed negare videntur, qui se à tuo corpore nefaria præcisione separarunt, cum tu cum illo sis vnus Christus: neque se possit quisquam à tuo corpore, quæ vna, sancta, Catholica, & Apostolica Ecclesia, disungere: quin idem à te simul huius corporis capite sit præcisus. Quod autem ignorans peccaui, dari *2. Cori. 1.* mihi veniam abs te supplex peto, qui Pater es misericordiarum, & Deus totius consolationis: simul spondeo & promitto, quandoquidem ineffabili misericordia tua factum est, ut ereptus de potestate tenebrarum transferrer in regnum tuū: & qui fui vas iræ, Euangelij tui luce illustratus, fierem vas misericordiæ, me nunquam amplius ad easdem illas tenebras, quas effugere semel mihi licuit, deinceps esse reuerfurum, sed eam fidem perpetuò,



quoad mihi vita suppeditauerit, retenturum, quam vertex Apostolorum Petrus initio tradidit: ac nunc Pius V. Pontifex Rom. custodit; quamque S. Tridentina Synodus proximis superioribus annis professa, ab omnibus in Christum credentibus inuiolatam seruari præcepit. Vobis quoque, Reuerendi Patres & præceptores mei, tibi præcipue, qui sanctæ Societatis huius rectorem agis, non possum, quin agam gratias pro grauissimis laboribus, quos mea causa suscepistis, ut me Christo lucrifacere possietis. Nam sicut incrementum Dei solius, sic vestra fuit hæc plantatio: vestra fuit hæc rigatio: vestra diligentia factum est, ut veritatem agnoscerem, & ab Idolorum cultu, ad veri me Dei cultum transferrem. Quid enim aliud sunt, quam Idola? qui suum verbum pro Dei verbo rudi plebeculæ venditant? quodque sentiunt ipsi, non aliter quam purum Euangelium etiam si cum Euangelio pugnet, à suis adorari volunt, cum tamen ipsos, haud aliter atque Deos Homericos, infestis armis inter se concurrere videamus: dum vnusquisque suum potius quam alterius

ver-



verbum, Dei verbum haberi, seque pro Deo coli vult. Ab hac tam horrenda Idololatria quod fugerim, veri que Dei verum cultum agnouerim; secundum Deum vobis acceptum fero. Quoniam verò parem gratiam huic vestro beneficio referre non possum, illum sedulò precabor: vt quod opis nostræ non est, præstet ipse, vobis que curæ, diligentia, laborisque vestri ea præmia largiatur, *1. Cori. 2.* quæ præparauit diligentibus se, quæ nec oculus vidit, nec aures audiuit, nec in cor hominis ascenderunt. Vos verò quotquot hic adestis commilitones mei charissimi, etiam atque etiam hortor & moneo: vt periculo meo docti, ab ijs laqueis, ex quibus Dei misericordia iam sum expeditus, diligenter vobis caueatis. Nec enim dormit aduersarius noster Diabolus, sed tanquam Leo rugiens, quærit assidue quem deuoret. *1. Pet. 5.* Neque tamen se sua forma prodit, sed se transfiguratur in Angelum lucis: nec aliud magis quàm Scripturas, Euangelium, Dei que verbum crepat: cum interea nihil minus ei cordi sit: quin ille potius, sicut à quodam è sanctis Patribus dictum est: arma *2. Cor. 11.*

*August. in  
Prolog. in  
Progn.*

B 5 contra



contra legem sumit ex lege: impugnat Euangeliū ex Euangelio pugnans, & in suā perniciem, de veris mēdacia fingēs. Nec orditur ille statim ab eo, quod maxime persuasum esse mortalibus cupit, ut quod est extreme impium amplectantur: sed in his quæ leuiores videri possunt, initium saltem ut fiat ab Ecclesia discessionis, id maxime laborat. Et hoc est, quod à S. quodam Patre scriptum legimus: Solis duntaxat initijs opus est Diabolo, solum hoc ei laboriosum est: si verò nactus fuerit initium nocendi, omnia sibi ipse suo opte ingenio vestigat & amplificat. Quamobrem, nunquam vobis persuaderi patiamini, ut aliquod initium discessionis ab Ecclesia Dei faciatis, quacunque tandem in re: sed infixa sint vestris pectoribus, quæ scripta sunt ab eodem illo S. Patre: **Quandiu**, inquit, lapides benè compacti sunt, nihilque vacuum inter se habent, firmi & infracti perstant: Si verò vel foramen acus duntaxat quod utrinque penetret, aut scissuram quæ capilli locum habeat, fieri contigerit, omnia dissoluntur ac pereunt. Ita & Diabolus, donec compacti quidem & benè compositi fuerimus,

*Chryso. in Epistol. ad Ephe. serm. 14.*



rimus, nihil suorum omninò potest inferre: quamprimum verò vel modicum nos relaxare poterit, non aliter quàm quasi quidam torrens, toto impetu infunditur. An hoc factum hoc infœlici sæculo nostro non videtis? non solum impunè, verum magno cum applausu multorum. SS. Trinitatem alicubi blasphemari, plerisq; vestrum ignotum non est. Quod ad eò non obscure faciunt homines impij, vt etiam factum hoc suum præferant, deq; eo gloriantur. Lutherum, aiunt, non à fundamentis Ecclesiam diruere cœpisse, alioqui fuisset ruina sua prius oppressus: sed eam à tecto aggressus est, inquit, vastatis indulgentijs, extincto igne Purgatorio, inuocatione mortuorum abolita, peregrinationibus reiectis, Missa etiam extirpata: sed cum in doctrina de sacramentis desisset. Surrexisse postea Zuuinglium, qui Missam cum suo Deo panaceo (sic enim blasphemus ille loquitur) & omnibus appendicibus eius radicatus euulserit: sed posteaquam ad fundamentum ventum est, ipsum quoque subfuisse. Fundamētum autem vocant, Deum infinitum, Deum essentiam, Deum tri-

num



num & vnum. Hoc fundamentum euer-  
sum à se esse gloriantur. Itaque dirutite-  
cti, Luthero: parietum disiectorum,  
Zuuinglio laudem tribuunt. Quod au-  
tem à fundamento Papatus, hoc est, Eccle-  
sia Dei, quibusdam in locis euerſa ſit, hoc  
eſt, quòd S. Trinitas non eſſe adoranda  
dicitur, quod nomen etiam illius reiſci-  
tur, quod Chriſtus eiufdem eſſe cum Pa-  
tre ſubſtantia negatur, palmam hanc glo-  
riofì milites ſibi deberi iactant. Videtis, à  
quàm leuibꝫ initijs, ad quàm horrendas  
abominationes ad extremum ventum ſit:  
cum ſit illud veriſſimum, quod ſcriptura  
dicit: Qui modica ſpernit, paulatim deci-  
dit. Magnus quidam eccleſia Doctòr, non  
dubitavit aliquando ſcribere: Non tanto  
ſtudio ſibi fugienda videri grauiora pec-  
cata, quanto quæ leuiora cenſentur, quod  
ab illis abhorret ipſa natura ſponte ſua: cæ-  
terum hæc dum contemnuntur, ex paruis  
maxima fiunt noſtra deſidia. Nam gra-  
datim ſemper ad magis enormia perueni-  
tur, donec eueniat quod ſcriptum eſt:  
Impius cum in profundum veniet, conte-  
mnet. Quod ille dixit de morum peccatis,  
hoc idem intelligi quoque rectè poteſt,  
quan-

*Eccle. 19.*

*Chryſoſto.  
in Matth.  
hom. 37.*

*Pro. 18.*



quando peccatur in doctrina fidei, quod multo grauius est. Nam si conferantur in vnum aliquem, luxus, libido, ambitio, auaritia, & quicquid præterea criminum est: omnem hanc tamen eorum lernam vna superat hæresis aut schisma: cui alia omnia crimina in vnum cumulum congesta, & huic vni comparata, fluctuant cum trabe collata. Quamobrem etiam in ijs, quæ pertinent ad religionem, non maiore studio eos fugite, qui vel fundamentum subrutum, vel parietes disijcere, vel tectum dirutum cupiunt: quam qui vel minimum in tecto foramen facere moliantur: quod, ubi perfectum est, iam toto impetu se Diabolus infundit. Quod, hoc infœlici sæculo nostro sic euenisse, magno cum dolore nostro cernimus: cum eò iam audaciæ atque amentia ventum sit, vt quibusdam in locis, apertè, CHRISTVS Deus esse negetur. Quapropter, iterum atque iterum vos moneo, sicut in ijs quæ ad vitæ rationem: sic & in ijs, quæ ad fidem & religionem pertinent: ab initijs vobis diligenter caueatis: nec ab Ecclesia



fastici ædificij compage uos uel in mīni  
 ma re, diuelli patiamini: Sed quam uos in  
 symbolo, quod recitatis quotidie, san-  
 ctam, Catholicam Ecclesiā credere pro-  
 fitemini, eius præceptis & institutis pa-  
 reatis: & eius iudicio uestrum iudicium  
 in omnibus libenter submittat: nec ea do-  
 ctiores esse uelitis: sanctissimam parentē  
 hanc nostrā, qua decet pietate, ueneremur  
 omnes: illi nos permittamus, illi creda-  
 mus, illam audiamus, illam secundū De-  
 um ipsū uereamur: quæ de diuinis reb.  
 ipsa sentit, sentienda: quæ de humanis præ-  
 scribit, facienda: quæ prohibet, fugienda  
 esse sine ulla dubitatione cēseamus: quam,  
 si ducem sequuti fuerimus, quandoquidē  
 columna est & firmamentum ueritatis,  
 errare nunquam poterimus. Ego uerò ti-  
 bi summe Pater, qui me de tenebris uoca-  
 re dignatus es in admirabile lumen tuum,  
 etiam atque etiam ago gratias: simul sup-  
 plex oro, confirmare uelis quod opera-  
 tus es in me, fidemque meam adaugeas.  
 Prius fortunas meas omnes, prius suauis-  
 simæ lucis huius usuram, prius ea cuncta  
 quæ sunt in hoc seculo mortalibus cha-  
 rissima, eripi mihi uelis, quàm ut ab hac  
 men-

1. Timo. 3.



mente dimoueri me patiaris, quā semel  
 mihi deliberatum est, omnia potius & fa-  
 cere & pati, quā ut unquam ab hac fan-  
 ctissima parente mea diuelli, & ab illius  
 me communionē separari permittam, in  
 qua, & pro qua, quoties id usus tulerit,  
 summa cum alacritate mori me semper pa-  
 ratum offero. Quam ad rem, quoniam  
 uires meas imbecilles agnosco, gratiam  
 ut suam præstare dignetur, ut qui dedit  
 uelle, det simul & perficere, si qua ne-  
 cessitas id postulauerit, Patrem il-  
 lum cœlestē unā mecum, Cha-  
 rissimi commilitones  
 mei, supplices  
 inuocate.

DIXI.

RE



# REVOCATIO

## SECUNDA.



Roximo superiori mense  
Iulio, qui fuerim aliquādo,  
qui nunc sim, ex me cogno-  
uistis: Fui namque, pro dol-  
lor, Lutheranus, nunc sum  
per Dei gratiam Catholi-  
cus: nec alium Christum agnosco, quā  
qui natus est in Bethleem: nec aliud Eu-  
angelium, quā quod per longam sacer-  
dotum & Episcoporum successionem ab  
Apostolis & Euangelistis per manus no-  
bis traditum, & multò antè per Prophe-  
tas in scripturis sanctis promissum acce-  
pimus. Simul & causas didicistis, quibus  
adductus fui, vt ab erroribus, in quibus  
versatus eram, resipiscerem. Nunc & e-  
ius rei causam vobis reddendam esse pu-  
taui, cur in Venerab. Eucharistiæ com-  
munionem iuxta receptum Ecclesiæ mo-  
rem, altera tantum Sacramenti specie con-  
tentus esse voluerim: cum tamen ab ine-  
unte ætate mea, quoties illius particeps  
antè sum factus, ab vsu calicis abstinere  
magna



magna mihi fuerit religio. Deplorabam  
 autem etiam tunc horum temporum in-  
 felicitatem. Quod enim non fecerunt  
 impij milites, qui Christum in crucem e-  
 gerunt, vt os ex eo comminuerent, sed in-  
 tegrum corpus eius in cruce permanere  
 passi sunt: id, pro dolor, fecisse nonnul-  
 los hoc nostro sæculo videmus, speciem  
 quidem pietatis habentes, virtutem autē  
 eius abnegantes: qui mysticum Christi  
 corpus Ecclesiam, quod ille sic dilexit, vt  
 verum & viuum suum corpus in mortem  
 pro illo traderet, in multas particulas mi-  
 serandum in modum consciderunt. Inter  
 hos cum essem natus, & educatus, & eum  
 ducē secutus, qui sicut ipse primus ætate  
 nostra Christum diuidere conatus est, sic  
 à suis nunc quotidiana concisione diui-  
 ditur: quando quidem neminem audire  
 mihi contigit, à quo sanam Ecclesiæ do-  
 ctrinam percipere liceret. si quid à me pec-  
 catum est in vsu Venerabilis Eucharistiæ:  
 peccatum autem esse confiteor: mirum vo-  
 bis videri nõ debet. Etenim quibus armis  
 caput nostrum Christum, iisdē & me mi-  
 serum per satellites suos Sathanas oppu-  
 gnabat. Nam eandem cantilenam occine-  
 bat



bat mihi quoq; Mitte te deorsum: scriptum est enim: Bibite ex hoc oēs. Quod si per aequè meis auribus ea verba quæ præcedunt, atque postrema hæc inculcasset, minus fuissem illius insidijs opportunus: Verùm quod à S. martyre Cypriano sui temporis hæreticis dictum aliquando fuisse legimus, id in istos etiam vsurpare nobis licet. Corruptores Euangelij, atque interpretes falsi, extrema ponunt & superiora prætereunt, partim memores, partim subdolè corrumpentes: vt ipsi ab ecclesia scissi sunt, ita capituli vnus sententiam scindunt. Quid potuit magis perspicuè dici, quàm quod à Matthæo dictum est, Vespere autem factò, discumbebat cum 12. Et à Marcò, vespere autem factò, venit cum 12. Et à Luca, Cum facta esset hora, discubuit, & 12. Apostoli cum eo. Iam coniunge cum his ea quæ postea sequuntur, Bibite ex hoc omnes: Aut sicut est apud Lucam, Accipite & diuidite inter vos, & scrupulus omnis erit sublatus. His enim 12. quin dixerit Christus, Bibite ex hoc omnes, nemo Christianus ambigit. Quod eos etiam fecisse scribit Marcus. Nam

bibe-



biberunt, inquit, ex illo omnes. Neque temerè factum est, vt hunc duodenarium numerum, tres Euangelistæ tam diligenter exprimerent. Omnibus enim testatum esse volebant, Apostolis tantum esse dicta, quos tum novos noui sacrificij sacerdotes Christus instituit. Expressum Dei verbum istis videtur, Omnes: an minus est expressum quod præcessit, Duodecim? an eiusdem Dei verbum vtrumque non est? Iungamus igitur vtrumque. Bibite ex hoc omnes, vos, duodecim qui mecum accubuistis. Eritne deinceps vlla litigandi causa? Verum inter quos ego versabar cum essent in cernenda voce, Omnes, etiam lynceo perspicatiores, in ea quæ præcessit, vel ipsa talpa visi sunt esse magis cæci. Quis autem nos Christi verborum intelligentiam, quàm ipse contextus Euangelij, docebit melius? Deinde, quibus dictum est, Bibite, num ijsdem dictum non est, hoc facite? Et alio loco, Euntes docete omnes gentes, baptizantes eos, &c. Et iterum alio loco, Quorum remisistis peccata, remittuntur eis: quorum retinueritis, retenta sunt. Si pertinet ad omnes



etiam laicos hoc, Bibite, pertinet etiam ad omnes laicos vt faciant, hoc est, vt cōsecrent, vt offerant, vt doceant, vt baptizent, vt remittant & retineant peccata, vt vnicuique laico, sacerdotis officio fungi liceat. Quis non videt, hæc quàm absurda sint? Institutum est quidem sacramentum hoc, vt sub panis & specie vini sumeretur: vt autem ab omnibus ita sumeretur, præceptum non est. Institutum est & matrimonij sacramentum ad procreationem liberorum, vt autem vel contraherent matrimonium omnes, vel qui contraxissent, procreandis liberis operam darent omnes, præceptum non est: cum ex consensu mutuo licuerit etiã iunctis matrimonio continere, quò magis orationi vacare possent: Et quod ad rem præsentem propius facit, institutum à Deo fuit, vt offerretur ei semper cum omni victima certa similæ & vini mensura. Cæterum vt omnis qui de sacrificio manducaret, etiam de vino gustaret, præceptum non fuit, quin soli sacerdotes de vino gustabant, & fuit illa sacramenti huius figura. Errat autem, si quis putat illos ipsos, quibus cum nobis res est, hæc non videre. Quo primum quasi  
 fla-

flab  
 sto  
 mot  
 illiu  
 dem  
 ri: c  
 quan  
 cem  
 secta  
 Nec  
 quib  
 Ecc  
 Qu  
 loru  
 iudi  
 nio  
 laic  
 cie,  
 ea d  
 suis  
 trec  
 Qu  
 istu  
 salu  
 acc  
 ant  
 Qu



flabello quodam vsus est Sathanas, ad istos quos nunc in Ecclesia Dei videmus motus & tempestates euitandas, an hæc illius clara verba nõ sunt? Pulchrum quidem esset vtraque sacramenti specie potiri: quia verò Christus hac in re nihil tanquam necessarium præcepit, præstaret pacem & vnitatem, quam vbique præcepit sectari, quàm de speciebus contendere. Nec diuersum ab hoc etiam alij senserunt, quibus adiutoribus & socijs vsus est in Ecclesiæ tranquillitate perturbanda.

Quin & inter eos qui nunc supersunt, illorum sectatores, quotquot aliquo sunt iudicio præditi, nec omni prorsus ingenio destituti, tam illis certum est, altera laicus vtatur, an vtraque sacramenti specie, nihil ad salutem referre, cum nullum ea de re Christi præceptum extet, vt quæ suis ipsi cernunt oculis, quæ suis ipsi contrectant manibus, non sint illis certiora.

Quam igitur causam esse putatis, cur ab istis tanta contentione calix tanquam ad salutem necessarius exigatur? Breuibus accipite. Non temerè à me dictum fuit antea, de sententia cuiusdam S. Patris. Quòd initijs tantum opus est Diabolo.



Nihil enim aliud quærit ista contentione, quam initium discessionis ab ecclesia Dei, quod non aliunde sumere sibi magis visum est opportunum, quam si quod esse videt sacramentum pietatis, signum unitatis, vinculum charitatis, ex eo faceret causam dissidij, materiam diuisionis, fomitem odij. Nolite putare, quod hoc offendat Sathanam, si quis altera tantum vtatur sacramenti specie, vel quod hoc vehementer laboret, vt potiatur vtraque. Scit ille quid à Patribus in quodam Concilio pronunciatum est: siue quis sub vna, siue sub duplici specie communicet, secundum ordinationem siue obseruantiam Ecclesiæ, proficere dignè communicantibus ad salutem. Itaque nec eum vna species offendit, nec de vtraque multum est sollicitus: sed si fiat secundum ordinationem & obseruantiam Ecclesiæ: quoniam sic demum, & non aliter proficit ad salutem: hoc est, quod eum offendit maximè, ac ne sic fiat, hoc est quod instat & vrget maximè. Sathanas vult esse Sathanas. Sathanam Hebræi vocant aduersarium. Vult igitur aduersari Christo & capiti & corpori. Est ordinatio siue



siue obseruantia Christi corporis Ecclesie, vt sub vna communicetur, vult sub vtraque. Est ordinatio siue obseruantia Christi corporis Ecclesie, vt sub vtraque communicetur, vult vel sub vna, vel sub neutra. Vultis autem audire bestiam ipsam verba sua sonantem? Sic per vas suum illud electum loquitur: Si quo casu concilium statueret, minimè omnium nos vellemus vtraq, potiri, imò tunc primum in despectum Concilij vellemus aut vna, aut neutra, & nequaquã vtraq, potiri, & planè eos anathema habere, quicunque autoritate talis Concilij potirentur vtraq;. Digna certè Sathana vox, In despectum Concilij. Videtis aut quorsum eat ille? Non calicis vsum laicis concessum, sed in despectu Christi capitis, & corporis eius Ecclesie, contraria sanctionib. illius facta, cupit omnia. Sathanas est, Christi capitis & corporis aduersarius est, Antichristus est. Quare quicquid per os Ecclesie decernere Christo visum fuerit, quãlibet id esse rectu, Deiq, verbo cõsentaneu intelligat, obnixè tamè ei, manib<sup>9</sup>, quod a iut, pedibusq; semper aduersari conatur, & quã olim capiti nostro Christo caput



& ipse sui corporis, eandem & nunc per  
 membra sua membris Christi cantilenam  
 occinit. Si filius Dei es, mitte te deorsum.  
 Scriptum est enim. Præclare præclarus  
 author ille Vincentius Lirinensis, inter-  
 pretatur hæc verba. Mitte te deorsum,  
 hoc est, è sublimis Ecclesiæ, quæ templum  
 Dei putatur, quæ ciuitas est super montē  
 posita, doctrina & traditione te demitte.  
 Non quod Ecclesiæ, sed quod mihi vi-  
 sum est, sequere: priuati alicuius qui cum  
 spiritu meo sit afflatus, nihil sibi non arro-  
 gabit, nihil alijs omnibus non detrahet,  
 non orbis totius Christiani, cui spiritum  
 Dei minimè deesse certum est, sensum &  
 consensum amplectere. Sciens igitur &  
 prudens manifestæ veritati sathanas ad-  
 uersatur, non aliam ob causam, quam in  
 despectum Concilij. Quid autem aliud  
 Concilium legitimè congregatū, quam  
 Ecclesiam Catholicam repræsentat? De  
 ea dixit Christus: Si quis non audierit ec-  
 clesiam, sit tibi tanquam Ethnicus & pu-  
 blicanus. Contrà nunc dicit Antichri-  
 stus: Si quis authoritati Concilij, hoc est  
 Ecclesiæ, paruert, anathema sit. Potest-  
 ne quicquā dici, quod cum expresso Dei

ver-



verbo magis pugnet? vt vel cœco per spi-  
 cum esse queat, in hac de calicē tanta con-  
 tentione, nihil aliud Sathanam, quàm schif-  
 matis, quàm diuisionis, quàm ab Ecclesia  
 Dei separationis initium quærere, cum i-  
 pſe sit ille, de quo dixit Propheta, qui diui-  
 dit inter fratres: de quo dixit Christ⁹, qui  
 mecū non colligit, spargit. Noster contra  
 non diuisionis, nō dissensionis, sed pacis;  
 sed dilectionis Deus est: qui propterea  
 mori dignatus est, vt filios Dei qui erant  
 dispersi, congregaret in vnum: vt nemo  
 pius dubitare debeat, quin expressū Dia-  
 boli verbum sit, quo nihil aliud quàm di-  
 uisio quàm ab Ecclesia Dei separatio quæ-  
 ritur. Quò maiorem Christo gratiam ha-  
 beo, qui per hos Reuerendos Patres, præ-  
 ceptores meos, tenebras quibus circum-  
 fusus eram, ex oculis mentis meæ depulit,  
 Euangelijque sui luce me tandem illustra-  
 uit, & sicut olim duobus illis discipulis in  
 Emaus euntibus, ita mihi quoque nunc so-  
 lum panem frangendo, nec vllum calicē  
 exhibendo, verborum suorum sensum a-  
 peruit. Nunc itaque coram Deo, & co-  
 ram vobis quotquot hic præsentés ade-  
 stis, quin & coram vniuerso mundo, qua



de re nunc agitur, quæ sit mea sententia clara voce confiteor, nec enim est alia, quàm quæ fuit, & est, & erit semper ecclesiæ sententia. Siue quis sub vna, siue sub vtraque communicet, proficit dignè communicantibus ad salutem. Hic aliquem obstrepentem audire mihi videor: Si quemadmodum dicis nunc, ita sentis, nec ad salutem referre quicquã censēs, alteram an vtramquē speciem sumas, cur à calice tibi nuper abstinendum esse duxisti, quo semper vsus antea fueras? Ego verò quod olim Donatistis dixit Augustinus, Non in sacramentis, verum in præcisione vitium est: idem istis modò non totidem verbis responsum esse volo, Non in vsu Sacramenti, sed in præcisione, vitium est. Non in eo vitium est, si sub vna, nec in eo si sub vtraque communices: sed si contra ordinationem & obseruantiam Ecclesiæ communices, in hoc solo crimen est. Ab hoc ergo crimine mihi cauendum, & propterea calicis vsum intermittendum esse putavi. Vultis autem scire quantum hoc sit crimen. Docebit vos inusitatum sup-  
pli-



plicij genus, quo propter hanc solam  
causam Core, Dathan, & Abyron, De-  
us affecisse legitur. Quid erat in sacri-  
ficando vitij? Quid in adolendo incen-  
so? Dei cultus hic est. Quoniam tamen  
seorsum id illi faciebant, locique sui mi-  
nisterium transgressi, contra Moysen &  
Aaron sacerdotem insurgentes, ab illis  
se præcidebant, quamuis eundem cum  
illis Deum nouerant, pari lege & reli-  
gione vixerant, vnum verum Deum, qui  
colendus & inuocandus erat inuocau-  
rant: ob hoc tamen solum facinus, quòd  
à sacerdote Dei se præciderant, dirupta  
est terra sub pedibus eorum, & aperi-  
ens os suum deuorauit eos, cum taber-  
naculis suis, & vniuersa substantia eo-  
rum, descenderuntque viui infernum o-  
perti humo. Iam ne videtis, quàm  
sit hoc horrendum scelus, velle seor-  
sum ab Ecclesia communicare, quam-  
que grauius id vindicandum esse DE-  
VS existimauerit. Ab hoc igitur tan-  
to scelere, non à calice mihi tempe-  
randum esse putauit: neque dubitanter  
contrariam illi sententiam proferam,  
quàm



quàm produxisse per membrum illud suum Sathanam audiistis. Quod si concilium legitimè congregatum, quod Ecclesiam Catholicam repræsentat, sub vtraque specie communicandum esse statueret, magna reuerentia, nec minore cum alacritate Christo per os illius præcipienti, parvero. Si verò statuatur hoc aliquis, qui cum fuisset Monachus perpetuam continentiam professus, voto se castitatis obstrinxerat, & contra iurisiurandi sui religionem, fractis pudoris repagulis, & ruptis pudicitia claustris, cum nonna se coniungens, incoestam cum ea libidinem suam expleuerat, simul honorabile conubium atque thorum immaculatum dici voluit, quod esse constat abominabile adulterium, & thorum incoestu contaminatum: Si talis quispiam id statuatur, in despectum sathanæ per eum id statuentis, aut vna, aut neutra, & nequaquam vtraque potiri volo, & planè eos anathema habere, quicunque autoritate talis Apostatae potirentur vtraque. Hic iterum dicit aliquis: At non hoc ille voluit, vt suo iudicio de vsu Venerab. Eucharistia quicquã statueretur, verum quòd hominum com-  
 menta



mēta diuinæ legis oraculis anteferuntur, quod hominibus quàm Deo magis obediendum esse statuitur, ad illi minimè ferendum, & graui anathemate dignum visum est: expressum Dei verbum est, Bibite ex hoc omnes, tàm clarum, tàm dilucidum, tàm omnium oculis expositum, vt vel solis ipsius iubar clarius esse non possit. Quare contra Dei verbum hoc adeò manifestum veniri, quodq; decretum est ab ipso Deo, per homines rescindi, hoc est, quod ille iudicauit indignius, quàm vt ab homine pio tolerari queat. Quousq; autem eadem? Sed obsecro te, si tàm est hoc expressum Dei verbum, si vel ipsa solis luce clarius, cur de illo nunc ambigitur? An est quisquam qui de re clara, verbi gratia, num dies nunc sit, disceptandum esse putet? Minus igitur clarum esse oportet, de quo tantas contentiones excitari videmus. Tum autem & illud, quis est qui satis mirari queat, quòd ea totis 1400. annis quo sensu nunc ab istis proferuntur, intellexit nemo: cum tamen in Ecclesia semper ea fuerint recitata, priuatim etiam à multis lecta, quin & in scholis, & in sacris concionibus frequenter



quenter explicata. Quo tempore Constantiense Concilium habitum est, eo primum calicem exigere nonnulli coeperunt, ex præcepto Dei tanquam ad salutem necessarium, sed magis illi nitebantur eo scripturæ loco, Nisi manducaueritis carnem filij hominis, & biberitis sanguinem eius, non habebitis vitam in vobis, quòd eum qui nunc profertur, Bibite ex hoc omnes, non ad turbas, sed ad sacris operantes pertinere persuasum haberent: cum tamen in illo capite toto neque vini, neque calicis vllam fieri mentionem, & soli pani factam esse promissionem legamus, à Christo dicente, Qui manducauerit panem hunc, viuet in æternum. Itaque nostro primùm sæculo, locum hunc, Bibite ex hoc omnes, obtorto quod aiunt collo, suam in sententiam, qui discesserunt à nobis, pertrahere voluisse videntur, cum non de sacramentali, verùm de spiritali manducatione tantùm, totum caput illud Ioannis intelligendum esse censerent. Ac superiore illo sæculo intra 20. annos duo suere Concilia congregata.

In



In utroque decretum est, nullum extra-  
 re Dei præceptum de calice extra sacri-  
 ficium sumendo, nec de necessitate sa-  
 lutis quenuquam ad bibendum ex eo a-  
 stringi. Quamobrem vix dum quinquaginta  
 anni intercesserunt, quòd alij suam  
 hanc sententiam ex verbis cœnæ Do-  
 mini confirmare conati sunt: quam ta-  
 men & ipsam in eo quod superioribus  
 annis Tridenti congregatum fuit Con-  
 cilio condemnatam esse scimus. Ac non  
 solum in Occidentis, verum & in O-  
 rientis Ecclesijs, non ferè quisquam re-  
 pertus est, qui locum hunc Euange-  
 lij sic intelligendum esse putaret. Con-  
 stat uti calice Græcos, & qui ritum  
 eorum sequuntur, magisque nobis vici-  
 ni sunt, Ruthenos: etiam apud illos  
 infirmis qui lecto sunt affixi, calix  
 non datur. Auderent autem id illi  
 facere, si tam expressum id esse Dei  
 verbum, quo præcipitur, ut ex eo bi-  
 bant omnes, existimarent. Intercesse-  
 runt iam anni plus minus centum viginti,  
 quòd Concilium Florentiæ fuit con-  
 gregatum, in quo præsentibus fuerunt  
 Im-



Imperator & Patriarcha Constantino-  
 pol. cum plurimis orientis episcopis. A-  
 ctum est in eo, de reducendis ad vnitatem  
 Ecclesie Græcis, & fuit res optatum exi-  
 tum consecuta. Disputabatur ibi de pro-  
 cessione Spiritus sancti, de igne purgato-  
 rio, de primatu Rom. Pont. de calice ne-  
 my quidem, vt est in prouerbio. Magis  
 adeo visum est ad rem pertinere, num in  
 azymo Christi corpus, an in fermentato  
 pane rectè conficeretur, de eo disceptare,  
 quàm altera ne an vtraque specie commu-  
 nicandum esset, quòd plus in illo quàm in  
 hoc esse momenti crederetur. Non defue-  
 runt autem in eo concilio, qui ne proce-  
 deret vno modis omnibus impedire co-  
 bantur. Inprimis Marcus quidam Ephe-  
 sus vir doctus, & in dicendo vehemens,  
 qui mori se prius paratum ostendebat,  
 quàm vt subscriberet Concilij decretis,  
 & vniõni consentiret. Cum ei non suppe-  
 terent aliæ rationes, quibus id perfice-  
 ret, an latissimum campum inuehendi non  
 habuit, contra mutatam in Eucharistia  
 communione Christi institutionem, con-  
 tra præceptum eius violatum? contra fu-  
 sum de Christi latere sanguinem, sine quo  
 non

non  
 repu  
 cau  
 pro  
 ben  
 falte  
 cere  
 tuen  
 gen  
 uerf  
 poss  
 rò fa  
 null  
 fari  
 tria  
 Man  
 rien  
 sti v  
 tur.  
 dos.  
 quo  
 tot f  
 Eua  
 per l  
 am v  
 tis, &  
 lijs,



non est remissio peccatorum, Dei filijs ereptum? An vel solam hanc iustissimam causam adferre non potuit, quamobrem pro schismaticis & hæreticis Latinos habendos, & ab eorum communione, vel eo saltem vsque Græcis abstinendum esse diceret, dum ereptum laicis calicem restituerent. Certè nec animus illi, nec ingenium, nec verba defuissent, si quid aduersus Ecclesiæ Latinæ morem rectè dici posse persuasum habuisset. Quoniam verò satis illi perspectum fuit & exploratū, nullum esse Christi præceptum, vt necessariò laici de calice biberent, hoc nomine tria verba, cum latinis non commutauit. Manifestum igitur est, quòd nec ex Orientis partibus vidit quisquā in his Christi verbis, quod isti soli sibi videre videntur. Quid igitur dicemus? Cæcos, stultos, bardos, truncos omnes fuisse, quotquot ita clarum & expressum Dei verbū tot sæculis, ex quo tempore scriptum est Euangelium, non viderunt. Obsecro vos per Deum immortalem, etiam atque etiam vobiscum reputate, num sit hoc pietatis, & modestiæ Christianæ, sic cum de alijs, tum de his patribus sentire, qui primi

D

gen-



gentem hanc nostram Deo genuerunt verbo veritatis, qui calicis vsum iam inde à 600. annis, ex quo tempore Christi receptum est Euangelium in his terris, præterquam sacris operantes prorsus ignorabant, inter quos fuerunt etiam Adalbertus & Stanislaus nostræ gentis Apostoli, qui Euangelium Christi per longam sacerdotum & Episcoporum successione, vna cum hoc ritu sibi per manus traditum, sanguine suo signatum ad nos transmiserunt. An illud potius personæ tuæ non esset, quisquis es, qui tanta contentione calicem exigis, vt hominem esse te meminisses: ac te potius humanum aliquid passum non satis assecutum verborum Euangelij sensum existimares, quàm vt orbem Christianum vniuersum cæcitatibus condemnares: nisi fortè malis illum extremæ cuiusdam impietatis condemnare, qui viuus, vidensque, sciens prudensque contra tam clarum & expressum Dei verbum venire non dubitauerit? Qua quidem re quid aliud effeceris, quàm vt semen adulteræ te, non autem legitimam Ecclesiæ matris prolem esse declares, cum tanta feritas hæc erga parentes



rentes in legitimam sobolem cadere non posse videatur. Mihi quidem hominem exuisse, nec tam pecudes, quã feras quãdam animantes induisse videntur, qui talem erga suos parentes, quos piè Christum coluisse constat, animum gerunt, nisi quod nec in ipsis feris bestijs tantam immanitatem reperire licet, vt rectius cum Ambrosio dicere possemus, Quòd expoliantes Christum superuestiti sunt amictum Diaboli, cum non in aliũ quàm in solum Diabolum hæc tanta cadat immanitas. Conceperant olim non dissimilem de suis maioribus opinionẽ Ariani. Quid autem ad hæc S. ille pater Athanasius? Quòd si illi malè senserunt, inquit, & scriptis suis orbem seduxerunt, cesset eorum memoria, & scripta eorum abijciantur. Ite ergo vos ipsi, & eruite reliquias eorum ex monumentis, vt ab omnibus intelligatur, & eos fuisse seductores, & vos paricidas esse. Num verò multò rectius id istis à nobis dici non potest, qui tantam de calice molestiam nobis exhibet? Si tam impij fuerunt patres vestri iam inde ab eo tempore, quo vel in Polonia, vel in Prussia Christi receptum est Euangeliũ,



vt scientes prudentesque contra tam a-  
 pertum Christi præceptum venirent, in-  
 stitutionem eius violarent, alijs etiam vt  
 idem facerent authores fierent, cesset eo-  
 rum memoria. Ite igitur vos quotquot e-  
 stis vel Braunspergæ, vel quibuscunque  
 tandem alijs in locis, qui sic estis de  
 maioribus vestris persuasi, sui quisque pa-  
 tris, aut proavi, quin & atavi, & abavi re-  
 liquias è monumentis eruite, quò sic ab  
 omnibus intelligatur, & illos impios fu-  
 isse, & vos parricidas esse. Horruistis ad  
 hanc vocem? Atque hoc est quod à nobis  
 exigit Sathanas, dum tantopere calicem  
 vrgens, nihil aliud quàm Euangelium,  
 quàm expressum Dei verbum subinde  
 crepat: vult vt secessionem à S. maiori-  
 bus vestris faciatis, vult vt eos non modò  
 cœcitat, verùm & impietatis omnes cõ-  
 demnetis: vult vt semen adulteræ, genimi-  
 na viperarum & parricidas vos esse decla-  
 retis. Vos verò, charissimi, nolite locum  
 dare Diabolo, sed ea qua par est pietate  
 S. maiores vestros profecuti, quem illi  
 scripturæ sensum per longam sacerdotû  
 & Episcoporum successione, per ma-  
 nus vobis tradiderunt, eum germanum il-  
 lius



lius esse certò persuasum habeatis. Quem verò Sathanas adfert per membra sua dicens: Si filius Dei es, mitte te deorsum, scriptum est enim: Bibite ex hoc omnes, quando quidem aliud nihil per eum efficere conatur, quàm vt mittatis vos deorsum, hoc est, omnem authoritatem Ecclesiæ reiciatis, & illius iudicio, priuatum vestrum iudicium anteponatis, nõ expressum Dei sed expressum Diaboli verbum esse nihil dubitate. Non statim Dei verbum est, quicquid è scripturis à quocunque tandè profertur. Ad Nicodemum dicebant aliquando Pharisæi: Scrutare scripturas, quia Propheta ex Galilæa non surgit, ac non modò non esse Prophetam Christû verumetiam supplicio mortis esse dignû, è scripturis demõstrare conabantur. Nos aiebant legem habemus, & secundum legem hanc debet mori, quia filium Dei se fecit. Num ideo statim Dei verbum fuit, quo sensu per istos proferebatur? An autem hoc infelici sæculo nostro novos Arianos ab inferis excitatos non videtis, qui cum alia multa impia & blasphema, tum illud conantur è scripturis probare, quòd Christus non sit Deus, nec eiusdem



cum patre substantiæ, atq; id ipsius Christi testimonio dicentis, Pater maior me est. Quid aiunt his ipsius verbis Christi clarius? quid potest esse dilucidius? Num autem quem isti proferunt eorum sensum, quem ita clarum esse volunt, eum vos expressum Dei verbum, & non potius expressum Diaboli verbum esse iudicatis? Quæso vos vt vobiscum diligentius expendatis, à quibus, & quàm leuibus initijs, quorsum tandem impietatis progressum fit. Omne studium amplectendæ virtutis eneruatum: sacramentorum Ecclesiæ numerum imminutum, vel sublata potius omnia: Sacerdotium & sacrificium, quæ propriè diuinitati debita seruitus est, abrogatum: ad extremum eò ventum esse videtis, vt sanctissima Trinitas blasphemetur, & Christus esse Deus apertè negetur. A quibus autem initijs ventum huc est, dicam non minus liberè quàm verè. Principium ab hac de calice tanta contentione sumptum est. Nam cum eò quidam audaciæ atque amenticiæ prorupissent, vt hæc scripturæ verba, Bibite ex hoc omnes, melius intelligere se, quàm

quàm  
 cles  
 citat  
 nare  
 info  
 idem  
 cis t  
 long  
 man  
 com  
 peru  
 bant  
 scrip  
 pret  
 sensu  
 lijs  
 est,  
 non  
 quàm  
 ne c  
 fit a  
 quas  
 Initi  
 Dial  
 ex a  
 dim  
 fecit



quàm vniuersam omnium sæculorum Ecclesiam, sibi persuaderent, & eam cœcitatatis vel impietatis potius condemnare non dubitarent: posteaquam non infœliciter initia sibi cecidisse viderunt, idem in alijs quoque scripturarum locis facere sunt aggressi, paulatimque longiùs progressi, tandem ad extremam hanc, quæ sine quodam horrore commemorari non potest, impietatem peruenerunt. Nec enim causam videbant, quòd sibi permissum esset in vno scripturæ loco, secus vt eum interpretarentur, quàm habet sensus & consensus totius Ecclesiæ: cur idem & in alijs multis, & in hoc, Pater maior me est, similiter facere non liceret, cum non minus & hæc verba clara sint, quàm illa, Bibite ex hoc omnes? Iamne cernitis, à quibus exordijs ventum sit ad horrendas abominaciones istas, quas nunc audimus & ingemiscimus? Initijs tantum, initijs tantum opus est Diabolo: quæ cum semel ei cesserunt, ex animi sui sententia, iam non habet dimidium facti, verum totam rem confecisse videtur.



Ab his igitur initijs, charissimi, caute vobis diligenter, & memores illius quod scriptum est: Væ Prophetis insipientibus, qui sequuntur spiritum suum, & nihil vident, non suum quisque proprium, sed neque singularem cuiusque tandem alterius in scripturis interpretandis, verum Ecclesiæ spiritum sequamini. Nam qui suum spiritum sequuntur, nihil vident, ac tanto magis nihil vident quanto sibi plus videre videntur: Dicentes enim se esse sapientes, stulti facti sunt. Qui verò sequuntur Ecclesiæ spiritum, cui soli sanæ scripturarum intelligentiæ lux promissa & missa est, ij demum sunt qui vident & verum scripturæ sensum assequuntur. Hæc est, quam qui non audierit, eum tanquam Ethnicum & publicanum haberi Christus iubet: hæc est, cum qua se futurū vsque ad consummationem sæculi: cui se Spiritum sanctum esse missurum, qui doceat eam, & maneat cum ea in æternum: aduersus quam portas inferi non præualituras promisit idem Christus: hæc est, quam firmamentum & columnam veritatis vocat Paulus: hæc est, quam vt in symbolo nos credere profiteremur, Apo  
 stoli



foli docuerunt. Quam autem causam fu-  
isse putatis, q̄ illi Spiritu sancto pleni non  
dixerunt: Credo S. Biblia, vel sanctū Euā-  
gelij, sed maluerunt dicere: Credo sanctā  
Ecclesiā. Num illi Biblia nos credere no-  
luerunt? Absit. Sed cū haberi posse Biblia  
viderent extrā Ecclesiam, de quibus Iu-  
daeos gloriatos, quorum testimonijs Dia-  
bolum, & eius membra schismaticos &  
hæreticos, ita frequenter vsos legimus:  
propterea statuerunt, vt nos Ecclesiam  
credere profiteremur, vt & ipsos Biblio-  
rum libros non alios quàm quos ipsa no-  
bis tradidit pro Canonicis haberemus: &  
eorum intelligentiam, non aliunde quàm  
ab ipsa peteremus: nec in illis interpretan-  
dis, priuatum nostrum, vel cuiuscunque  
tandem alterius qui falli posset, sed Eccle-  
siæ, quæ nescit errare, spiritum sequere-  
mur: extra quam pelles haberi siue char-  
tæ possunt, atramentum haberi potest, li-  
teræ siue characteres quibus conscriptum  
est Euangelium haberi possunt: cæterum  
ipsum Euangelium, hoc est, sanus illius  
intellectus extra Ecclesiam haberi non po-  
test. In ea sunt Biblia, in ea est Euangeli-  
um, in ea est sanus intellectus Euangelij,



quin ipsa potius viuum est Euangelium, scriptum non atramento, sed Spiritu sancto, non in tabulis lapideis, sed in tabulis cordis carnalibus. Hanc igitur Duce[m] et magistram sequamini : sic futurum est, vt germanum Euangelij sensum assequamini, nec à via veritatis aberretis : & semper infixæ sint pectoribus vestris illa pientissimorum Imperatorum post synodi Calcedonen[sis] definitionem, verba. Cesset iam prophana contentio. Nam verè impius & sacrilegus est, qui post tot sacerdotum sententiam, opinioni suæ, aliquid tractandum relinquit. Extremæ quippe dementiæ est, in medio & perspicuo die commentitiû lumen inquirere. Quisquis enim post veritatem repertam aliquid vltius discutit, mendacium quærit. Mendaciû igitur quærunt & inveniunt, quotquot, post veritatem in quatuor Concilijs, Constantiensi, Basiliensi, Lateranensi, & nouissimo Tridentino, repertum, aliquid vltius de vsu sacramenti Eucharistiæ discutiendum putant, ac verè impij sunt & sacrilegi habendi.



REVOCATIO  
TERTIA.



Roximis superioribus me-  
fib. ex hoc ipso loco me se-  
mel & iterum vobis narra-  
re memini, quemadmodum  
serpētis astutia seductus ex-  
ciderim à simplicitate fidei, quæ fuit in  
S. maioribus nostris. Quoniam verò ple-  
raq; sum in genere persecutus, & strictim  
attigi potius, quàm, pro eo uti rei magni-  
tudo postulabat, accuratius explicavi: fa-  
cturus operæpretium esse videor, si quo-  
ties tempus fuerit opportunum, paulò co-  
piofius de quibusdam verba fecero: quò  
sic & eas quibus seductus, & eas qui-  
bus in viam sum reductus rationes co-  
gnoscere melius possitis. Pertinebit hoc  
& ad vacillantes in sana Ecclesiæ doctri-  
na confirmandos, & ad eos qui similiter  
ut ego seducti sunt, ut similiter ut ego re-  
deant, in viam veritatis adducendos. Vi-  
sum est autem ab eo, quod maximè Satha-  
nas horret exordiri: nimirù à sacrosancto  
corporis & sanguinis Christi sacrificio,  
quod



quod est precium redemptionis nostræ,  
 quod ille tantopere cupit abrogatum, ni-  
 hil vt maiore studio contendat & elabo-  
 ret, quàm vt non solùm extinguere memo-  
 riam illius omnem, verumetiam in sum-  
 mum illud horrorem adducere queat.  
 Primùm autem vobis argumenta propo-  
 nam ijsdem verbis, quibus à nobili quo-  
 dam Sathanæ membro scripta sunt, qui-  
 bus eum apud me, rerum imperitum ado-  
 lescentem, pro dolor, nimio plus profecif  
 se confiteor: nihil vt magis abominandũ  
 ducerem, quàm sacrosanctum hoc Missæ  
 sacrificium, quo per ministros Dei sacris  
 operantes, sub oculos nostros subiicitur,  
 quomodo Christus dilexit nos, & tradi-  
 dit semetipsum pro nobis oblationem &  
 hostiam Deo in odorem suauitatis. Pro-  
 positis autem argumentis, rationes quo-  
 que quibus ea refutare didici proferam.  
 Nolite autem expectare, vt in vno sermo-  
 ne producam omnia, cum ei rei dies vnus  
 non sufficiat. Quamobrè vnicũ argumen-  
 tum hoc tempore proposuisse, simul ra-  
 tiones quibus diluì posset, explicasse con-  
 tentus ero. Quoniam verò sermo ea de re  
 futurus est vobis, in qua totius nostræ sa-  
 lutis



lutis cardo versari videtur: tractandum  
 enim erit de pretio redemptionis nostræ,  
 quod nobis miris modis & artibus erep-  
 tum Sathanas cupit: vestrū erit tantò ma-  
 iorem nobis attentionem præstare. Sic i-  
 gitur ille quæritatur: Intollerabilem in  
 sacrificio Missæ blasphemiam & contu-  
 meliam Christo iurrogari. Sacerdos enim,  
 inquit, & Pontifex à patre consecratus  
 est, non ad tempus, quomodo illi in vete-  
 ri testamento constituti leguntur: quorū  
 cum vita mortalis esset, sacerdotium im-  
 mortale esse non poterat. Quare & suc-  
 cessoribus opus erat, qui subinde in de-  
 mortuorum locum subrogarētur, & Chri-  
 sto qui immortalis est, vicarium substitui  
 minimè necesse est. Itaque à patre desig-  
 natus est sacerdos in æternum secundum  
 ordinem Melchisedech, vt æternū per-  
 manente sacerdotio fungeretur. Qui ve-  
 rò quotidie sacrificant oblationibus sa-  
 cerdotes præficiāt necesse est, quos Chri-  
 sto velut successores & Vicarios subro-  
 gent: qua subrogatione, non modò Chr-  
 stum suo honore spoliant, & æterni sacer-  
 dotij prærogatiuam illi rapiunt, sed è  
 dextra patris deturbare ipsum conantur:

in



in qua sedere immortalis non potest, quin simul æternus sacerdos maneat. His ergo præstigijs verborum, quin motus aliquando fuerim, inficias ire non possum. Verû postea nihil aliud esse cognoui, quàm aranearum telam, qua me captum tamen fuisse profiteor, quamdiu musca fui. Nûc Deo gratias ago, cuius beneficio, ministerio verò Patrum horum, per quos patre verbi sui rescire me Christus dignatus est, factum est, vt esse musca desierim. Quamobrè quæ fuerint mihi rationes ostentiæ, quibus telam hanc disijcerè, paucis indicabo. Libet autem alloqui verborum has ampullas iactantem. Cedo quisquis es, qui te solum sapere, totum autem orbem Christianum desipere persuasum habes: e quem vnquam hominem Christianum legisti, vel audiisti, qui Christum à patre designatum esse sacerdotem in æternum secundum Melchisedech negauerit: qui successores veluti mortuo subrogare, qui suo eum honore spoliare, qui sempiterni sacerdotij prærogatiuam illi rapere, ac per hunc modum è dextra patris eum deturbare conatus fuerit: vel vnum aliquem profer:

fat

fat  
ris  
imp  
hoc  
eam  
fuit  
tant  
non  
chis  
enim  
An  
num  
qui  
gene  
con  
in m  
sæpè  
est  
vna  
sanct  
lam  
nè a  
illan  
in co  
per p  
cibu



fat scio quòd proferre neminem poteris. Quæ est igitur hæc audacia atque impudentia tua, quòd ecclesiæ crimen hoc impingere non vereris, à quo scis eam quàm longissimè remotam semper fuisse? An autem tuis, vel tibi potius tantum hoc sacrilegium impingi rectius non potest? Scimus quale fuerit Melchisedech æternum sacerdotium: panem enim & vinum eum obtulisse legimus. An autem tu sacerdotium, quod æternum esse voluit, Christo non eripis, qui negas eum vnquam hoc sacrificij genere vsum esse? Deindè verò cùm contrà quàm vel cogitare Paulo venit in mentem, hæc illius verba, Neque vt sæpè offerat semetipsum, semel oblatus est ad exhaurienda multorum peccata vna oblatione consummavit, in æternum sanctificatos, ita vis intelligi vt post illam in ara crucis factam, nullam oblationem aliam restare persuadere coneris, an & illam oblationem simul non tollis, quam in cælo facit Christus vultui patris semper pro nobis apparens, & ostensis cicatricibus vulnerum suorum pro nobis interpellans.



pellans. Tu igitur ille es, qui Christum honore suo spolias: Tu es qui sempiterni sacerdotij prærogatiuam illi rapere, tu es qui eum è dextra patris deturbare, tu es qui nobis aduocatum nostrum, & propitiationem nostram è medio tollere conaris, & quod ipse facis impie, falso nos facere criminaris. Nec enim nos aliū quàm Christum sacerdotem in æternum secundum ordinem Melchisedech: nec aliud in Ecclesia, quàm Christi sacerdotium & sacrificium agnoscimus: nec ei successorem quenquam subrogamus: quod nobis tu per summam calumniam affingis, verum sicut in alijs reconciliationis muneribus, sic in offerendo sacrificio, ministris eū hominib. uti, cū Paulo docem<sup>9</sup>: Sic nos existimet homo, inquit Paulus, ut ministros Christi, & dispensatores mysteriorū Dei. Ministrorum ordinem tenent in Ecclesia sacerdotes nostri: verus autem & proprie dictus sacerdos, non est, nisi sacerdos ille in æternum secundum ordinem Melchisedech Dominus noster Iesus christus. Hic est aduocatus noster: hic est propitiatio nostra: hic est & offerens, & oblatio, & sacerdos, & victima, vnus cum illo  
cui



cui offert, vnum in se faciens pro quibus offert, & quod offert. Multis antè Christum incarnatum sæculis, tales futuros nouæ legis sacerdotes prædixit Esaias Propheta. Vos autem, inquit, sacerdotes Domini vocabimini, ministri Domini nostri dicetur vobis. Eosdem & sacerdotes & ministros appellat, neque propterea non sacerdotes, quia ministri sunt: nam & Rex Dei minister est, inquit Paulus, neque tamen propterea non est Rex. Ius omne sacerdotalis potestatis exercet solus Christus, homines verò tantum ministerium adhibent. Quale sit autem hoc ministerium, docet nos Paulus ad Corinthios scribens: Omnia inquit ex Deo qui nos reconciliauit sibi per Christum, & dedit nobis ministerium reconciliationis, quoniam quidem Deus erat in Christo mundum reconcilians sibi: non reputans illis delicta ipsorum, & posuit in nobis verbum reconciliationis. Pro Christo ergo legatione fungimur, tanquam Deo exhortante per nos. Vides quemadmodum Paulus reconciliationem soli Christo tribuit, qui pacificauit omnia per sanguinem crucis suæ, qui reconciliauit nos

E

in



in corpore carnis suæ per mortem. Ministerium autem reconciliationis Episcopis & sacerdotibus : vt sicut ipse fuit legatus Dei patris, sic illi sint ipsius legati : quod munus mandauit illis Christus, cum post resurrectionem Ianuis clausis ad discipulos ingressus, post iteratam salutationem dixit illis: Pax vobis. Sicut misit me pater, & ego mitto vos. Quamobrem aut Christus fuit à patre missus, nisi vt inter Deum & hominem pacem conciliaret? Hanc ipsam igitur ad rem, suos quoq; misit in orbem vniuersum sacerdotes & Episcopos, vt eorū ministerio reconciliarentur Deo, qui suis eum peccatis offenderant. Quod ergo dixit Christus, sicut misit me pater, idem est cum eo quod ait Apostolus, Deus erat in Christo mundum reconcilians sibi. Quod verò subiungit, ita & ego mitto vos, idem est cum eo quod Paulus dicit, Posuit in nobis verbum reconciliationis. Pro Christo legatione fungimur. Obsecramus pro Christo reconciliamini Deo. Quamobrem semel dixisse non contentus repetita vice dixit: Pax vobis, vt insinuaret & pacem se fecisse illis, & pacem se per illos mittere nobis. Christus



tus igitur missus fuit à patre: fungebatur  
 legatione pro patre. Sacerdotes & Epi-  
 scopi missi sunt à Christo: funguntur le-  
 gatione pro Christo: Christus Deus &  
 homo, est verus reconciliator, per cuius  
 mortem reconciliati sumus Deo, quin est  
 ipsa reconciliatio, verus pacificator, verus  
 & propriè dictus sacerdos in æternū secū-  
 dum ordinem Melchisedech, solus sanctus  
 & immaculatus pōtifex, qui & exauditus  
 est, & exauditur pro reuerentia sua, & per  
 quem exaudiuntur quotquot exaudiuntur,  
 qui per proprium sanguinem introiuit se-  
 mel in sancta, qui sedens ad dexteram pa-  
 tris, etiam nunc interpellat pro nobis. At  
 sacerdos ex hominibus assumptus, mini-  
 ster tantū est reconciliationis. Ministe-  
 riū reconciliationis datum est illi. Quo-  
 niam verò totus Christus & caput & cor-  
 pus est, pro utroq; legatione fungitur sa-  
 cerdos ex hominib. assumptus, pro capite,  
 quando Christi prædicat Euangeliū, quan-  
 do reconciliationis beneficium annunciat,  
 quando monet populum vt reconci-  
 liationis huius fructum ad se transferre  
 satagat. Pro corpore verò Ecclesia lega-  
 tione fungitur, quando stans ad altare,



corpus illud quod cruci pro nobis affi-  
 xum, & sanguinem, qui fusus est in remis-  
 sionem peccatorum nostrorum, Deo pa-  
 tri offert, ac supplex precatur, vt huius re-  
 conciliationis in cruce factæ merito, po-  
 pulo suo propitius esse velit, qua tamen  
 & ipsa in parte, nō magis corporis quàm  
 capitis Christi ministrum agit. Sic apud  
 Hieremiam legimus, quod missus erat ab  
 vniuerso populo, vt oraret pro illis ad do-  
 minum Deum suum: & dixerunt ad Hie-  
 remiam, Sit Dominus inter nos testis ve-  
 ritatis & fidei, si non iuxta verbum om-  
 ne in quo miserit te Dominus tuus ad nos,  
 sic faciemus. Voci Domini Dei nostri ad  
 quem te mittimus obediemus. Sic ille po-  
 puli preces ad Deū deferebat, & vicissim  
 populo Dei voluntatē annūciabat. Vtroq;  
 munere hoc functus est, & fungitur ad-  
 huc, & fungetur in æternum Christus  
 Deus & homo. Vtroque fungitur & sa-  
 cerdos ex hominibus assumptus. Verūm  
 hic nihil aliud est, nisi minister, non autē  
 sicut ille falso nos dicere fingit successor.  
 Verus autem & propriè dictus sacerdos,  
 verus mediator noster, quem proposuit  
 Deus propitiationem per fidem in san-  
 guine



guine ipsius, quod iam toties repetitum est, non est nisi ille cui soli dictum est, Tu es sacerdos in æternum secundum ordinem Melchisedech. Ille de quo scriptum est, quod factus est propitiatio pro peccatis nostris: ille est qui docet, ille est qui baptizat, ille est qui Deum patrem pro nobis interpellat, ille est qui consecrat Eucharistiam, ille est qui porrigit sumere volentibus, ille est qui offert suum ipsius corpus & sanguinem in altari longè gratissimum Deo patri sacrificium. Ipse est reconciliator & reconciliatio, & sacerdos & sacrificiū, & oblato & oblatio, minimè diuersum vt sit illi à nostro sacerdotiū & sacrificium. Et sicut Episcopi & eius Vicarij tribunal vnum esse dicitur, sic omniū qui sacerdotes vocantur, & Christi veri sacerdotis, vnū est sacerdotium & sacrificium. Sicut in docendo siue prædicando, non est sacerdotis nisi ministerium, sic enim loquitur Christus, Non vos estis qui loquimini sed Spiritus patris nostri qui loquitur in vobis. Sic & Paulus, An experimentum eius quæritis qui loquitur in me Christus. Sicut in baptizando non est nisi sacerdotis ministerium, nā



solus ille verè baptizat, Solus ille verè nos  
 abluit à sordibus peccatorum, de quo di-  
 xit Ioannes Baptista, Hic est qui baptizat  
 in Spiritu sancto, Dominus noster Iesus  
 Christus, quod & Paulus indicat, cùm re-  
 præhendens eos qui baptismum ex mini-  
 strorum dignitate metiebantur, dicentes:  
 Ego quidem sum Pauli, alius autem, ego  
 Apollo. Quid verò Paulus, Ministri eius  
 cui credidistis, & vnicusq; sicut Dominus  
 dedit, ego plantavi, Apollo rigauit, sed  
 Deus incrementum dedit. Neq; qui plan-  
 tat est aliquid, neq; qui rigat, sed qui incre-  
 mentum dat Deus. Sicut in remittendis pec-  
 catis, non est sacerdotis nisi ministerium,  
 cùm rectè dictum sit: Quis potest dimit-  
 tere peccata nisi solus Deus? sicut in inter-  
 pellando non est sacerdotis nisi ministe-  
 rium, nam verus interpellator, qui solus  
 exauditur pro sua reuerentia, non est nisi  
 ille qui sedet ad dexteram patris, semper  
 viuens ad interpellandum pro nobis: sic-  
 ut in alijs quibuscunque functionibus ad  
 reconciliationis munus pertinētibus, non  
 est sacerdotis nisi ministerium: quod aut  
 virtutis est & efficaciar non præstat nisi  
 solus Christus: sic in Eucharistiæ consecra-  
 tio-



ne, sic in distributione, sic in oblatione non est sacerdotis nisi ministerium. Quae quidem in re concors est omnium sanctorum patrum tam priscorum quam recentiorum sententia, qui per ministros suos fungi sempiterno sacerdotio Christum secundum ordinem Melchisedech, vno ore testantur: quando sub speciebus panis & vini Deo patri suo per sacerdotem sacris operantem corpus & sanguinem offert. Quoniam verò longum esset omnes recensere, vnius aut alterius tantum verba proferemus: Non sunt humanae virtutis haec opera, dicit Chrysostomus. Qui tunc in illa coena confecit, ipse nunc quoque operatur, ipse perficit: Ministrorum ordinem nos tantum tenemus: Qui verò haec sanctificat & transmutat, ipse est. Multis alijs in locis eadem haec alijs atque alijs verbis repetit. Sed hunc vnura protulisse sufficiat. Oecumenius explicans illum locum, Tu es sacerdos in aeternum, Non dixisset, inquit, de ea, quae semel est facta oblatio & hostia: in aeternum: sed respiciens ad praesentes sacrificos, per quos medios Christus sacrificat & sacrificatur, qui etiã in mystica coena modũ



illis tradidit huiusmodi sacrificij. Eundē locum enarrans Theophilactus: Manifestum, inquit, est, de Christo hoc dictum esse. Solus enim ille pane & vino sacrificiū cōsecrauit, perinde ac Melchisedech. Qui verò dixit in aeternum? quia quæ fit in singulos dies, & futura est in perpetuū oblatio per Dei ministros, ipsum habet pontificem & sacerdotem Dominum, atq; adeò ipsam hostiam, qui seipsum pro nobis sanctificat, & frangitur, & distribuitur. Quoties enim hæc fiunt, mors Domini annunciat: r. Vides igitur, quod sicut in alijs reconciliationis generibus, sic & in Missæ sacrificio, non est sacerdotis nisi ministerium, per quem ipse Christus offert semetipsum, ad altare quidem in imagine, in cœlestibus autem in veritate. Qua de re sic aliquando scripsit Ambrosius: Hic, inquit umbra, hic imago, illic veritas. Umbra in lege, imago in Euangelio, veritas in cœlestibus. Antea agnus offerebatur, offerebatur vitulus: nunc Christus offertur: sed offertur quasi homo, quasi recipiens passionem, & offert seipse quasi sacerdos, vt peccata nostra dimittat: hic in imagine, ibi in veritate, vbi apud patrem



patrem pro nobis quasi aduocatus interuenit. Hic ergo in imagine ambulamus, in imagine videmus, ibi facie ad faciem, vbi plena perfectio, quia perfectio omnis in veritate est. Hactenus Ambrosius. Vmbra ex Pauli sententia dicit in lege fuisse, cum agnus offerrebat, offerrebat vitulus. Vocat autem vmbra rudimenta, quæ sunt adumbratio veluti viuæ picturæ. Solent enim pictores, antequam penicillo viuos colores inducant, carbone faciem adumbrare, quam exprimentam sibi proponunt, eam simul ut postea coloribus adhibitis ad viuam repræsentauerint, iam imago dicitur. Vmbra itaque fuisse dicit in lege, quod sacrificijs legis tanquam rudibus & inchoatis quibusdam lineis, fuit adumbratum sacrificium illud, quo se Deo patri Christus obtulit in remissionem peccatorum nostrorum. Cæterum in Euangelio, non vmbra iam est, sed imago. Iam enim viuis coloribus expressum est, quod in lege rudibus lineis fuerat adumbratum. Non amplius iam aut agnus aut vitulus, verum ipse Christus offertur, vel se potius offert ipse. Quoniam verò non recipiens, sed

E S quasi



quasi recipiens passionem offertur, ideo dicitur in imagine offerri, cum non sit in hoc nostro sacrificio vera passio veraque mors, verum imago quaedam passionis & mortis, quam Christus pro nobis pendens in cruce sustinuit. Sic ab Augustino quoque scriptum legimus, quod mundationem peccatorum Dominus, oblatione sui holocausti, quod in veteri sacerdotio figurabatur, impleuit: & holocausti eius imaginem suae passionis in Ecclesia celebrandam dedit, ut esset sacerdos in aeternum non secundum Aaron, sed secundum ordinem Melchisedech. Quod autem hic imaginem, id eodem in loco paulo superius vocavit similitudinem, dicens: Ipse est sacerdos noster in aeternum, secundum ordinem Melchisedech, qui seipsum obtulit holocaustum pro peccatis nostris, & eius sacerdotij similitudinem in suae passionis memoriam celebrandam commendavit, ut illud quod Melchisedech obtulit Deo, iam per totum orbem terrarum in Ecclesia Christi videatur offerri. Fuit igitur in cruce veritas passionis & mortis, hic autem quamvis praesens adsit verum corpus, & verus sanguis Christi, passionis



nis tamen & mortis imago quædam est  
 & similitudo. Nec enim denuo Chri-  
 stus in hoc nostro sacrificio crucifigi-  
 tur & occiditur, sed passionis & mor-  
 tis illius quam in cruce pertulit, memo-  
 ria quædam fit & representatio: vt il-  
 lud impleatur quod à Christo præce-  
 ptum est, hoc facite in meam comme-  
 morationem. Dicitur autem & alia  
 ratione quædam in imagine Christus  
 offerri, nec enim in propria forma, sed  
 in imagine, hoc est in specie panis &  
 vini Christus offertur. Apparet enim  
 imago panis & vini quamuis ibi sit ve-  
 rum & viuum Christi corpus, verus &  
 viuus Christi sanguis. Sic à Cypriano  
 dictum est: Panis iste, quem Dominus  
 discipulis porrigebat, non effigie sed  
 natura mutatus, omnipotentis verbi fa-  
 ctus est caro. Naturam quidem panis  
 mutatam esse dicit, & in substantiam  
 Christi corporis & sanguinis esse con-  
 uersam, sed remanere nihilominus ef-  
 figiem & imaginem panis. Sic à Cy-  
 rillo quoque Hierosolymitano scribi-  
 tur *ἐν τύπῳ ἀφροῦ*, hoc est in figura siue  
 specie



specie panis dat tibi carnem: ἐν τῷ πῶδι οἴνῳ,  
 in figura siue speciè vini dat tibi sangui-  
 nem. Ac paulò post, ὁ φαινόμενος ἄρτος qui  
 videtur panis, non panis est, quamuis ita  
 gustui videatur, sed corpus Christi: ὁ φαι-  
 νόμενος οἶνος, quod videtur vinum, non vi-  
 nū est, etsi gustus ita velit, sed sanguis chri-  
 sti. Quod Ambros. & August. imaginè siue  
 similitudinem, hoc effigiè Cyprianus,  
 hoc typum, figuram siue speciem, qui re-  
 ceptissimus est in Ecclesia loquendi mo-  
 dus, vocat Cyrillus Hierosolymitanus.  
 De paschate verò verba faciens Gregorius  
 Nazianzenus, etiam nunc τῷ πῶδι illud,  
 hoc est in imagine siue figura celebrari di-  
 cit, etiam si claruisset expressius aliquan-  
 to quàm vetus. Nam legale inquit Pascha  
 audeo dicere τῷ πῶδι τῷ πῶδι figuræ figura e-  
 rit obscurior. paulò post autem perfecti-  
 us erit & illustrius, quando biberit illud  
 nouum vna vobiscum omnipotens verbū  
 in regno sui patris, vbi nos manifestius ea  
 docebit, quæ nunc pro captu nostro non  
 obscure nobis demonstrat. Existimant  
 autem Theophylactus & Oecumenius,  
 cū hæc scriberet, ad locum illum Pauli  
 respexisse Gregorium. Vmbram habens  
 lex



lex honorum futurorum, non ipsam imaginem rerū: & hoc dicere voluisse, quod umbram Apostolus legem vocauerit.

Quæ verò nunc in Ecclesia mysteria siue sacra peraguntur, imaginem esse censuerit futurorum honorum, hoc est, maiorū nimirum cœlestium mysteriorū, vt idem senserit Gregorius, quod ab Ambrosio postea scriptum fuit. Umbra in lege, imago in Euangelio, veritas in cœlestibus, hic ad altare per ministros in imagine, hoc est sub speciebus panis & vini, ibi nimirū in cœlestibus, vbi ad patrem pro nobis interuenit, per semetipsum se Christus offert in veritate, hoc est, vt Cyprianus loquitur, palam absque vllis integumentis omnibus conspicabilis. Eundem Pauli locū explicans Nicetas, Triplex, inquit Pascha in medium producit Theologus, Iudaicum, nostrum, & futurum. Ac Iudaicū quidem figuram nostri esse dicit: nostrum autem, futuri. Iudaicum porro nostro obscurius esse: nostrum vero, si quidē cum Iudaico conferatur, perfectum esse: si autem cum futuro comparetur, imperfectum: cuiusmodi autem sit futurum Pascha, sequentibus verbis docet. Quod verò



rò ait: non enim hoc dicere verebor, hoc  
 ideò adducit, quia nouum atque absur-  
 dum videri poterat, Pascha nostrum figu-  
 ram dicere. Perfectiùs autem in altera vita  
 Paschæ participes erimus, quia nunc in  
 spe resurrectionis nostræ festum celebra-  
 mus; tunc autem eam ipsam celebrabi-  
 mus, cum nimirum ipsius quoq; pollici-  
 tatio expleta fuerit, quam fecit his ver-  
 bis: Non bibam posthac ex hoc genimine  
 vitis vsq; ad diem illum, cum illud bibam  
 vobiscum in Regno patris mei. Bernhar-  
 dus verò non dubitauit dicere, quòd &  
 hic & ibi, hoc est & ad altare & in cœle-  
 stibus veritas est, sed hic palliata, ibi ma-  
 nifesta. Quod Ambrosius & Augustinus  
 imaginem, hoc appellat Bernhardus pal-  
 liatam veritatem. Quicquid igitur facit  
 in imagine per ministrum ad altare, idem  
 facit in cœlestibus in veritate, per seip-  
 sum. In altari, manus quidem morta-  
 lis, lingua mortalis, ministerium ho-  
 minis est mortale: verum oblatio non est  
 nisi sacerdotis illius æterni & immor-  
 talis Domini nostri Iesu Christi, qui  
 quod in altari per ministrum, idem il-  
 lud suum corpus glorificatum, nec am-  
 pliùs



plius passioni aut morti obnoxium offert  
in cœlo per seipsum. Quemadmodum au-  
tem non propterea non rectè baptizare  
dicitur minister, quia Christus est qui  
baptizat: non propterea non rectè dici-  
tur peccata remittere minister, quia  
Christus ipse est qui remittit: non pro-  
pterea non rectè dicitur docere siue præ-  
dicare minister, quia CHRISTVS ipse  
vnus est Magister qui docet nos: non  
propterea non rectè dicitur interpellare  
minister, quia Christus ipse est qui sedet  
ad dexteram patris semper viuens ad inter-  
pellandum pro nobis: ita non propterea  
non rectè dicitur offerre siue sacerdotio  
fungi minister ad altare, quia per eum sa-  
cerdotio fungitur, per eum seipsum ho-  
stiam offert Deo patri, sacerdos ille inui-  
sibilis & immortalis secundum ordinem  
Melchisedech Dominus noster IESVS  
CHRISTVS. Quæso vos etiam at-  
que etiam quotquot hic adestis, est ne  
hoc christum honore suo spoliare, & æ-  
terni sacerdotij prærogatiuam illi ra-  
pere? est ne hoc è dextera patris eum  
deturbare? Si quis doceat CHRI-  
STVM habere ministros, per quos  
quod



quod ipse facit in cœlestibus, nobis nunc inuisibilis, in terris faciat per ministrum visibilem: hoc est, vt doceat, vt baptizet, vt interpellet, vt peccata remittat, vt corpus suum consecret & offerat, & aliud quodcūq; recôciliationis munus per ministros exequatur? An hoc non magis ad illius maiestatem, gloriam, & potentiam amplificandam pertinere videtur, si plures habere ministros dicatur, per quos ea quæ vult exequatur. An & bonitatem illius ineffabilem ea res nō declarat, quod quæ sunt ipsius propria, cum suis creaturis communicare dignatur: & quamuis omnia per se præstare posset absq; vllō medio, tamen quos ipse creauit, eos adiutores & cooperarios suos habere non recusat: Dei enim adiutores sumus dicit Paulus. Quid autem vobis videtur, quod per summam calumniam nos facere Sathanas falso criminatur, an hoc non ipse facit potius: qui cum vnā oblationem illam in ara crucis factam, sic solam vrget ac prædicat, vt nullam aliam velle admittere videatur, an Christum honore sempiterni sacerdotij non spoliat? an eum etiam è cœlo quò minus pro nobis interpellare possit

fit



fit nō deturbat? Sed videte per Deum immortalem, quorsum ad extremum res reciderit. Cū sacrilegam audaciam hanc & impudentiam, in abrogando externo sacrificio, non infeliciter sibi cecidisse Sathānas animaduerneret, ijsdem rationibus etiam externum in predicando Dei verbo ministerium, ex Ecclesia per membra quædam sua tollere conatus est, qui & ipsi modò non ijsdem tragicis verbis vociferantur: Intollerabilem Christo blasphemiam & contumeliam irrogari, cui dum successores & vicarij in docendo prædicandoque Dei verbo subrogantur: honore Magisterij sui spoliatur, deque cathedra quam habet in cœlo deturbatur, quasi vel viuere vel docere nos iam desierit, aut quasi parū sit idoneus ad hoc munus per seipsum præstandum. An autem ij non multò grauiores in speciem rationes adferunt, ad externum in predicando Dei verbo ministerium, quàm isti quibus cum nobis negocium est, ad externum sacrificium abrogandum. Plures namque Magistros, aiunt, fieri, Christus etiam ipse prohibuit. at sacrificio nouæ legis, non modò non interdixit cuiquam



aliquando, verum etiam expressis verbis id fieri præcepit, dicēs: Hoc facite in mei commemorationem. Examina scripturarum proferunt, Nolite fieri plures Magistri, vnus enim est Magister vester in cœlis, Non necesse habetis vt aliquis doceat vos, Vnctio eius docebit vos, Non docebit vnusquisque proximum suum, & vnusquisque fratrem suum dicens, Cognosce Dominum, quia omnes scient me à minimo vsque ad maximum eorum. Has illi cùm scripturas sic proferunt, adeò sicut ipsis videtur dilucidas & apertas, cùm se ferre non posse dicant, vt Christus honore magisterij spoliatur, & subrogatis successoribus de cathedra sua quam habet in cœlo deturbetur, maiorem habere tamen prætextum erroris sui videntur. Isti verò quam scripturam producant, qua sacerdotium & sacrificium externum prorsus abrogatum esse doceant. Certè Paulus Apostolus non sublatum, sed translatum id esse docet, non abrogatum sed consummatum, & per meliorem sacerdotem in aliud multò melius, augustius, & perfectius, mutatum: nimirum sicut à sanctis patribus nostris didicimus,

ab



ab eo quod fuit secundum Aaron, ad id quod est secundum ordinem Melchisedech: ab eo quod fuit temporarium, ad id quod est sempiternum: ab umbra, ad veritatem. Quam etiam ob causam explicans illum Psalmi locum Augustinus, Sacrificium & oblationem noluit, *Quid ergo, inquit, Nos iam hoc tempore sine sacrificio dimissi sumus? Absit: corpus autem perfectisti mihi. Ideo illa noluit, ut hoc perfecteres: illa voluit antequam hoc perfecteres. Perfectio promissorum, abstulit verba promittentium. Videtis, charissimi, quem admodum externi sacrificij abrogatio, peperit nobis etiam eius externæ quæ pro Christo sacerdotes funguntur, legationis abrogationem, quæ in externa Dei verbi prædicatione consistit: cum nihil contra sacerdotium externum dici possit, quod non similiter ac multò magis etiam contra externum verbi ministerium dici queat. Contra quod phantastici quidam nostri temporis, tot habere se tam expressa scripturæ testimonia gloriantur, Theodidactos, hoc est, à Deo doctos aiunt esse nos oportere, non ab homine doctos. Itaque frequens*



eis est illud in ore: Audiam, non quod omnis homo mendax, sed quod loquatur in me Deus, qui verax est, & ipsa veritas. Beatus vir quem non Petrus aut Paulus, verum quem tu erudieris Domine. Certo sibi persuasum habent, quod & alij persuadere conantur, Spiritum sanctum è supernis delabi, citra omne medium: non per auditum externum, & vocalem prædicationem siue scripturarum lectionem: & æquè nos hodie docere Deum, ac olim Patriarchas & Prophetas, etiam si neq; Magistros aliquos audiamus, neque scripturas vllas legamus. Et sunt plures quàm facile credi queat, quibus hoc tam persuasum est, quàm quod maximè. Quam etiam ob causam in hortos frequenter se conferunt, & in abdita quædam loca, Voces de cælo quibus erudiantur expectantes. An autem qui non inuitus etiam scripturis vtitur, non rectè potest illud ex Psalmo proferre Sathanas: Funes ceciderunt mihi, in præclaris, adeò tragicæ vociferationes istæ, non modò sacerdotiũ & sacrificium æternũ, verum & prædicationem externã in multis locis omnem sustulerunt, quin & scri-  
 pturis



pturis Canonici auctoritatem omnem abrogarunt. Prodeunt nunc libelli, quibus non ex Ecclesia modò, verùm & ex Repub. discrimen omne tollitur, nihil vt intersit inter Regem & populum, inter principes & illis subiectos. Neque dubitauit quidam Phanaticus homo in Regni Comitijs, quæ proximo anno superiore Lublini sunt habita, cum ad populum concionem haberet, multis audientibus, palàm dicere: Non habemus Regem, nisi qui spinis pro nobis coronatus, & in crucem actus est. Quibus autem rationibus adductum putatis, vt hæc tam absurda sentiret ac diceret? Non alijs certè quàm tragicis eiusmodi vociferationibus, quibus ad abrogandum sacerdotium Sathanas vtitur. Melchisedech non solùm sacerdos, verùm & Rex fuit, figuram Christi gerens, qui & ipse non solùm sacerdos, verùm & Rex fuit. Et sicut sacerdotium, sic & Regnum ipsius est æternum. Sic enim dicit scriptura: Regni eius non erit finis, cuius Regnum, Regnum sempiternum: Regnum eius, Regnum omnium sæculorum. Hæc itaq; cum non ignorent isti, vociferantur & ipsi, intollerabilem



blasphemiam & contumeliam irrogari Christo, quando ei qui Rex est in æternū, sicut & sacerdos in æternum, haud aliter quàm si mortuus esset, aut esse Rex desisset, successores & vicarij subrogātur: qua subrogatione Regia sua dignitate spoliatur, & qui cœlum & terram implet, è folio suo Regio deturbetur. Videtis, quibus rationibus homines isti sacerdotalem dignitatem, quemadmodum ijsdem etiam Regiam potestatem euertere conentur: vt non sine causa dixerit, qui longo tempore versatus est inter eos, Erasmus Roterodamus, & mores eorum benè cognitos habebat: Iste populus tam Euangelicus etiam Principi Turcarum dicitur esse detestabilis, quem ait seditioni natum: quos subinde tumultus excitat? quoties quàm leuibus de causis procurrit ad arma, ne suis quidem Ecclesiasticis fatis obtemperans, nisi dicant blanda auribus? Hi sunt fructus istius præclari, si Dijs placet, Euangelij, quos nobis attulerunt hoc genus Tragicæ vociferationes. Vidimus bellum seruile contrà Dominos, vidimus & subiectorum Principum contra legitimum suum Imperatorem Carolum V. fortissimum



mum Euangelij propugnatorem, seditionem excitatam, quin & in ipso statim initio nascentis huius Euangelij, qui tumultus exorti, quemadmodum loco suo Magistratus moti sunt, etiam in his Prusis terris, qui sunt natu grandiores meminisse queunt. Quamobrem quotquot hic presentes adestis, procul ab hoc genus hominum contagione discedite, & sermones eorum velut pestem fugiendo vitate: quosque Deus ministros elegit, vel ad reconciliandos nos Deo, vel ad gubernandos, & ad politiam conseruandam, eis debitum honorem prestare. Sic futurum est, ut ordine seruato tum in ijs quæ ad Rempub. tum in ijs quæ pertinent ad religionem, optata pace tranquillitateque frui

nobis liceat gratia & misericordia,

&c. Cætera, si Deus volet, alio

tempore prosequemur.

mur.

F 4

FRI.



FRIDERICI  
 BARSCII AD FA-  
 BIANVM ORA-  
 TIO.



Ultimè te amo, mi Fabiane, qui tuos istos errores, in quibus versatus aliquando fuisti, non modò confiteris tam candidè, tantaque cum eorum detestatione: verumetiã, quæ tua minimè vulgaris est vereq; Christiana pietas, memor illius quod scriptum est, vnicuiq; mandauit Deus de proximo suo, tanto studio prouidere conaris, vt ne vel incidant in eosdem errores alij, vel si fortè iam inciderunt, viam & rationem cognoscant, qua faciliè possint ab illis explicari. Sed quale fuit hoc per Deum immortalem, quod in maioribus Regni comitijs, quæ Lublini sunt habita, non ita pridem accidisse narraisti? Sic ne iam & Regem non agnoscit præclarum hoc, si Dijs placet Euangelium, nisi qui spinis pro



pro nobis coronatus, & in crucem actus est? Obstupui cum hæc audirem. Verum qualis est arbor hæc, alios fructus ferre non potest. Equidem sepè mecum animo volutans, quænam sit causa, plusquam Babylonice confusionis huius, quam in plebisq; locis magno cum animorum nostrorum dolore cernimus: vbi sursum deorsum omnia miscentur: ac non solum Ecclesiastici, verum & ciuilis magistratus nulla ratio ducitur: aliam non reperio, quam quod ab eius obedientia discessum est, cuius ministerio Deus vnitatem, & erga quemque magistratum reuerentiam & obedientiam conseruatam voluit: cuius authoritatem quo ad cognoscebant omnes, & vnum sub Christo capite, caput Ecclesiæ Romanum Pontificem profitebantur: necesse habent hoc ipsi fateri, quin & fatentur nonnunquam, qui se per summum nefas ab isto capite disiunxerunt, quod ciuili quoque Magistratui, qui debebatur honos & obedientia sunt attributa. Sed posteaquam illum de gradu suo deturbare nonnulli conati sunt, idem non ita multò post de Regia, deq; cæteris quæ sunt illa inferiores, pote-



statibus facere sunt aggressi. Nec sunt veritilibris etiam editis dicere, quòd Ecclesia Catholica solum vnum caput, solù vnum dominum, tam in coelis quàm in terris agnoscit, Iesum Christum Dei filium: quæ si caput aliud sub illo capite profiteatur, biceps monstrum potius quàm Ecclesia dici debeat. An autem his verbis non tibi videntur omnem subiectionem erga legitimam potestatem ex animis hominum sustulisse? Quis negat, quin caput Ecclesiæ sit Christus? num propterea nõ erit caput Ecclesiæ Pontifex? Est Rex & dominus noster Iesus Christus: sed num propterea non erit Rex & Dominus noster Sigismundus Augustus? Est quidem ita, quòd solus Christus regit & regnat in Ecclesia, & imperium hoc solo illius verbo exercetur atq; administratur. Sed quoniam is visibili præsentia inter nos nõ habitat, vt voluntatem suam ore suo coram nobis declaret, hominum in hoc ministerium adhibet: non ad eos ius honoremque suum transferendo, sed vt suum tantùm per eos opus agat ipse, qualiter ad opus quodq; faciendum artifex vtitur instrumento. Quare manet ipse nihilomi-

nus



nus caput Ecclesiæ summus illius Pontifex & pastor: regit, regnat, & imperium exercet ipse nihilominus in Ecclesia, verū opus hoc suum per Pontificem Pium V. agit, ministrum suum. Nōquod non possit illud per seipsum sine quouis alio vel adminiculo vel organo præstare, sed hoc modo visum est illi suā erga nos dignationē declarare, dum ex hominib. sumit, qui pro se in mundo legatione fungatur, qui sit arcane suæ voluntatis interpret, qui denique personam suam repræsentet. Nec alius illi visus est firmior vnitatis retinendæ nodus, quo suam astringeret Ecclesiam, quàm si vnum aliquem illi præfecisset, cuius in ea gubernand. visibili ministerio pastor inuisibilis vteretur, cui quicquid subiectionis, honoris, obedientiæ deferretur, non tam Pio V. quàm ipsi Christo deferretur. Contrà verò, quisquis eum rejceret, non tam Pium V. quàm ipsum Christum rejceret. Sicut ad Samuelem dixisse Dominum legimus: Nonte reiecerunt, sed me, ne regnem supereos. Ex huius igitur vnus authoritate pendere voluit Ecclesiam, quòd aliter nec Ecclesia, nec fides vna retineri possit.

Sulci:



Suscitabo super eos pastorem vnum, ait Dominus, Et iterum: pastor erit vnus omnium. Et in Euangelio: Erit vnus pastor, & vnū ouile. Pulchrè coniunxit vtrunq;. Nec enim esse potest vnum ouile, nisi pastor sit vnus. Quem pastorem Christum libenter agnoscimus & confitemur, verum is pascendi munus hoc in terris, per ministrum suum Pontificem exercet, de quo non dubitauit Hieronymus aliquando scribere: quòd ex eius dignitate, Salus pendeat Ecclesiæ, cui si non exors quædam, & ab omnibus eminentes detur potestas, tot in Ecclesia efficientur, inquit, schismata, quot sunt sacerdotes, quod oculis ipsi nostris nunc euenisse videmus. Vocamus autem Pontificem caput Ecclesiæ, quòd cum capitis munus proprium sit, subiecta sibi membra gubernare, per ministrum hunc suum Christus hoc facit. Nec est in scripturis inusitatum, vt capitis nomen etiam homini tribuatur. Saulo Samuelem dixisse legimus: Caput in Tribubus Israel factus es. De se quoque Dauid, Constituit me, inquit, in caput gentium. Oseas quoq; propheta, Ponent, inquit, sibi met caput vnū. Et apud



Amos Prophetam legitur: Optimates capita populorum. Sic à paulo quoque dicitur: Omnis viri caput christus est, caput autem mulieris vir. Mulieris caput virum esse dicit paulus. An autem propterea mulieris caput christum esse negat? Absit vt hoc vnquam sensisse paulum credamus: verum hoc ille significare voluit, quod christus constituit caput mulieri virum, vt eam gubernet: non quod ipse christus eam non gubernet, sed quod per virum hoc facit, cui mulierem subiectam esse vult. Eadem prorsus ratione, cum dicimus, quod Ecclesiae caput est Pontifex, absit vt christum excludamus, qui verè caput illius existens verè gubernat eam: sed sicut mulieri virum, sic huic dilectae sponsae suae caput constituit Petrum, & eius legitimum successorem, cuius ministerio gubernaret illam. Hoc autem tum fecit, quando dixit, petre pascue oues meas. Ipse caput, ipse gubernator est Ecclesiae, ipse pastor est & Episcopus animarum nostrarum: verum interea Petrum elegit, petriq; successorem, cuius in ea pascenda gubernandaque visibili ministerio pastor inuisibilis vteretur.

Hæc



Hæc est Ecclesiæ catholice sana doctrina, de capite suo, quod propriè Christum agnoscit. Sed ei nihil tamen detrahi persuasum habet, si subiectum etiam illi Romanum Pontificem, suum in terris caput esse confiteatur. Vbi locus est huic sanæ doctrinæ, videre licet, quòd omnis anima potestatibus sublimioribus subdita est, siue Regi, quasi præcellenti: siue ducibus, tanquam ab eo missis: quia sic est voluntas Dei, à quo est omnis potestas: cui qui resistit, Dei ordinationi resistit. Vbi verò, nescio quæ, libertas carnis magis quàm spiritus prædicatur, vbi persuasum est populo, non aliud caput Ecclesiæ: non alium Dominum in terris agnoscendum esse, præter solum & vnum Dominum Iesum Christum: quanta sit ibi rerum omnium confusio, quis est qui non videat & ingemiscat? Reiectum est Ecclesiæ caput Pontifex facta est ab illo discessio: num autem Imperij caput, etiam & Regni caput alibi reiectum non est? Num & ab illis nõ est facta separatio? Attigisti tu nonnulla, quæ facta sunt in quibusdam Prusis civitatibus, cum primùm quod quibusdã Evangelium vocare placuit, id quod maximè pugnât



pugnat cū Euangelio christi, cœpit in his terris peruulgari. Sed ego externa cōmemorare malo. Neq; tamē intereā quicquā dicam, de seditione rusticorū cōtrā suos dominos ante 40. annos cōcitata. Ab Augusto. cōfes. sumā exordiū, quæ nōnullis à Christiana min⁹ abhorrere videtur. Annus iam agitur 38. cū illa fuit exhibitā fortissimo puri verbi propugnatori Carolo V. Imperatori: nonne statim subsecutum est fœdus quoddam Smalcaldicum? Quid autē annis aliquot interiectis per fœdus illud factum sit, quomodo nonnulli contra suum legitimum dominum & Imperatorem arma sumpserint, recens multorum est memoria. Qui suaue Christi iugū per Pontificē Ecclesiā suā gubernantis excusserūt, an idē facere de cæsaris quoq; iugo nō ita multò pōst aggressi nō sūt? sicut ab ecclesiæ capite, sic ab Imperij capite se disunxerūt, qđ etiā ense præciderē cogitarūt, ne sicut bicipitē ecclesiā, sic biceps Imperiū habere, & aliud præter Christū caput ac dominū agnoscere videretur. Sed in his quæ sunt nobis viciniora, quandoquidē cū primis odiosa sunt, præstat non immorari. Sed neq; de Scotis meminisse nūc libet, qđ post excusū pōtificis



iugum, quam fidem erga suam Reginam ostenderint, crebris rumoribus vbiq̄ue iam est peruulgatum. In florentissimo quondam Galliarum Regno, quid factū sit ante sex plus minus annos, quid nunc etiam fiat, quis est qui sine magno quodam animi horrore vel dicere vel audire queat? Discessum erat ab Ecclesiæ capite, discessum est eodē iure à Regni quoque capite. Qui sibi superintendentes creādi potestatem arrogauerūt, idem in Rege quoque creando sibi licere voluerunt: & in superstitis Regis locum, cui iurisiurandi religione fuerant obstricti, alium elegerunt, cui Ludouici 13. nomen tribuerunt. Sicut non ita multò antè cathedram contra cathedram, sic nunc solium contra solium constituerunt, & sceptrum contra sceptrum erexerunt. Num simile quid auditur apud eos fieri, qui caput Ecclesiæ Romanum Pontificem agnoscunt, vel in Italia, vel in Lusitania, vel in Hispanijs, vel quibuscunque tandem alijs in terris, vbi nulla est ab Ecclesia Dei facta separatio? Vbi pastor vnus est, & vnum ouile, ibi Rex etiā vnus in suo quisque Regno. Princeps v-

nus  
debe  
atque  
ea q  
Chri  
enti  
cui  
tori  
fiat  
litic  
ad re  
ris,  
quib  
gnor  
nim  
non  
sunt.  
obte  
est, &  
dam  
mo c  
hom  
libri  
bi di  
Pont  
nim  
tes. N



nus est in sua quisque prouincia. Quæ  
 debetur à Deo constitutæ potestati fides  
 atque subiectio, seruetur integra, nec de  
 ea quicquam detrahitur: vbi verò quæ  
 Christi Vicario debetur fides & obedi-  
 entia non præstatur, non maior ibi ratio  
 civilis Magistratus habetur: qui suam au-  
 toritatē non retinet, vbi potestatem Ecclē-  
 siasticam euersam videmus. Sed hæc de po-  
 liticis rebus dicta sufficiant. Quod autem  
 ad religionem attinet, in ijsdem illis ter-  
 ris, in quibus vnum Ecclesiæ totius, in  
 quibus & Regni cuiusque caput vnum a-  
 gnoscitur, fidem etiam vnā retineri cer-  
 nimus. Contrā, quā verum sit illud, quod  
 non aliunde schismata & hæreses obortæ  
 sunt, quā inde quod sacerdoti Dei non  
 obtemperatur: dum Episcopus qui vnus  
 est, & Ecclesiæ præest, superba quorun-  
 dam præsumptione contemnitur, & ho-  
 mo dignatione Dei honorat⁹ ab indignis  
 hominibus iudicatur. Non iā in Cypriani  
 libris magis legimus, quā in his locis, v-  
 bi discessum est ab obedientia Romani  
 Pontificis, factum oculis ipsi nostris cer-  
 nimus. Tot ibi sunt fides, quot volunta-  
 tes. Nam & Papæ tot ibi sunt, quot hære-  
 sium



sū magistri: qui se mutuò iam etiam ferre  
 non possunt. Graues ea de re philippi Me  
 lanchtonis quærimonias legimus, quem  
 cū quidam ex discipulis diris deuouif-  
 set, vt pro Ethnico & publicano habere-  
 tur, vt nemo pius cum ipso vel sectatori-  
 bus eius familiaritatem, consuetudinem,  
 amicitiam vllam haberet, in quadam ad-  
 monitione ad lectorem, quam præfixit ei  
 volumini, quod corpus doctrinæ Chri-  
 stianæ vocari voluit, his verbis vtitur:  
 Cum isto mirabilium hominum genere  
 (Matthiam Flaccum intelligit, & Nico-  
 laum Gallum) agi nihil potest, qui suo  
 arbitrio damnant quidlibet. Cogunt cõ-  
 cilia, quando, & vbi ipsis placet, & ven-  
 dicant sibi maiorem magisque intollera-  
 bilem, & minus excusabilem authorita-  
 tem ac potestatem, quàm Papa Romanus  
 vnquam: quæ quorsum tandem euasura  
 videantur, cogitetur. In præfatione ve-  
 rò quæ præcessit admonitionem hanc, in  
 Anarchiam quandam euasisse dicit. Huic  
 philippi quærimoniæ pluribus verbis re-  
 spondens Nicolaus Gallus, Nouos, in-  
 quit, Papas nos criminantur, sed certò  
 persuasum habeant, quòd magis id in sil-  
 los



los quadrat. Ac multis rationibus ostendere conatur, quòd Philippus potius pro Papa se gerat quàm ipsi. Vides quorsum res redijt, abiecto suau Christi iugo, per vnum Pontificem Romanum Ecclesiam suam gubernantis, pro vno multum papæ nati sunt, & illud euenit, quod in libro Iudicum legimus: In diebus illis, non erat Rex in Israel, sed vnusquisque quod sibi rectum videbatur hoc faciebat: Quod sibi rectum videtur, hoc facit, hoc scribit, hoc docet quisque. Flaccus ex Ecclesia sua Philippum eiecit, vicissim è sua Flaccum Philippus exturbat: quem adeo pertæsum iam fuisse tot sectarum, tot Paparum constat, vt vir quidam dignus fide dixerit, ex ore se illius audiuisse, modò congregaretur aliquando Concilium, se profecturum ad illud, & quicquid Spirituisancto & patribus in eo congregatis visum esset, in eo libenter acquieturum. Sat scio, mi Fabiane, si quando versatus inter eos fueris, qui suauæ CHRISTI iugum, per Pontificem Romanum Ecclesiam suam gubernantis, excusserunt,



summi p̄bri loco tibi ab illis objicietur, quòd sis Papista. Tu verò caue quicquam eiusmodi sicut illis videtur cōuicio mouearis: quin potius cum primis id tibi gloriosum fore puta, si Papista vocatus fueris. Quid enim aliud est esse Papistam, quàm Christianum esse? Siquidem qui Christi Vicarium agnoscit, & ei se dicto præbet audientem, is demum & non alius verè Christianus dici meretur. Quorsum autem res recidit per Deum immortalem? Virtus probro ducitur, sceleris virtutis nomen tribuitur. Si quem conuicio maximo volunt affectum, Papistam vocant. Quasi verò flagitium hoc sit, quam debes fidem & subiectionem à Deo constitutæ potestati præstare. Videmus autem, quòd quibus in locis infame visum est Papistæ nomen, iisdem Cæsaristas & Registas appellari, paulò post non minùs ignominiosum iudicabatur: neque plus ciuili, siue vt nonnulli vocant, seculari, quàm Ecclesiasticæ potestati subiectionis præstabatur. Tu verò si quis te Papistam vocauerit, non modò molestè ne feras, verùm te magno potius affectum honore interpretatus age gratias, quòd in  
tegrè

tegrè  
gitin  
dede  
Regi  
conf  
Quò  
quea  
Jeh  
sulif  
Gor  
vnn  
mich  
rist/  
Debi  
limio  
facer  
ampl  
la tib  
vel à  
quor  
rū al  
appe  
maio  
neri  
la. P  
tiner



tegrè conseruatae fidei, subiectionisq; legitimaè potestati tuæ, tibi testimonium dederit, & non modò Papistam, verùm & Registam, & si fueris è ciuium numero, consulistam esse te clara voce pronuncia. Quò melius autem ab omnibus intelligi queas, etiam vernacula lingua dicito: *Ich bin ein Christ/ein Papyst/ein Consulist/aller meiner Oberkeit/der mich Gott vnderworffen hat/will ich treuw vnd gehorsam leisten/Aber da behüt mich Gott für/das ich soll ein Luthesrist/ein Calvinist/ein Sathanist sein.* Debitam fidem & subiectionē erga sublimiorem potestatem testatam omnibus facere cum primis id ad laudem & gloriã, amplū & illustre tibi fore iudicato, nec vl la tibi res maiori sit abominationi, quam vel à Luthero vel à Caluino, vel ab alio quopiã eiusdē farinae nomē ducere, & eorū alicuius verbū, Dei verbi & Euanglij appellatione dignari, cū nulla possit esse maior quàm hæc idololatria. Memineris eius quod scriptum est, Fugite Idola. Politicis in rebus ciuili: quæ verò pertinent ad religionem, in his Ecclesiastico

*F ein regist.*



Magistratui pareto, & infixæ perpetuò  
 sint in pectore tuo aurea illa Augusti-  
 ni verba, In cathedra vnitatis posuit  
 Deus doctrinam veritatis. Cathedram  
 autem vnitatis non aliam esse certò per-  
 suasum habeto, quàm eam, in qua nunc  
 sedet Pius V. Romanus Pontifex: cui  
 qui adhærent, vides ipse quàm sit inter  
 eos admirabilis fidei dogmatum con-  
 sensio, quomodo multitudinis creden-  
 tium est cor vnum, & anima vna, fa-  
 cile vt agnoscere liceat, qualis fuit an-  
 te turrim Babel ædificatam, terram v-  
 nius labij & sermonum eorundem.

Qui verò deseruerunt cathedram hanc  
 vnitatis, in quas sectas mirabiliter in-  
 ter se dissectas, quàm sint miserandum  
 in modum dissecti, quamuis & hoc o-  
 culis ipse tuis videris, cùm inter eos  
 versarieris: tamen hæc quoque tabula,  
 quam cùm per ocium licuerit legen-  
 dam tibi trado, te docebit. Huic igitur  
 vnitatis cathedræ semper adhære-  
 bis, sicut olim Damasum Papam Hie-  
 ronymus, ita nunc tu Pium Quintum  
 nihilo sanctitate illo inferiorem allo-  
 quens dices: Beatitudini tuæ, id est,

Ca-



Cathedræ Petri communionem confite-  
 or, super illam Petram ædificatam Ec-  
 clesiam esse scio. Quicumque autem  
 extra domum hanc agnum comederit,  
 profanus est. Et quod idem scripsit  
 ad eundem: Non noui Vitalem, Me-  
 letium respuo, Paulinum ignoro. Qui-  
 cumque tecum non colligit, spargit:  
 qui CHRISTI non est, Antichri-  
 sti est, hoc tu commutatis nominibus  
 ita profer, Non noui Lutherum, Ofi-  
 andrum respuo, Calvinum ignoro.  
 Quicumque tecum non colligit, spar-  
 git: Qui CHRISTI non est, Anti-  
 christi est. Vides autem quomodo  
 vir ille sanctissimus iuxta ac doctissi-  
 mus, quicumque cum Petri successo-  
 re Papa non colligeret, eum non ad  
 CHRISTVM, sed ad Antichri-  
 stum pertinere dicit. Sathanistam li-  
 berè pronunciat, qui non vult esse Pa-  
 pista. Quamobrem caue, CHRIS-  
 TVM alium agnoscas, quàm qui  
 natus est in Bethleem, illius Euange-  
 lium, tanquam ipsissimum Dei verbum  
 amplectere & osculare, Eislebiensem  
G 4 autem



autem Antichristum, qui suum verbum, Dei verbum appellare, suoque Evangelio nomen Evangelij tribuere veritus non est, haud aliter atque viperam & basiliscum, remis, quod a-  
runt, velisque fugito: sic futurum est,  
vt cum firmiter adhæseris Cate-  
dræ vnitatis, nunquam te  
deserat lux ve-  
ritatis.

RE

R



in q  
rem  
hon  
cles  
re,  
per  
tale  
inst  
cū  
iam  
hæc  
ueri  
niue  
ficiu  
non  
cuiu  
id fa



REVOCATIO

QUARTA.



QVOD vobis promiserim proximis superiorib. mensibus, memoria teneo. Sed incidi nuper in quandam epistolam Augustini, qua ille scripsit ad Ianuarium, in qua de Sacramentis, deque ritibus & ceremonijs tractans ita loquitur: Si quid horum tota die per orbem frequentat Ecclesia, hoc quin ita faciendum sit, disputare, insolentissimae insaniae est: peccidem percussus fui, cum haec legerem. Nam cum tale sit hoc, de quo sermo nobis nunc est institutus, tremendum Missae sacrificium: cum, quam late patet orbis Christianus, iam inde ab Apostolorum temporibus ad haec vsque nostra semper illud frequentauerit, ac nunc etiam frequentat ecclesia vniuersa, quam etiam ob causam iuge sacrificium a Daniele vocatur, non potui non metuere, ne me quis insolentissimae cuiusdam argueret insaniae, qui nunc id faciendum sit, de eo disputare nunc ag-

G s gre-



gredior. Nam etsi nihile a de re diuinæ scripturæ præscriberet authoritas, quam nobis minimè deesse suo loco docebimus, tamen vel hoc solo nomine, quod ab orbe toto Christiano, totis 1500. annis receptum, & in omnibus Ecclesijs perpetuo frequentatum est: ab homine sobrio qui vel micam sanæ mentis haberet, id in disceptationem vocari minimè deberet. Cùm verè dictum sit ab eodem Augustino, quamuis huius rei è scripturis Canonicis non proferatur exemplum, earundem tamen scripturarum etiam in hac re à nobis tenetur veritas, cùm hoc facimus quod vniuersæ iam placuit Ecclesiæ, quam ipsarum scripturarum commendat authoritas, vt quoniam scriptura fallere non potest, quisquis falli metuit huius obscuritate quæstionis, eandem Ecclesiam consulat, quam sine vlla ambiguitate sacra scriptura demonstrat. Fateor quod cùm hæc Augustini verba legissem, & quod scripsit alius quidam qui præcessit eum: Traditio est, nihil quæras amplius: non parum ab instituto meo fui retardatus. Quoniam

VE-



verò promissi reus teneor, fidem vt me-  
 am liberem necesse est. Quamobrem  
 quando nos huc adigunt infaniæ, infan-  
 ni quidam homines, qui in medio &  
 perpicio die commentitium lumen in-  
 quirere conantur, nec nisi quod ipsi fen-  
 tiunt rectum esse quicquam putant: li-  
 ceat mihi quaeso per vos, vna cum illis  
 infanis insanire paululum, liceat cum  
 Paulo dicere: Sufferte nos insipientes,  
 cum sitis ipsi sapientes: ac grauissima  
 de re differentibus benignas nobis au-  
 res præbete. Priusquam autem ad rem  
 aggrediar, paucis vos admonendos esse  
 putavi, quòd Sathanas non ferè sua for-  
 ma prodit, neque statim quod vulgò  
 dici solet, ostendit cornua, sed ad il-  
 laqueandos homines semper abutitur  
 integumento. Nam si qualis est illicò  
 se talem exhiberet, quis aspectum eius  
 non exhorresceret? quis congressum  
 non expauesceret? quis non vel maxi-  
 mè refugeret? Itaque transfigurat se in  
 Angelum lucis, contra Christum, por-  
 tat signum Christi: contra legem, arma  
 sumit ex lege: ex Euangelio pugnans,  
 Euangelium impugnat, & in superni-  
 ciam



ciem de veris mendacia fingit. vt non temerè describens hæreticū dixerit Ambrosius: Hæreticus est, qui per verba legis legem impugnat. Nam proprium sensum verbis astruit legis, vt suæ mentis prauitatem legis autoritate commendat. Sciens enim impietas, multum autoritatem valere, fallaciam sub eius nomine componit, vt quia res mala per semetipsam acceptabilis esse non potest, bono nominis commendetur. Legem Ambrosius vocat scripturam. Nunc quemadmodum legem per verba legis, hoc est scripturam, siue Dei verbum, per verba scripturæ Sathanas impugnet, audiatis. Primum autem legem Christi proferemus, Hoc facite, inquit, in meam commemorationem. Nouum pascha Christus instituit in cœna nouissima, de quo dicit Paulus: pascha nostrū immolatus est Christus. pascha vetus, fuit agnus, qui prius immolabatur, postea manducabatur. pascha nouum Christus fuit, qui manducaturus illud cum suis discipulis, prius immolauit sub speciebus panis & vini, deinde manducandum illis tradidit: & quod ipse fecit, vt similiter illi quoque facerent, hoc est, vt prius corpus & sanguis



guinem ipsius offerrent, ac ipsi quodque sumerent, deinde sumere volentibus distribuerent, præcepit. Audiatis igitur, quomodo legem hanc ab Christo ipso latam, Sathanas per verba legis oppugnat, & ex veris mendacia fingit. Conatur ostendere, quod Missa Christi crucem & passionem obruit & opprimit. Hæc enim sunt illius verba: constat, inquit, ex scripturis, quod Christus in cruce semetipsum sacrificium obtulit, quo nos in perpetuum sanctificaret, & æternam redemptionem nobis quæreret. Quamobrem haud dubiè vis atque efficacia huius sacrificij nullo fine perstat: alioqui nihilo honorificètius de Christo sentiremus, quàm de bobus & vitulis, qui sub lege immolabantur, quorum oblationes ex eo inefficaces arguuntur & imbecilles, quod sæpius iterabatur. Quare aut Christi sacrificio quod in cruce implevit, purgationis æternæ vim defuisse fatendum erit: aut vno semel sacrificio Christum in omnia sæcula defunctum esse. Id est quod dicit Apostolus. Summum hunc Pontificem Christum, per immolationem sui apparuisse sub consummatione sæculi ad peccati profligationem. Itè



voluntate Dei nos sanctificatos per oblationem Iesu Christi, Semel item Christum vna oblatione in perpetuum consumasse sanctificatos. Quibus insignem sententiam subnectit: acquisita semel peccatorum remissione, nullam amplius restare oblationem. Hoc & postrema sua voce, & inter ultimos spiritus ædita Christus significauit, cum dixit: consummatum est. Solemus extremas morientium voces per oraculis obseruare. Christus moriens testatur, vno suo sacrificio perfectum esse & impletum, quicquid in salutem nostram erat: nos huiusmodi sacrificio, cuius perfectionem luculenter ad eum commendauit, quasi imperfecto, innumera quotidie assumimus, quando sacrosanctum Dei verbum, non affirmat modò sed clamat etiã & contestatur, hoc sacrificium semel peractum fuisse, eius vim æternam permanere. Qui aliud postulant, non ne ipsam imperfectionis insimulant & infirmitatis? His ergo verborum fucis, quin deceptus aliquando fuerim, diffiteri non possum. Sed sicut priorem illam, ita & hanc araneam esse telam postea cognoui, quæ me tenebat irretitum, quã diu mulca fui. Nunc Deo gratias ago, cuius

ing  
hos  
cur  
esse  
non  
dist  
figu  
deu  
quo  
pro  
diu  
ma  
git  
qui  
ex i  
mag  
ficio  
hilt  
virt  
tean  
verb  
aute  
verb  
volu  
tine  
pro  
stia



ingens hoc beneficium agnosco, quòd in hos Reuerendos Patres incidi, quorum cura, diligentia, labore, perfectum est, vt esse Musca desinarem, & hoc genus tela non ita magno negotio perumperè. Vidistis autè Sathanà in Angelù lucis se transfigurantem, quãdo tam piè concionatur de vi, efficacia, & perfectione sacrificij, quo se Christus in ara crucis Deo patri pro nobis obtulit in odorè suauitatis. Audiuistis quemadmodum ex lege sumit arma contra legem, & ex veris mēdacia fingit. Quæ profert ex Paulo verba legis, quid potest illis esse verius? quod autem ex illis colligere conatur, quod potest magis crassum esse mendacium? De sacrificio quod in cruce Christus peregit, nihil tā dici magnificè potest, quin multò virtutem illius excellentiorem esse profiteamur, quàm vt eius præstantiam vlla verborum vis explicare satis queat. Libet autem hac de re cuiusdam S. Monachi verba recitare, qui vixit eo sæculo, quo volunt isti lucem Euangelij prorsus extinctam fuisse. CHRISTVS, inquit, pro salute mundi, semel factus est hostia salutaris, rei reconciliatio generalis, omni-



omnibus sacramentis tam præcedentibus, quam subsequentibus virtutem dedit & efficaciam, vt tanta & tali hostia sanctificarentur omnes liberandi per illam. Vnde legitur, quia agnus occisus est ab initio sæculi, ijs videlicet, qui fuerunt ab initio, vt per hoc quod dicitur Ab initio, determines non tēpus occisionis, sed salutis. Prius enim mors eius, p̄fuit, quam fuit: prius p̄missio & deinde exhibitio: Ab initio sæculi occisus est. Hactenus ille S. Monachus, cuius tam piā doctrinam cum Pauli doctrina sanctorumque Patrum interpretatione pulchrè consentientē, libenter amplectimur. Nihil enim ab eo prætermisum est, quod ad vim, efficaciam, & perfectionem illius oblationis vnica, qua Paulus consummatos esse dicit omnes qui sanctificati sunt in æternum, illustrandā pertinere videretur. Prius etiam eam profuisse dicit quam fuisse, neq; tum primū cū esset exhibitā, verum etiam ante multa sæcula, cū adhuc esset in mente diuinæ præscientiæ præuisa, reconciliasse sanctificasseque quotquot reconciliati sunt vnquam & sanctificati. Quam etiam ob causam nihil dubitauit Augustinus, eodē



ex Apocalypsi loco producto, quòd agnus occisus est à mundi constitutione: sanctis omnibus, Patriarchis, & Prophetis, qui Christum præcesserunt, Christianorum nomen tribuere, quòd indubitanter crediderint agni illius immaculati, qui pro totius mundi peccatis occidendus, & iam in præsentia patris occisus erat, præcioso Christi sanguine se redimendos, reconciliandos, & sanctificandos esse. Sic ab initio genus fuisse Christianorum docet. Vides igitur quisquis es, qui tibi tam prudens in oculis tuis esse videris, vt omnes alios præ te stupidos, bardos, truncos, & adeò cæcos esse persuasum habeas, vt nihil in scripturis videant, quòd de verbis legis quæ profers ex Paulo de vi, efficacia, & perfectione oblationis, quæ Christus vnica consumauit in æternum sanctificatos, nulla sit prorsus nobis vobiscum disceptatio: nec illi quicquam à vobis tribui tantum potest, quin plus etiam vltro concedamus. Nam prius etiam illam profuisse dicimus, quàm fuisse: nec sequentibus modò, verùm & præcedentibus oblationem hanc sacramentis & sacrificijs virtutem & efficaciam dedisse,

H

disse,



disse, nullus vt vnquam ab origine mundi reconciliatus, iustificatus, & sanctificatus fuerit, aut reconciliari, iustificari & sanctificari deinceps etiam possit, nisi per vnā hanc oblationem, extra cuius si dem nulla potest esse sanctificatio, nulla salus. Itaq; nihil est eo verius, quod à Paulo scriptum est: quòd semel oblatum est ad exhaurienda multorum peccata, quòd vna oblatione consumauit in æternum sanctificatos. Nam nec fuit, nec est, nec erit vnquam oblatio, qua sint exhausta peccata, vel deinceps etiam exhauriantur, qua fuerint homines sanctificati, vel deinceps etiam sanctificabuntur, præter vnā illam in ara crucis factam, quæ tam accepta Deo fuit, vt propria sua virtute ac meritò sanctificet quotquot Deo reconciliantur, & reconciliandò sanctificantur. Sed quàm vera sunt Pauli verba, tam falsum est quod ex illis colligere conaris, quando quidem per illud sacrificium crucis consumauit in æternum sanctificatos, non debere quotidianum illud sacrificium in Ecclesia frequentari: quòd CHRISTI crucem & passionem obruat & opprimat, & eam imperfe

ctio.

ctio  
tum  
lūm  
præ  
ficij  
Quæ  
nem  
hibi  
prop  
rum  
pecc  
sang  
ius v  
sacri  
latio  
bant  
exhi  
hoc  
tat v  
sit ob  
vtro  
sacer  
nō es  
caro  
lama  
ctæ r  
quæc



tionis & imbecillitatis insimulet. Certum est, quòd hæc oblatio crucis, non solum quæ subsecuta sunt, verum etiam quæ præcesserunt illam, Sacramentis & sacrificijs omnib. virtutem dedit & efficaciam. Quæ, si non sublata sunt per hæc oblationem crucis, præuisam, priusquam esset exhibitam, quin etiam grata Deo fuerunt, nõ propter sanguinem hircorum aut vitulorum, cuius nulla fuit vis ad remissionem peccatorum impetrandam, sed propter sanguinem in ara crucis fundendum, cuius umbra quædam & figura fuerunt illa sacrificia, nec aliò quàm ad vnã hanc oblationem de qua loquitur Paulus, referantur: certè multò minus tolli debet per exhibitam oblationem hanc, quotidianum hoc sacrificium, quod Ecclesia frequentat vniuersa, cum in altari nostro nõ alia sit oblatio, quàm quæ fuit in cruce, idem vtrobiq; sit sacrificium, idem vtrobiq; sit sacerdos Christus, etiã si modus offerendi nõ est idẽ. Nam in ara crucis mactabatur caro, fudebatur sanguis: in ara nostra, nulla mactatio, nulla sanguinis effusio, sed facta mactationis, & profusi sanguinis, grata quædã cõmemoratio fit, & repræsentatio.



Proponit quæstionem hanc Theodoretus, Epistolam ad Hebræos enarrans, qui vixit ante 1200. plus minus annos. Si & sacerdotium quod est ex lege finem accipit, & sacerdos qui est secundum ordinem Melchisedech obtulit sacrificium, & efficit ut alia sacrificia non essent necessaria, cur noui testamenti sacerdotes mysticam lyturgiam siue sacrificium peragunt? Cui mox ita respondet: Clarum est his qui sunt in rebus diuinis eruditi, nos non aliud sacrificium offerre, sed illius vnus & salutaris memoriam peragere. Hoc enim nobis præcepit Dominus, Hoc facite in meam commemorationem, ut per figurarum contemplationem earum quæ pro nobis susceptæ sunt passionum recordemur, ut in benefactorem beneuolentiam conseruemus, & futurorum bonorum perceptionem expectemus. Idem responsum dedit aliquantò antè Ioannes quoque Chrysostomus, & posterioribus sæculis Haymo, Theophylactus, & qui sunt eos cōsecuti. Est autem hoc obruere crucem & passionem Christi, si fiat quod à quodam S. Patre scriptum est, ut iugiter colatur per mysterium quod semel offereba-

tur



tur in precium: & quia quotidiana & indefessa currit pro salute hominum redemptione, perpetua sit etiam redemptionis oblatio: & perennis illa victima iuuat in memoria, & semper præsens adsit gratia. Oblatio nostra non est noua redemptio, qualis fuit in cruce, sed est factæ per crucem redemptionis oblatio quædam & commemoratio. Sed obsecro vos, diligentius vobiscum expendite, cuiusmodi sit hæc ratiocinatio: Obtulit se Christus in cruce, non igitur offeramus nos. An ad eundem modum ratiocinari non licebit? Oravit Christus pro nobis, & fuit eius orationis tanta vis & efficacia, nihil vt eorû non obtinuerit, quæcunque nobis necessaria sunt ad salutem, exauditus enim est pro sua reuerentia: nos ergo non oremus, ne videamur orationem eius imperfectio- nis arguere. Ieiunauit Christus, nos non ieiunemus. Tulit crucem suam Christus, nos igitur non feramus nostram, ne crucem illius obruere, opprimere, & imperfectio- nis arguere videamur. Fuit bonus & sanctus Christus, non simus ergo nos neque boni neque sancti: ne similiter existimet aliquis, nos illius bonitatem & san-



citatem opprimere, & infirmitatis infirmulare velle. Num autem tale quid Archiepiscopus nostri temporis hæreseõn docere non videtur? Nam si quem arrodit propter peccatum conscientia, sic eum respondere iubet: Quid peccatum, peccatum, at tamen ego sanctus sum. Si ego probus nõ sum, Christus tamen probus est. Sic isti belli homines licere sibi iam putãt, vt extremè sint improbi, quandoquidem Christus non tam probus, quàm ipsa probitas est. Sicuti illius oblationem in cruce, sic illius orationẽ, illius ieiunium, illius probitatem & sanctitatem ad salutem sibi sufficere putant, nec aliud maiore studio cauent, quàm ne vel micam quidem probitatis in se habere videantur, ne sic perfectioni probitatis, quæ est in christo, detrudere velle iudicentur: quam etiam ob causam nolunt, vt quisquam in hærenti sibi, quam à Deo accepit, sed ea tantum, quæ est in CHRISTO iustitia, sibi quæ imputetur, iustus esse censeatur, etiamsi ne micam quidem in se probitatis habeat. An hæc vobis non portentosa videntur? quæ non aliunde, quàm ex fidei solius prædicatione proficiscuntur. At non

ita



ita nos Christus, non ita nos eius Aposto-  
 li docuerunt, Orare, ieiunare, crucem no-  
 strā ferre Christus nos iussit, & qui prin-  
 ceptus fuit Apostolorum, Christus, inquit,  
 passus est pro nobis, relinquens vobis ex-  
 emplum, vt sequamini vestigia eius: Chri-  
 sto passo in carne, & vos eadē cogitatio-  
 ne armemini. Paulus verò cū Dei filios &  
 hæredes, cohæredes autem christi nos fa-  
 ctos esse docuisset, mox addidit: Si ta-  
 men compatiatur vt & cōglorificemur.  
 Et alio loco: Si commortui fuerimus, &  
 conuiuemus: si sustinuerimus, & conre-  
 gnabimus. Compati nos ille, commo-  
 ri, sustinere vult, si conglorificari, si con-  
 uiuere, si conregnare volumus. Sicut  
 autem compatiatur, vt passionis illius  
 ac deinceps gloriæ participes redda-  
 mur; sic & offerimus, vt oblationis il-  
 lius in cruce participes efficiamur, &  
 quem illa toti mundo fructum attulit,  
 eum in nos transferamus. Nullus igitur  
 est, qui non libenter confiteatur, quòd  
 CHRISTVS vna crucis oblatione con-  
 sumauit in æternum sanctificatos omnes.  
 Gustauit enim mortem pro omnibus, fa-  
 ctus est saluator omniū, & maxime fide-  
 lium.



lium, factus est propiciatio pro peccatis  
 nostris: non pro nostris autem tantum, ve-  
 rumetiam pro totius mundi. Num autem  
 propterea sanctificati sunt, aut sanctifican-  
 tur omnes? Præclare Ioannes Chrysosto-  
 mus, Ipse quidem, inquit, Christus pro om-  
 nibus est mortuus, non pro fidelibus  
 tantum, sed & pro mundo vniuerso, quid  
 autem si non omnes credunt? ille quod  
 suum erat impleuit. Quantum igitur ad  
 vim, efficaciam, & perfectionem illius ob-  
 lationis attinet, certum est quod nihil ei  
 defuit. Fuit illa plus quam sufficiens ad  
 reconciliandos & sanctificandos omnes,  
 verum si non omnes, non solum infideles,  
 verumetiam ex eorum numero qui confi-  
 tentur se nosse Deum, sed factis abnegant,  
 fructum ex ea capiunt, ipsorum culpa fit,  
 non quod illi sacrificio crucis, purgatio-  
 nis æternæ vis, defuerit. Rectè dictum est  
 ab illo S. Monacho, quod Christus pro sa-  
 lute mundi semel factus est hostia saluta-  
 ris, rei reconciliatio generalis. Genera-  
 lis, inquit ille, reconciliatio rei, hoc est, v-  
 niuscuiusque peccatoris fuit illa salutaris  
 hostia, qua seipsum in ara crucis Chri-  
 stus pro nobis obtulit. Sed ea sic se habet  
 ad



ad sanctificandos omnes, sicut se lux habet ad illuminandos omnes. Luci quidem nihil deest, quod ad illustrandos omnes pertinere videatur, cæterum si quis mauult in tenebris & vmbra sedere, si neque foras in aerem prodire, neque fenestras per quas lux ingredi queat velit aperire, iam non lucis, verum ipsius vicio fit, quod non illuminatur. Sic igitur dicit Paulus, Christum vna oblatione consumasse in æternum sanctificatos: Sicut si quis diceret, Deum vna illustratione mundum in æternum illustrauisse, quod reuera facit, cum solem quasi sempiternum lumen accendit, cuius tamen luminis non statim fiunt omnes participes. Monet alio loco Paulus, vt emundemus nos ob omni inquinamento carnis & spiritus, perficientes sanctificationem in timore Dei. Et alius Apostolus: Omnis, inquit, qui habet hanc spem, in eo sanctificat se, sicut & ille sanctus est. Num autem Christi sanguis non emundauit nos ab omni delicto? Præcipit nihilominus Paulus, vt & nos emundemus nos. Et alio loco dicit. Si quis ergo se mundauerit ab istis, erit vas in honorem sanctificatum. An vna Christus oblatione non



cōsumauit in æternū sanctificatos? & ta-  
 men Paulus monet, vt sanctificationem i-  
 p̄si perficiamus. Et alius Apostolus dicit:  
 Sāctificet se, sicut & ille sanctus est. Qua-  
 si non consumauerit sanctificatos Chri-  
 stus? Quin etiam vno & eodem loco di-  
 cit Paulus: Deus erat in Christo mundum  
 reconcilians sibi, non reputans illis deli-  
 cta ipsorum, & posuit in nobis verbum  
 reconciliationis. Obsecramus pro Chri-  
 sto, reconciliamini Deo. Dixerat paulò  
 antè, quòd sibi nos Deus per mortem filij  
 sui reconciliauerit, obsecrat nihilomi-  
 nus Corinthios, vt reconcilientur Deo.  
 Quorsum autem attinet reconciliari, se-  
 mel iam reconciliatos, & sanctificari se-  
 mel iam sanctificatos? An illi reconcilia-  
 tioni & sanctificationi, qua per vnā cru-  
 cis oblationem consumauit omnes, pa-  
 rum fidebat Paulus? an illam, sicut isti lo-  
 quuntur, imperfectionis & infirmitatis  
 insimulabat? Absit, quin fidebat ille pluri-  
 mum, sicut & nos omnem spem & fidu-  
 ciam nostram, non alia magis in re, quàm  
 in vnica oblatione illa positam atque de-  
 fixam habemus, qua Christus Deo mun-  
 dum reconciliauit, & consumauit in æ-  
 ternum



ternum sanctificatos. Cæterum intel-  
 ligebat ille spiritu Dei plenus, à nobis eti-  
 am aliquid adferri oportere, quò fru-  
 ctum illius oblationis consequi posse-  
 mus. Nec enim sine causa dixit alio loco,  
 Dei adiutores sumus. Non quòd ille sit  
 imbecillior, quàm vt per se nos absque vl-  
 lo adminiculo reconciliare & sanctifica-  
 re queat, cum rectè dixerit Propheta,  
 Qui adiuuit spiritum Domini, sed quòd  
 cooperarios suos nos esse voluit, & mini-  
 stros. Si fructum aliquem ex illius ob-  
 latione, generaliq̃ue reconciliatione ca-  
 pere volumus, simul vt patiamur, simul  
 vt offeramus cum illo. Verùm hic alia  
 proferuntur verba legis. Vbi est peccato-  
 rum remissio, iam non est oblatio pro pec-  
 cato. Nihil est his verbis legis verius, ni-  
 hil est eo sensu, quem ex illis elicere cona-  
 ris, magis falsum. Iam enim audiuistis,  
 quòd vna illa oblatione consumauit Chri-  
 stus in æternum sanctificatos, remissio-  
 ne peccatorum illis obtenta: nihilomi-  
 nus monet Paulus, vt reconciliemur  
 Deo, vt perficiamus sanctificationem no-  
 stram. Generalis illa fuit oblatio, genera-  
 lis reconciliatio & sanctificatio nostra,  
 nec



nec alia deinceps generalis vlla requiratur: sed si volumus fructum illius ad nos redundare, speciali quoque nobis opus est oblatione, quò nostram illam facere possimus, & vim atq; efficaciam illius nobis applicare. Quod exéplo planú faciemus: Illustratus est semel mûdus generali quadam illustratione, quam obré nulla tali deinceps nobis opus est: non opus est alio sole, alia luna, alijs stellis, verú tamen interea necesse est quotidie singulas aeris illustrationes interuenire, si terra singulis est diebus illustranda. Tale quid de altaris oblatione nobis imaginari licet. Certum est, quòd iam non relinquitur nobis alia pro peccatis hostia, non alia crux, non alia passio, non alia mors, non alia sanguinis profusio, per quam reconciliari Deo & sanctificari nos oporteat, quandoquidem illius semel in cruce mactatæ hostiæ oblatio, non minus hodie in conspectu patris efficax est, quàm eo die quo de sacro latere sanguis & aqua exiuit, & reseruata in corpore plagæ semper humanæ salutis præcium exigunt, & obedientiæ donatiuum requirunt. Sed si volumus, vt ea nostra quoque propria sit, & vt oblatio-



tionis illius fructum cōsequamur, necesse est, vt illam ipsam, & non aliam hostiā, hoc est, redemptionem, sanctificationem reconciliationem, quam illa nobis attulit, offeramus Deo patri, simul supplices precemur, vt illius contemplatione placatus & propitius esse nobis velit: Quò magis aut̄ intelligi possit, quale sit hoc sacrificiū, de quo sermo nobis nunc est, admonēdos vos esse duxi, quatuor in scripturis oblationū genera reperiri. Fuerunt enim quæ dā ante legē, & sub lege, quæ vocat Apostolus vmbra & figurā, quòd illud in cruce pro nobis immolandum sacrificiū adumbrabant & præfigurabāt. Ac habuerunt illa quoq; reconciliandi vim & sanctificandi, verum non ex propria sua, sed ex illius oblationis in cruce faciendæ virtute, ad quam referebantur: à qua vim sanctificandi mutuabantur, vt illius hostiæ futuræ meritò sanctificaretur, quotquot erant sanctificati. cæterum adueniente veritate, cesserunt figuræ: adueniente luce, celsit vmbra. Quorsum enim attinebat, vt præfiguraretur & adumbraretur amplius, quod iam exhibitum est omnibus & reuelatum. Nam quod veterum victima  
&



& sacrificia promittebant, id vna crucis oblatione perfecit Christus & consumauit. Promittebant autem futurum, vt Dei filius in assumpta carne genus humanum redimeret, Deoque patri per mortem suam reconciliaret, id impletum est in cruce. Quam etiam ob causam exhalaturus animam dixit Christus, Consumatum est. Sublatæ sunt igitur vmbra, sublatae sunt figurae, posteaquam quod adumbrabatur & præfigurabatur perfectum est. Sed num ideo tanti beneficij iam re ipsa nobis præstiti memoria debuit intermitteri? Hoc verò cum illa pugnaret Euangelij voce: Hoc facite in meam commemorationem. Oblationis illius in cruce factæ memoriam hoc quotidiano sacrificio, sacerdos ille secundum ordinem Melchisedech CHRISTVS, in Ecclesia sua perpetuo celebrari præcepit, neque vnquam ante sæculi consumationem intermitteri. Succedere voluit hoc omnibus illis veteris testamenti sacrificijs, quæ immolabantur in vmbra futuri, Cuius enim futuræ victimæ Prophetiam suis victimis Hebræi celebrant, eius peracti sacrificij memoriam nos Christiani celebramus.

bra  
gu  
ma  
in p  
ver  
me  
vet  
mil  
re n  
gui  
dia  
ips  
car  
in c  
& p  
dan  
Iam  
dei  
qua  
stat  
neo  
die  
cru  
cio  
dæ  
ra  
era



bramus. Sacrificij nostri caro & sanguis, ante Christi aduentum per victimarum similitudinem promittebatur: in passione CHRISTI per ipsam veritatem reddebatur, qua perfecta per memoriae sacramentum celebratur. In veteritamento fuit umbra, figura, similitudo, in cruce veritas. Nam ibi verè mactata fuit caro Christi, verè sanguis illius profusus: in hoc nostro quotidiano sacrificio, memoria. Non quòd in ipso quoque non sit veritas & praesentia carnis, quam pro nobis Christus obtulit in cruce, sed quòd passionis in ea veritas & praesentia non est, verùm imago quaedam commemoratio & representatio. Iam enim passio praeterijt, nec vnquam deinceps amplius iterabitur, cùm illa quae praeterijt perpetua virtute consistat, neque minus Deo sit acceptabilis, nec minus efficax in illius conspectu hodie, quàm quo die caro pendentis in cruce mactata, quo die sanguis de faucio latere profusus est. Et sicut illa Iudaeorum non propterea non fuerunt vera sacrificia, quòd simulachra quaedam erant veri sacrificij, quod erat in cruce  
per-



peragendum, sic & hoc nostrum, nō propterea non est verum sacrificium, quōd simulachrum est eiusdem illius veri sacrificij iam peracti. Nisi quis fortè sic insaniat, vt magis ad rationem sacrificij pertinere putet, quod rem faciendam signat, quàm quod iam factam commemorat. Certè sicut cœna nostra, non esset commemoratio cœnæ Dominicæ, imagoque illius & exemplar, nisi verè manducaremus: ita nec Eucharistia nostra, verum exemplar & imago foret sacrificij, quod in cruce christus obtulit, nisi verè sacrifici caremus. Habemus itaque iam tria genera sacrificiorū, vmbra, veritatem, & memoriam. Superest quartum adhuc, quo christus fungitur ingressus in cœlum, vt appareat vultui Dei pro nobis, vbi nostrum agit aduocatum & propiciatorē, & sedens ad dexteram patris interpellat pro nobis, patrique suo cœlesti cicatrices offert vulnerum suorum, quæ pro peccatis nostris in corpore suo pertulit. Et est hoc idem sacrificium prorsus cum eo quod offertur in altari, idem vtrobique sacerdos, eadem victima, idem offerendū modus, nimirum incruentus. Nisi quōd

in

in co  
stru  
tur  
man  
ferte  
ni, il  
mni  
non  
catu  
ad d  
de c  
con  
null  
se.  
num  
mus  
qui  
quo  
Her  
tanu  
qui  
ctim  
pafs  
qua  
dam  
ann  
stia



in cœlo, per seipsum: in altari, per ministrum. Vtrobique corporis quod offertur veritas: verum hic palliata, in cœlo manifestata. Hic in imagine Christus offertur, hoc est, sub panis speciebus & vini, ibi palam absque vllis integumentis omnibus conspicabilis. An autem & hanc non tollunt oblationem? An autem aduocatum & sacerdotem nostrum, qui sedes ad dexteram patris pro nobis interpellat, de cœlo non deturbant? qui tantopere contendunt, post illam in cruce factam nullam oblationem pro peccato superesse. Iam igitur habetis quatuor oblationum genera. Cæterum de qua nunc agimus, eam nemo descripsit melius, quam qui dixit: Passio Christi est sacrificium quod offerimus. Quam etiam ob causam Hermanus Patriarcha Constantinopolitanus, Agnoscite, inquit, oēs sacerdotes qui sacro altari assistitis, & incruentam victimam sacrificatis, quod viuas Christi passiones annunciat. Viuas vocat, tanquam ad viuum veluti coloribus quibusdam expressis, non autem verbis tantum annunciat. Nullam itaque nouam hostiam, nullum nouum sacrificium offerimus,



mus, verum quod in cruce peractum est, id sub oculos astantium subijcimus, vt eorum erga tam beneficium redemptorem affectum excitemus, & patri coelesti, redemptionis nostrae precium repraesentemus, vt illius admonitus peccatis nostris propitius esse velit. Quam etiam ob rem à viro quodam pio & docto scriptum legimus, Missam dici legationem, quia in eius officio nobis legatio repraesentatur, qua pro humano genere patris legatione fungebatur. Porro legatio non erat aliud quam crux illius & passio, ad hoc enim à patre missus erat. Dicitur etiam legatio Missa, quia sacerdos in ea pro Ecclesia legatione fungitur, quae Christi corpus est, qua tamen ita fungitur, vt capitis quoque Christi legatum agat, quem etiam quibus induitur vestibus repraesentat, vt passionem illius & habitum, & gestum, & actionem, & quibuscunque potest signis exterius, non auribus modò, verum & oculis assistentium ingerat, & sic mentibus eorum imprimat, vt haud aliter afficiantur, quam si nunc in cruce pendentem & morientem Christum aspiceret. Amictus, significat velum quo

quo  
alapa  
stem  
pulu  
tus:  
bus  
quan  
fula,  
daes  
orna  
niue  
fit pa  
uerse  
& de  
viue  
quitu  
eum  
feren  
cruce  
Euch  
num  
bant  
Leuit  
orsun  
& m  
astan  
STV



quo velabantur oculi CHRISTI cum  
 alapis cederetur: Alba siue Camisia, ve-  
 stem, qua fuit illusus ab Herode: Mani-  
 pulus, funes quibus ad columnam liga-  
 tus: Chorda siue cingulum, flagella qui-  
 bus grauius fuit afflictus: Stola, crucem  
 quam ad Caluarie locum baiulabat: Ca-  
 sula, purpuream vestem, in qua fuit à Iu-  
 daeis illusus. Ad hunc igitur modum  
 ornatus, non aliter quam si mundus vni-  
 uersus illi concreditus, atque omnium  
 sit pater, sic ad Deum accedit, & pro vni-  
 uerso terrarum orbe legatus apud illum  
 & deprecator intercedit, vt non solum  
 & deprecator intercedit, vt non solum  
 viuientium, sic enim Chrysostronus lo-  
 quitur, verum & mortuorum peccatis,  
 eum propitium reddat, nihil aliud of-  
 ferens Deo patri, quam CHRISTI  
 crucem & passionem. Quam eleuans  
 Eucharistiam, quod est sacrificij sig-  
 num, (nam & in lege, quæ sacrificia-  
 bantur eleuari consueuissent docemur ex  
 Leuitico) seorsum etiam corpus, & se-  
 orsum sanguinem in sublime tollens,  
 & manus expandens, ita sub aspectum  
 & manus expandens, ita sub aspectum  
 astantium subijcit, vt sibi tum CHRI-  
 STVM in crucem sublatum, & in ea



manus expandentem, sanguinem etiam  
 à corpore separatim videre videan-  
 tur. Quod etiam ab Hermanno Patriarcha  
 Constantipolitano legimus annotatum.  
 Quamobrem & rude vulgus cernere li-  
 cet, vbi diligentius ad pietatem institu-  
 tum est, & pectus tundentes, & ora percu-  
 tientes, & gemitus atq; suspiria quædam  
 ædentes, ac modò in has voces nonnullos  
 ex illis qui liberalius instituti sunt, pro-  
 rumpentes: Domine Deus virtutum, ex-  
 audi orationem meam, auribus percipe  
 Deus Iacob. Equidem indignum esse me  
 fateor, cuius orationem exaudias: verum  
 ô protector noster, aspice Deus, aspice  
 qualis sit hæc victima, quæ tibi nunc offer-  
 tur: num agnus hic est? num vitulus? num  
 hircus pro peccato? num ex eo victimarum  
 genere quas offerri tibi per Moysen in ve-  
 teri lege præcepisti? Protector noster a-  
 spice Deus, respice in faciem Christi tui,  
 pro nobis in cruce pendentis & morien-  
 tis: respice quis patitur, & reminiscere be-  
 nignus pro quo patitur. Nonne hic est mi-  
 Domine innocens ille, quem vt seruum re-  
 dimeres filium tradidisti? Nonne hic est  
 author vitæ, qui vt ovis ad occisionem du-  
 ctus



ctus, & vsq; ad mortē obediens tibi factus, ignominiosæ crucis non dubitauit graue subire tormentū? Reduc Domine Deus oculos tuæ Maiestatis ad hoc opus ineffabilis pietatis. Intuere dulcem natum toto corpore extēsum. Cerne manus innoxias pio sanguine manantes. Vide immaculata vestigia, quæ nō steterunt in via peccatorum, sed semper ambulauerūt in lege tua, diris confixa clauis, & remitte placatus, quæ manus pedesq; mei scelera patrauerunt. Considera inerme latus crudeli cuspide perfossum, & renoua me sacro fonte, quem inde credo fluxisse, specta gratissimæ prolis lacerata mēbra, & recordare benigniū quæ sit mea substātia. Conspicere Dei hominis pœnam, & relaxa conditi hominis miseriam: vide redemptoris supplicium, & redempti dimitte delictū. Hic est, Domine mi, quem propter peccata populi tui percussisti, qui iust<sup>o</sup> pro iniustis mortuus, peccata nostra pertulit in corpore suo super lignum crucis. Vtinā Domine appendas in statera peccata, quibus iram tuam merui, & calamitatem quā pro nobis passus est hic innocens filius tuus. Certē grauior hæc apparebit & ma



gis digna, vt propter ipsam effundas super me misericordiam tuam, quàm fuit illa, vt pro peccatis meis contineas in ira misericordias tuas. Hanc igitur pro peccatis meis tibi satisfactionem offero, filij tui dilecti crucem & mortem interpono inter peccata mea & iram tuam, & cum quæ possim allegare merita mea nulla reperiam, crucis hoc passionis, & mortis illius meritum allego. Meum est hoc meritum, quoniam ille pro sua ineffabili bonitate & misericordia, mecum id communicare, & quasi meum proprium esse voluit. Meum est, quia caro quoque de meo est, quæ fuit in cruce mactata, quia sanguis de meo est, qui de faucibus filij tui latere manauit. Huius itaque passionis & mortis filij tui merito, per quam abundè pro totius mundi peccatis, tibi satisfactum est, quæ sunt à me patrata scelera, clementer mihi condonari supplex peto. Nec enim aliud habeo quod offeram, vel tibi gratius, vel ad exinanienda peccata mea magis efficax, quàm vnicam oblationem istam, qua dilectus filius tuus in cruce consummauit in æternum sanctificatos. Sic sacrificium  
hoc



hoc offertur à cunctis simul fidelibus, non solum viris, verumetiam mulieribus, licet ab vno sacerdote specialiter offerri videatur. Nam quæ ille Deo offerendo manibus tractat, hæc multitudo fidelium intenta mentium deuotione commendat. Nec absunt ab hoc sacrificio cœlestes quoque virtutes, cum non sine causa superiorum quoque ciuium ordines in præfatione, quæ canonem præcedit, à sacerdote commemorantur: quam etiam ob causam sacrificium Angelorum à nonnullis præfatio vocatur. Qua de re sic aliquando scripsit chrysolomus: cum autem sacerdos Spiritum sanctum inuocauerit, sacrificiumque illud horrore ac reuerentia plenissimum perfecit, communi omnium Domino manibus assidue pertractato: quæro ex te, quoto illum ordine collocabimus? Per id tempus & Angeli sacerdoti assident, & cœlestium potestatum vniuersus ordo clamores excitat, & locus altari vicinus in illius honorem qui immolatur Angelorum chorus plenus est. Et alio loco: Papæ mensa mysterijs instructa est, agnus Dei



pro te immolatur, sacerdos pro te an-  
 gitur, sanguis spiritualis ex sacra men-  
 sa refluit, Seraphim astant sex alis faci-  
 em tegentia, Omnes incorporeæ vir-  
 tutes pro te cum sacerdote intercedunt,  
 ignis spiritualis de cœlo descendit, san-  
 guis in cratere ad tuam purificationem  
 ex immaculato latere haustus est, & non  
 erubescis, & non reuereris, non confun-  
 deris, neque Deum tibi propitium facis.  
 Et iterum alio loco: Tempore, inquit, illo  
 mi frater charissime, non solum homines  
 clamorem illum horribilem reddunt, sed  
 etiam Angeli Domino genua flectunt, &  
 Archangeli rogāt, habent sibi tempus id  
 idoneum, habent sacram illam oblationē  
 in fauore. Itaq; vt homines ramos oliuarū  
 gerētes mouere Reges consueuerunt, eo-  
 que arboris genere misericordiam cōme-  
 morant, sic & Angeli tunc pro ramis o-  
 leaginis corpus Domini protendentes, ro-  
 gant pro humano genere, quasi dicant:  
 Pro his Domine oramus, quos tu ad eō di-  
 lexisti, vt pro eorū salute mortem obires,  
 animam in cruce efflares: pro his suppli-  
 camus, pro quibus ipse tuum largitus es  
 sanguinē: pro his oramus, pro quibus cor-  
 pus



pus hoc immolasti. Etiam Angelos habere dicit Ioannes Chrysoftomus hanc oblationem in honore, quam tamen ab hæreticis nunc rideri videmus. Nec tantum fideles omnes, & superni ciues, verum & ipse Christus, qui verus est sacerdos in æternum secundum ordinem Melchisedech: præsens adest in hoc sacrificio, & quod in altari per ministrum, hoc in cælo per se ipsum facit, Deo patri vulnerum suorum cicatrices offerens, sic absq; voce, quem admodum à Theophylacto dictum est, re ipsa loquens: Pro humana natura, filius tuus ego sustinui hæc: miserere igitur eorum, pro quibus ego pati & mori sustinui. Si non interpellaret sacerdos hic, si non appareret vultui patris pro nobis, si non ageret aduocatum nostrum apud illum, frustra preces & à populo, & à clero tenderentur vniuerso. Sed per hunc sacerdotem petimus, quicquid impetratum cupimus. Quam etiam ob causam, omnes orationes, quas vulgò collectas vocant, ita ferè concludimus, per Dominum nostrum Iesum Christum, & post absolutum sacrificium hoc populo dicitur, Ite missa est. Quæ verba sic ante 700. annos quidam ex



SS. Patribus interpretatus est, singularis legatio, Christus missa est pro nobis ad patrem, habens indicia secum suae passionis, ut patri pro nobis supplicans, quale genus mortis pro mortalium vita pertulerit, semper ostendat. Hic videre licet, quàm verè dictum sit à quodam S. patre, In ipsa immolationis hora coelos ad sacerdotis vocem aperiri, in ipso Iesu Christi mysterio angelorum choros adesse, summis ima sociari, terrena caelestibus iungi, vnum quoque ex inuisibilibus atque visibilibus fieri, dixit Augustinus, quòd sacrificium sit omne opus quod agitur, ut sancta societate inhaereamus Deo. An autem esse potest opus vllum, quo magis inhaereamus Deo sancta societate, quàm sit hoc quod in Missa peragitur, per quod sic & inter nos & cum Christo coniungimur, ut vnum corpus, vnus panis esse videamur. Nec in quoque alio, quàm in hostia crucis, qua consumauit in æternum sanctificatos, omnem spem & fiduciam nostram collocatam habeamus. Quamobrem Cyrillus Hierosolymitanus de Missa, quam Lyturgiam Græci vocant, verba faciens appellat eam, τὴν πνευματικὴν



κὴν θυσίαν, τὴν ἀναίμακτον λατρείαν, hoc est, sa-  
 crificiū spūale, & incruentū cultum. Chri-  
 sti verò corpus quod præsens adest in al-  
 tari vocat ibidem τὴν θυσίαν τῆς ἰλασμοῦ, hoc  
 est, sacrificium propiciationis. Germanus  
 quoq; Patriarcha Constantinopolitanus,  
 θυσιασῆριον, hoc est, altare, vocat, ἰλασῆριον,  
 hoc est, propitiatorium: propter præsenti-  
 am illius in ipso, qui est propiciatio no-  
 stra. Ioannes verò Chrysostom. pulchram  
 quandam similitudinem adfert de rege. Si  
 quando trophæum illius celebratur, quòd  
 illo tempore captiui dimittuntur è vincu-  
 lis, & multa licet impetrare, quæ, postea-  
 quã solennitas est peracta, frustra à petitur.  
 Sic fieri dicit etiam, cùm horrendum hoc  
 sacramentum celebratur, quo pro mundo  
 dedit seipsum Deus, quòd hoc tempus op-  
 portunū sit ad eorum qui peccauerūt me-  
 moriã faciendã, & veniã illis impetrandã.  
 Sic à Cypriano, vel quisquis fuit author  
 sermonis de cœna Domini, fuit autē cū pri-  
 mis pius & doctus, & ex priscis patrib. scri-  
 ptū legim⁹, q̄ in huius victimæ præsentia,  
 nō superuacua medicat lachrymæ veniã,  
 neq; vnq̄ patitur cōtriti cordis holocau-  
 stū repullã. Hinc manasse mos iste videtur,  
 qui



qui nunc etiam obseruatur in Ecclesia, si quod grauius impendat periculum, quod propulsatum, aut si quid maiore studio cupimus impetratum: verbi gratia, vel vt pestilentiam à nobis Deus repellat, vel ab imminente ceruicibus nostris hoste nos protegat, vel aeris temperiem donet, vel si quid est eiusdem generis, vt ad hæc impetranda non aliud magis opportunum tempus existimetur, quàm sub eleuatione Eucharistiæ, quo tempore præsens adest realiter in altari, qui sacerdos & victima pro nobis factus est Dominus noster Iesus Christus. Cui victimæ vsq; eo soli tribuitur omnis propiciatio, nihil vt referre putetur, quo vitæ meritò, iustus an iniustus sit sacerdos: sicut nihil refert qui igne accendit, & ad stipulam aut lignum comburendum admouet, frigidus ille fit an calidus, tantum quippe calor impertiet, non quantum habet ipse, sed quantum habet ignis admotus, quâdoquidem ex opere operato, hoc est, ex vi rei factæ fit illa combustio. Sic proximis superioribus sacculis ab Innocentio III. dictum est: Non ergo sacerdotis iniquitas effectum impedit sacramenti, sicut nec infirmitas medi-

ci,  
ui  
dū  
du  
tur  
rat  
ade  
vel  
De  
ne  
co  
fec  
vir  
Ma  
nis  
di  
fun  
eiu  
mi  
fac  
ne  
ip  
al  
qu  
pe  
cl  
stu

ci,  
ci,



ci, medicina virtutem corrumpit. Quamuis opus operans aliquando sit immundū, semper tamen opus operatum est mundum. Opus operans ab Innocentio vocatur sacerdos, qui sacris operatur: op<sup>o</sup> operatū, res immolata, victima quæ præfens adest in altari. Huius virtute, non merito vel actione sacerdotis fieri dicit, vt cum Deo recōciliemur, peccatorum remissionem, & ea quæ petimus præ salute nostra, consequamur. Nec aliter docuerunt, qui secuti sunt eum scholastici Doctores oēs, virtute sacrificij, & operis operati valere Missam, productis illis christi verbis, *Panis quem ego dabo, caro mea est, pro mundi vita*, probauerunt. Quando christus vt summus sacerdos offert, ait Schotus, caro eius est mundi vita, qualiscunq; tandē sit minister per quē offert. cū igitur in hoc sacrificio non alijs agnoscatur sacerdos, nec alia victima, quàm christ<sup>o</sup>, qui semetipsum in cruce pro nobis obtulit, cū nō alia sit legatio, sic enim appellare Missam quibusdam sanctis patribus visum est, quæ per ministrum ad patrem cōlestem ab Ecclesia mittitur vniuersa, quā ille ipse christus pro nobis apud patrem interpellans,  
&



& vulnerum suorum cicatrices, quæ pro salute nostra pertulit, Deo patri offerens, cum quicquid est propiciationis, illi soli tribuatur hostiæ, quæ pro nobis in cruce mactata est, qua vna consumauit in æternum sanctificatos: iam vos ipsi quotquot hic adestis iudicate, num hoc sit obruere & opprimere crucem & passionem christi? num hoc sit eam imperfectionis & infirmitatis insimulare? Quid autem est aliud, bonum dicere malum, & malum bonum, ponere lucem tenebras, & tenebras lucem, ponere dulce in amarum, & amarum in dulce, cuius generis hominibus vae sempiternum per Prophetam Deus comminatur, quàm quod isti faciunt, qui quod est quâ maximè clarum, testatum omnibus & illustre facere, vocant obruere & opprimere: quod est summam virtutem & efficaciam tribuere, vocant imperfectionis & infirmitatis insimulare. Scilicet hoc est obruere Christi crucem & passionem, eam sub aspectum omnium subijcere, perennem illius memoriam esse velle. Denique sic mentibus hominum eam imprimere, vt à quo se sic amatos esse vident, non possint vicissim eius amore non inflam-

flan  
sim  
gar  
loca  
Deu  
inte  
illa  
vos  
gen  
horu  
Prop  
stran  
ipsi  
& p  
illiu  
ant,  
ping  
trem  
crifi  
cior  
quaf  
lius  
quo  
Hoc  
quis  
cruce  
liuic



flammari? Hoc est imperfectionis eam in-  
simulare, illam ad patrem cœlestem alle-  
gare, in illa spem & fiduciam omnem col-  
locare, illam inter peccata nostra, quibus  
Deum grauiter offendimus, & iram eius  
interponere: ab illa propiciationem, ab  
illa salutem omnem expectare. Quæso  
vos per Deum immortalem, quale sit hoc  
genus hominum, vobiscum expédite. Sub  
horum persona dixisse videtur aliquando  
Propheta, Posuimus mendacium spem no-  
stram, & mendacio protecti sumus. Quod  
ipsi facere conantur, vt Christi crucem  
& passionem obruant & opprimant, vt  
illius memoriam prorsus omnem dele-  
ant, id nobis per summam calumniam im-  
pingere non verentur. Quid aliud est hoc  
tremendum de quo nûc agimus Missæ sa-  
crificium, quàm omnium Christi benefi-  
ciorû breuis quædam cômemoratio, &  
quasi sub oculos subiectio? præsertim il-  
lius immensi mortis & crucis beneficij,  
quo nullum præstari nobis maius potuit.  
Hoc igitur dum isti abolitum esse volût,  
quis est qui dubitare queat, quin Christi  
crucē & passionē sempiterna quadâ ob-  
liuione obrutam & oppressam cupiant.

Sed



Sed ego longior sum, quàm initio propo-  
 fueram. Quamobrem hic dicé di finem fa-  
 ciam, si prius vos admonero, quanto ma-  
 iore studio contendit & elaborat Satha-  
 nas, vt redemptoré nostrú, & redemptio-  
 nis nostræ pretiú sacrosanctú Christi cor-  
 poris & sanguinis iuge sacrificium nobis  
 eripiat: vt id vos tanto crebrius maioreq;  
 pietate frequentetis. Nec alia magis in re,  
 quàm in assidua crucis & passionis huius,  
 quæ per sacerdotem sacris operanté sub  
 aspectum nostrum subijcitur, cogitatio-  
 nes vestras, spem etiam & fiduciam vestrá  
 omnem defixam habeatis, & eadem, sicut  
 Petrus admonet, cogitatione armemini,  
 Ita futurum est, vt, si compassi fueritis &  
 glorificemini, & sempiterna bona  
 consequemini, gratia & miseri-  
 cordia Domini nostri Ie-  
 su Christi.

**R E**



145

# REVOCATIO

## QVINTA.



Vas aranearum telas, quibus captus eram, quamdiu musca sui, sic mihi dissoluif se videor, vt bona spe sim, non facile quenquam vestrum deinceps illis irretitum iri. Sed si quis tamen adhuc in animo cuiusquã scrupulus restat, is ad Reuerendos Patres & præceptores nostros adeat, qui facile sunt ei dubitationem omnem sublaturi. Nunc ad reliquas dissoluendas vestris precibus adiutus aggredior. Vos quod hæctenus fecistis, benignas aures, grauissimis de rebus differenti præbeatis. Idolatriam aiunt esse cultum extra Dei verbum instituire: quod clarè testetur hoc dictum: Frustrà me colunt mandatis hominum, Et prophetæ vocant, inquit, idolatriam sacrificia, quæ fiebant extra verbum & mandatum Dei, qualia fuerunt sacrificia excelsorum, & in lucis & cultus idolorum in Betauen, & cultus æneiserpentis. Sed si verum est quod isti dicunt,

K



cūt, quis poterit SS. Patriarchas ab idololatriæ grauissimo crimine vindicare? Quod enim habuit mandatum Abel, de suis primogenitis & adipibus offerendis? Num autem quia faciebat id extra Dei verbum, quod asserere videntur isti, reus idololatriæ pronuntiabitur? At non ita scriptura, verum has oblationes gratas Deo fuisse testatur, cum ait, Respexit Deus ad Abel, & ad munera eius. Quod habuit mandatum Dei Noe de altari ædificando, & holocaustis in eo offerendis? quod Abraham, quod Iob, & alij nonnulli, quos in odorem suauitatis obtulisse Deo sacrificia scriptura testatur? An hos omnes tu reos fuisse idololatriæ dices? Vides igitur quantum sit absurditatis in hoc argumenti genere. Sed scripturam profers? Rectè scriptura, sed sensus quem adfers rectus non est, quin à veritate longissimè remotus est. Nihil minus cogitabat Spiritus sanctus, quàm quòd ex hac scriptura tu colligere conaris, Idololatriam esse cultum omnem extra Dei verbum institutum. Sed quem adfert Basilius, hic verus est huius scripturæ sensus. Traditionibus humanis ad mandatum

tun  
se  
S T  
den  
ritu  
tra  
ver  
betu  
man  
tum  
de s  
pot  
ille  
gust  
tera  
hoc  
nor  
insti  
ficia  
nijs  
dum  
um s  
& al  
lud  
Antè  
gust



tum Dei reprobandum vtendum non esse. Sensum hunc etiã ipse CHRISTVS attulisse videtur, cum in eodem capite paulò superius dixisset: Irritum fecistis Dei mandatum propter traditionem vestram. Non igitur his verbis cultus extra Dei verbum prohibetur, sed ne propter traditionem humanam irritum faciamus Dei mandatum. Quòd autem exemplum adfers de sacrificijs excelsorum, & alijs: quis potuit ad id melius respondere, quàm ille celeberrimus Ecclesiæ Doctor Augustinus, Qui christianas, inquit, literas vtriusque testamenti sciunt, non hoc culpant in sacrilegis ritibus paganorum, quòd construunt templa, & instituant sacerdotia, & faciant sacrificia: sed quòd hæc idolis & dæmonijs exhibeant. Videtis quemadmodum vnum & idem opus, & sacrificium sit in odorem suauitatis, si quis Deo: & abominandum sacrilegium, si quis illud exhibeat Idolis atque dæmonibus. Antè 1200. annos congressurus cum Augustino Maximinus Arianus, hũc ipsum



scripturæ locum, eodem quo nunc isti sensu protulit : Si quid, inquit, de diuinis scripturis protuleris, necesse est vt audiamus : hæc verò voces, quæ extra scripturam sunt, nullo casu à nobis suscipiuntur, cum ipse Dominus moneat nos & dicat : Sine causa colunt me docentes mandata & præcepta hominum. At Augustinus ne respondere quidem ad hæc illius verba dignatus est, quòd ea nihil ad rem pertinere iudicauerit. Sed vt ad causam veniatur, fidem suam profiteri Maximinum iubet. Si quis historiarum Ecclesiasticarum scriptores legat, si Conciliorum Oecumenicorum acta, non alio rationis genere frequentius vfos fuisse Hæreticos reperiet, quàm hoc, Non est scriptum, non est itaque recipiendum : vetus vt hæc eorum cantilena semper fuerit, nihil esse recipiendum præter scripturas, quas & earum intelligentiam vsque eò sibi solis arrogabant, vt earum possessione cæteros excluderent. Quam etiam ob causam scriptor ille vetustissimus Tertullianus, qui non ita longo interuallo fuit à temporibus Apostolorum disiunctus, huc



potissimum gradum obstruendum illis esse docet, vt non admittantur ad vllam de scripturis disputationem, quòd eis minimè competat possessio scripturarum. Arius cum suis sectatoribus, nullam vocè extra S. Scripturam recipiebat, atq; propter eam causam non admittebat Homoufion, quòd ea vox in scripturis non reperiretur. Sed eos ex non scriptis piè tamen intellectis sermonibus in Concilio Niceño damnatos fuisse, Theodoretus narrat. Similiter in Concilio Constantinopolitano, cùm Spiritum sanctum Deum esse profiteri nollet, quandoquidem id his ipsius verbis expressum in scripturis non inueniretur, ex Patrum Theologorumq; doctrina confirmatam veritatem, & Macedonium esse condemnatum, scribit Photius. Nec secus actum est in Ephesino concilio. Cùm enim tragicè Nestorius vociferaretur, semel & iterum Iesu matrè in Euangelio vocari, Dei verò matrem nusquam in scripturis appellari: non esse voces extrà scripturam recipiendas, respòsum hoc à Cyrillo tulit: Hãc nobis fidem Diuini tradidere discipuli, & licèt nullam fecerint dictionis huius mentio-



nem, ita tamen sentire à SS. patribus edocti sumus. Fatetur hic nusquam in scripturis vocem hanc reperiri, sed quia sic Patres docuerunt, in eorum placitis acquiescendum esse cēset. In Concilio Calcedonensi quærebat Eutiches, in qua scriptura iacent duæ naturæ. Ego, inquit, in SS. scripturis non didici de duabus naturis. Solas inquirere se scripturas iactabat, tâquam SS. Patrû doctrinis & expositionibus firmiores. Quid ad hæc Reuerendissimi Episcopi in illo Concilio congregati? Clamauerunt, vt in actis eius Concilij legimus, Ea quæ sunt patrum teneantur. Sequentes SS. Patres ita docemus, qui non cōsentit expositioni SS. Patrum, seipsum alienat ab omni sacerdotali communione, & à Christi præsentia. Sed quorsum attinet, quæ sunt in alijs quoq; synodis ad eundem modum aduersus hæreticos acta cōmemorare? Quamobrem vnum tantum canonem adhuc ex actis septimæ synodi œcumenicæ quæ fuit habita Nicææ protulisse contēti erimus. Qui doctrinas SS. Patrû, & Ecclesiæ Catholicæ cōtemnunt, quiq; causantur, & voces Arii, Nestorij, & Dioscori iactāt dicētes: Qd nisi  
 fatis



fatis ex veteri & nouo testamēto instructi  
 essemus, sanctorū Patrū, sacrarū sex syno-  
 dorū, doctrinas & Cathol. Eccles. tradi-  
 tiones nō sequeremur: execratio: semper  
 eos Ecclesia Cathol. fuit execrata, q̄ reij-  
 ciendū esse censerent, si quid iisdē verbis  
 in scripturis expressū nō reperiretur, &  
 cū Apostolo suos est hortata: State & te-  
 nete traditiones, quas didicistis siue per  
 sermonē, siue per epistolā nostrā. Sicut il-  
 le Thessalonicen. ita suos illius exēplo pia-  
 mater Ecclesia, nō magis ea quæ scripto,  
 quàm quæ sermone tradita sunt, obserua-  
 ri voluit. Sed videte per Deū immortalē,  
 quorsum tandē res reciderit, cū ab istis  
 persuasi quidā, Idololatriā esse censerēt,  
 cultū extra Dei verbū instituire, doctri-  
 nis quibusdā alijs nouis & peregrinis ab-  
 ducti, nec paulò longius q̄ eorū præcep-  
 tores progressi, caperūt & ipsi quærere,  
 quodnā Dei verbū sit illud, quo Deū trinū  
 in personis, & vnū in essentia colere iube-  
 amur, & vbi scriptum hoc inueniatur. Et  
 cū nec Trinitatis, nec essentiæ, nec per-  
 sonæ nomen vsquam illis in toto canone  
 scripturarum ostendi potuerit, sicut eti-  
 am ab Augustino scriptum legimus: Per-



sonam dicimus, non quia scriptura dicit, sed quia scriptura non conti adicit: in SS. Trinitatē, in Deū trinū & vnū, in essentiā Diuinam, tot pbra, tot maledicta, tot blasphemias eiaculati sunt, vt rectē cum Propheta nobis exclamare liceat: Misericordiae Domini, quia consumpti non sumus, Misericordia Domini, quia terra nō deficit, & blasphemātibus, & has tam horredas blasphemias æquis aurib⁹ audiētibus. Verū grauiora tantis flagitijs supplicia Deus destinasse videtur. Quid autē adhæc isti, qui docent Idololatriam esse cultum extra Dei verbum instituere? molestē quidem ferre se, quod eorum discipuli tam longē progressi fuerint, ostendunt, cūm doctrinæ suæ, quam purum Dei verbum & Euangelium vocari volunt, ea re detrahi plurimū, & ab ea multos alienari videant. Sed cūm ad ipsos in eam quam volunt viam reducendos, & ad eorum tetros errores confutandos aggrediuntur, non eis alia succurrunt arma, quibus vt rectē possint, quā quibus à catholicis prius oppugnatos se fuisse meminerunt. Intelligunt in scriptura sibi parū aut nihil esse præsidij, quamobrem Patres, Con-



Concilia, vetustatem, perpetuum totius  
 Ecclesiæ consensum, blasphemis istis op-  
 ponūt. At boni Trideistæ, malorum cor-  
 uorum oua pessima: Non imponant, in-  
 quiunt, nobis Patres, Concilia, vetustas.  
 Vetusti sunt isti panni, quos primi vos la-  
 ceraſtis in alijs articulis fidei. Vnus sit ma-  
 gister noster christus, Os Iehouæ con-  
 sulendum, non hominum. Sunt etiam hic  
 plerique Gabaonitæ, qui vobis imponūt,  
 amicos se profitentes, & nihil interea op-  
 tant, quàm vt populum ad Aegyptum re-  
 ducant, varijs modis & Confessione Au-  
 gustana. Iamne videtis, charissimi, quò tã-  
 dem ventum sit, qui cùm de sanctorum  
 inuocatione, de satisfactione, de purga-  
 torio, de tremendo Missæ sacrificio, de-  
 que cæteris eiusdem generis disceptaba-  
 tur, nihil minùs ferre poterant, quàm vt  
 sibi Patres, Concilia, vetustatem, quisquã  
 obijceret: quando quidem idololatriam  
 esse docebant, instituere cultum extra Dei  
 verbum. Os Iehouæ consulendum esse  
 non hominum: ecce nunc ij discipulis  
 suis longius quàm volebant progressis,  
 opponunt eadem illa, quæ cùm olim à ca-  
 tholicis obiecta sibi fuissent, aures corū



audire non sustinebant. Sed surdis, quod aiunt, fabula. Irritus cadit labor eorum omnis. Audiunt enim ab illis, vetusti sunt isti panni, quos primi vos lacerastis in alijs articulis fidei. Licuit vobis cum alia multa, quæ paulo antè commemorauimus, tum quotidianum Ecclesiæ sacrificium, tanta priscorum Patrum & Conciliorum autoritate firmatum, tot sæculorum incredibili totius Ecclesiæ consensu roboratum, vt semper hætenus fuerit habitum sacrosanctum : Licuit vobis illud hoc solo nomine reijcere, quòd nihil in scripturis Prophetarum & Apostolorum de eo reperiatur, & idololatria sit, cultum extrà Dei verbum instituire: cur & nobis non liceat, quandoquidem semel Papatum omnem, hoc est, Christianam religionem omnem euertere decretum est, quæ via vos alijs tectum illius diruistis, alijs parietes dissecistis, eadem ad fundamentum etiam illius aggredi, quo sic & illud ab Antichristi sordibus repurgetur. Nam quoad in illo putridum aliquid remanserit, metuendum est, ne putrefacto fundamento, totum ædificium inclinatum paulatim ruat. Cùm autem fundamentum sit



Papatus Trinitas, Deus trinus in personis, vnus in essentia, hoc nobis imprimis repurgandum est. Faceffant igitur voces quæ non reperiuntur in scripturis: faceffat cultus Trinitatis extra Dei verbum institutus: faceffat illa præcatio, quæ neq; Caluino placet, quòd eam barbariem sapere dicit, Sancta Trinitas vnus Deus miserere nobis: cum puluisculo tollantur omnia quæ sunt extra Dei verbum: & ne vestigium quidem vllum doctrinæ de Trinitate relinquatur. Videtis charissimi quorsum impietatis ventum sit ad extremum, posteaquam hominibus persuaderi cœptum est, quòd nihil sit recipiendum præter scripturas, quòd Idololatria sit, cultum extra Dei verbum instituere. Simul & hoc intelligitis, quàm verè dictum sit à Basilio, si consuetudines, quæ scripto proditæ non sunt, tanquam haud multum habentes momenti reijcere conemur imprudentes, etiam præcipuis Euangelij partibus plurimum detrahemus, vel potius ad nudum nomen fidei prædicationem contrahemus. Quamobrem perpetuò mentibus vestris infixæ sint ea verba, quæ



quæ proxima superiore Declamatione ex  
 Augustino recitauimus. Insolētissimæ cu  
 iusdā est insanix, de eo disputare, qd̄ per  
 orbē vniuersum tota frequentat Ecclesia:  
 nec vnq̄ excidat è memoria vestra saluber  
 rima S. Patris alterius admonitio, Tradi  
 tio est, nihil quæras amplius. Si traditio  
 nes tot sæculorum Hæretici nostri tem  
 poris non contempssent, nunquam in  
 hoc tam profundum totius impietatis ba  
 ratrum incidissent. Iam igitur & hac ara  
 nearum tela dissoluta, multò minus illam  
 habere virium demonstratum est, quàm  
 vt ea teneri facile quisquam possit, qui nō  
 prorsus omnis Ecclesiasticæ doctrinæ ru  
 dis est. Sed nos tamen hoc loco minimè  
 consistemus, non quòd aliquid addere  
 necessarium ducamus, quandoquidē suf  
 ficit illud, Traditio est, nihil ampli⁹ quæ  
 ras: verùm vt quorundā curiositati, quo  
 ad eius fieri poterit, satisfaciamus. Ita que  
 sicut falsum esse docuimus, Idololatriam  
 esse, cultum extra Dei verbum instituire:  
 Nam alioqui sanctos etiam illos Patriar  
 chas, grauissimi criminis huius condem  
 nare necesse foret: Sic & illud falsum esse  
 demonstrabimus, quòd extra Dei verbū



fit institutus cultus hic, hæc, sicut Augustinus loquitur, propriè soli Deo debita seruitus, quod Missæ sacrificium vocamus. Nisi fortè Dei verbū nō est, quod ab ipso filio Dei pronunciatū est, qui dixit: Hoc facite in meam commemorationem. Quid hac scriptura clarius & apertius esse potest? Quid enim tunc Christus faciebat? Pascha cum discipulis suis manducabat. Quale Pascha? Pascha de quo paulò antè dixerat, Desiderio desideravi hoc Pascha manducare vobiscum. Non veruecinum fuit hoc Pascha, sicut loquitur Tertullianus, indignum enim erat, vt veruecinum Dei filius tanto desiderio manducare desideraret. Illud igitur Pascha manducare desiderabat, de quo scripsit Paulus: Pascha nostrum immolatus est Christus, quod Pascha paulo post verè fuit immolaturus in ara crucis, vbi sanguinem suū pro nobis fudit, id in mysterio tūm obtulit in illa cœna nouissima. Duplex enim Pascha celebrabat, duplicem agnum eadem vespera cum suis discipulis manducabat, Iudaicum vnum, nostrum alterum: Agnus ille Iudaicus, quem in lege Moyse manducari præceperat, agni futuri typus fuit



fuit, sanguis ille, sanguinis Dominici, sicut apud Chrysoströmum legimus, monstrabat aduentum, & ovis illa, fuit spiritualis ovis exemplū. Agnus ille umbra fuit, hic veritas. Sed postquam sol iustitię radiauit, umbra soluitur luce, & ideo in ipsa mēsa, vtrumq; Pascha, & typi, & veritatis celebratum est. Nam sicut pictores pingendā tabulā vestigijs quibusdā adumbrare cōsueuerunt, & sic varietate colorū perfecerunt: ita & Christus fecit in vna mensa, & typum Paschæ descripsit, & Pascha veritatis ostendit. Vbi vis paremus tibi manducare Pascha? Iudaicum Pascha fuit, quod discipuli præparabant, sed oportet umbram euanescere apparente sole, & figurā cedere adueniēte veritate. Sic de duplici celebratione Paschæ loquitur Chrysoströmus, à quo non diuersum sentit Hieronymus. Postquam typicum, inquit, Pascha fuerat impletum, & agni carnes cum Apostolis comederat, assumit panem, qui confortat cor hominis, & ad verum Paschæ transgreditur sacramentum, vt quomodo in præfiguratione eius Melchisedech summi Dei sacerdos, panem & vinum offerens fecerat, ipse quoque veritatem sui

cor-

corp  
veru  
scip  
illis  
corp  
quod  
mus  
duca  
C H  
est,  
rum  
suo  
pse,  
& co  
stoli  
hoc  
res o  
stus v  
mere  
quā  
signi  
quen  
facer  
dum,  
facer  
Leui  
altare



## QVINTA.

159

corporis & sanguinis repræsentaret. Si  
 verum Pascha tum Christus cum suis di-  
 scipulis celebrabat, & verum agnum cum  
 illis manducabat, nimirum suum ipsius  
 corpus & sanguinem, constat autem,  
 quòd ex præscripto legis agnus ille pri-  
 mus immolabatur, & immolatus man-  
 ducabatur: cui dubium esse potest quia  
 CHRISTVS verum agnum, hoc  
 est, suum ipsius verum corpus, & ve-  
 rum sanguinem, prius obtulerit patri  
 suo cœlesti: deinde & manducaverit i-  
 pse, quandoquidem & conuiuia fuit  
 & conuiuium, & manducandum Apo-  
 stolis dederit. Vnanimiter testantur  
 hoc omnium sæculorum sancti Docto-  
 res omnes, quin & ipsa vocula, qua Chri-  
 stus vsus est, Hoc facite, satis id expri-  
 mere videtur. Nam non Latina magis  
 quàm Hebræa & Græca lingua facere  
 significat, idem quod offerre, cum fre-  
 quens illud sit in scripturis: Facere agnos,  
 facere hircum, facere turtures, facere hæ-  
 dum, facere holocaustum, facere arietes,  
 facere vitulos. Citat Hieronymus ex  
 Leuitico iuxta septuaginta: Accede ad  
 altare, & fac pro peccato. Ac paulo post,  
 De-



Descenditque cum fecisset pro peccato.  
 Quod est in Græco *ποίνσον & ποίνσας*, hoc  
 ille sic ex Hebræo vertit: Accede ad alta-  
 re, & immola pro peccato tuo. Et rursus:  
 Completis hostijs pro peccato descen-  
 dit. Quin & ipse verborum Christi con-  
 textus, quemadmodum Græcè scripta le-  
 guntur, satis indicat, quòd in illa cœna  
 se Christus obtulit. Præsentis enim tem-  
 poris, non futuri verbis vtitur. Hoc est,  
 inquit, corpus meum, quod pro vobis da-  
 tur & frangitur. Hic est sanguis meus, qui  
 pro vobis, vel pro multis effunditur in  
 remissionem peccatorum. Iam tum in il-  
 la cœna dari, hoc est, immolari Christi  
 corpus: iam tum in mysterio, sicut fit ad  
 altare sacris operante sacerdote, sanguis  
 eius in remissionem peccatorum effundi  
 videbatur. Quò respexisse videtur etiam  
 Gregorius Nissenus, magni Basilij frater,  
 cum non dubitaret dicere, quòd Chri-  
 stus in illa cœna præoccupauerit œco-  
 nomia quadam violentium impetû Iudæ-  
 orum, & iuxta quendam ineffabilem sa-  
 crificij modum, & qui ab hominibus cer-  
 ni nequit, seipsum obtulerit oblationem  
 & hostiam pro nobis. cuius sententiam  
 Theo-

The  
 detu  
 mag  
 offe  
 de in  
 Apo  
 quo  
 pit:  
 mon  
 ente  
 cœle  
 hun  
 beno  
 te. C  
 me  
 fert  
 illu  
 colé  
 dum  
 est g  
 nec  
 ferit  
 Præ  
 lis,  
 Cui  
 suæ  
 offe



Theophylactus quoque sequutus esse videtur. Ex quibus omnibus, vel ipsa luce magis perspicuum esse potest, quod prius offerebat seipsum in illa cœna Christus, deinde verò cum ipse manducabat tum Apostolis manducandum porrigebat, quodque fecerat ipse, etiam illis præcepit: Hoc, inquit, facite in meam commemorationem, hoc, quod me vidistis facientem, qui prius obtuli Deo patri meo cœlesti, corpus hoc meum, & sanguinem hunc meum, deinde manducandum & bibendum Apostolis dedi, hoc & ipsi facite. Corpus hoc meum, sanguinem hunc meum, gratissimum Deo sacrificium offerete, cum gratiarum actione, summum illud redemptionis vestræ beneficium recolêtes, deinde cum edetis ipsi, tum edendum alijs exemplo meo præbeatis. Hic est germanus Christi verborum sensus, nec pro sacrificio quod à nobis nunc asferitur, apertiùs dici quicquam potuit. Præcepit enim his verbis Christus Apostolis, ut quod ipse fecit in illa cœna sacrosancti sui corporis & sanguinis hostiam, in suæ passionis & mortis recordationem offerrent, quò sic iugiter coleretur per



mysterium, quod semel offerabatur in precium. Sicut Iudæis mandatum à Deo fuerat, vt immolarent agnum illum typicum: sic Apostolis & eorum successioribus idem præcepit, vt immolarent verum illum agnum, quem designans Ioannes dixit: Ecce agnus Dei, ecce qui tollit peccata mundi. De quo scripsit Esaias, Sicut ouis ad ad occisionem ducetur, & sicut agnus coram tundente se obmutescet, De quo loquitur agn<sup>o</sup> per ipse Hieremiã: Ego quasi agnus mansuetus qui portatur ad victimam. Et sicut Iudæis Deus præceperat, Cum dixerint vobis filij vestri, quæ est ista religio? vel vt est apud Septuaginta: Qui cultus hic est? dicetis eis. Victima transitus Domini est, quando transiit super domos filiorum Israel in Aegypto, percutiens Aegyptios, & domos nostras liberans. Sic & nunc præcipit Christianis: Si dixerint vobis filij vestri, quænam hæc religio? qui cultus hic est? quid sibi vult, quod sacrosanctum corpus & sanguis Christi sub panis & vini specie offertur in altari? Dicitis eis: Victima transitus Domini est,  
Gra

Gr  
præ  
Dei  
patr  
ex v  
tem  
cruc  
capt  
tem  
liber  
tres  
effic  
figur  
ptum  
in cr  
in P  
quoc  
sima  
quoc  
lius  
præ  
cord  
ipsa  
illa v  
facite  
non o



Grata quædam fit illius nunquam satis prædicandi beneficij recordatio, quo Dei filius homo factus, victimam Deo patri seipsum obtulit, quo suum corpus ex virgine sumptum pro nobis in mortem tradidit, quo suum sanguinem in cruce fudit, ut nos eruos à Diaboli captiuitate, patrique cœlesti per mortem suam reconciliatos, non tantum in libertatem assereret, verumetiam fratres, Regni que sui cœlestis cohæredes efficeret. Hic videre licet, quod agni figura, quem Iudæi iuxta legis præscriptum offerebant, magis in cœna, quam in cruce fuit representata. Nam sicut in Paschate Iudæorum, sic & in eo quod cum suis discipulis in illa nouissima cœna CHRISTVS celebrabat, quod nunc etiam à sacerdotibus ex illius institutione quotidie celebratur, præteritæ tantum redemptionis fit recordatio, cum in cruce præsens fuerit ipsa redemptio. Quod etiam enarrans illa verba Ioannis Chrysostomi, Hoc facite in meam commemorationem, non obscure videtur indicare, cum ait:



Vides quomodo à Iudaicis abducit & auocat moribus. Nam sicut illud, inquit, in miraculorum rememorationem, quæ in Aegypto patres vestri viderant, faciebatis: sic & hoc in meam facite commemorationem. Habetis itaque iam tale præceptum de cultu hoc soli Deo propriè debito præstando, nullum vt euidentiùs requiri possit. Facit nihilominus omnia per membra sua sathanas, vt huic tam claræ luci tenebras offundere queat. Negat præcepisse Christum Apostolis, vt offerant, verùm vt manducant & bibant, & idem facere volentibus ministrant. Quid autem? An optima non magis humanæ quàm diuinæ legis interpret cõsuetudo non est? Ante 1500. & amplius annos, hæc semper totius Ecclesiæ praxis fuit, quotidianum hoc & iuge sacrificium, nunquam in ea celebratum non est, nec per tot sæcula quisquam repertus est, aut ex priscis aut ex recentioribus Theologis, quos quidem Catholicos esse constaret, qui contrarium his verbis affingere sensum auderet. Habemus Missæ Canonem, quem Romana recitat Ecclesia, simul vt sub Christi perso-



na dixit sacerdos, Hoc facite. &c. statim subiungit, in sua & cuius minister est Ecclesie persona: Vnde & memores nos Domine serui tui, huius tam beatæ passionis. &c. offerimus, &c. De Christo quoque loquens Ambrosius in sua Missa: Qui formam, inquit, sacrificij salutis perennis instituens, hostiam se prius obtulit, & primus docuit offerri. Et in libro de sacramentis, quantum sit sacramentum cognosce: Quotiescunque hoc feceritis, totiens commemorationem mei facietis, donec iterum adueniam. Et sacerdos dicit: Ergo memores gloriosissimæ eius passionis, & ab inferis resurrectionis, & in cælum ascensionis, offerimus tibi hanc immaculatam hostiam, rationabilem hostiam, incruentam hostiam, hunc panem sanctum, & calicem vitæ æternæ, & petimus & precamur, vt hanc oblationem suscipias in sublimi altari tuo per manus Angelorum tuorum, sicut suscipere dignatus es munera pueri tui iusti Abel, & sacrificium Patriarchæ nostri Abrahæ, & quod tibi obtulit summus sacerdos Melchisedech, &c. *Quis*



potest melior esse verborum Christi interpres, quàm sponsa sit eius Ecclesia? Ne verò putet aliquis Latinam tantum Ecclesiam hæc verba Christi sic intellexisse, Græca quoque, quin & Hebræa minimè diuersam eorum interpretationem adfert. Extat Missa Iacobi Apostoli fratris Domini. In ea post recitata verba, Hoc facite in meam commemorationem, subiungitur mox: Memores igitur & nos peccatores passionum eius viuificarum, crucis salutaris & mortis, &c. offerimus tibi Domine hoc sacrificium verendum & incruentum. Extat quoque Liturgia Basilij, in qua similiter his verbis recitatis, Hoc facite in meam commemorationem, subiungit è vestigiò, Memorantes igitur & nos salutarium passionum, & c. tua de tuis tibi offerimus, &c. Ac aliquantò superius, Tu Domine, inquit, ostendisti nobis magnum istud salutis mysterium. Tu idoneos nos fecisti fieri ministros sancti altaris tui. Ministros altaris, inquit, non verbi tantùm. Extat Liturgia Chrysofomi. Recitantur ibi quoque verba cœnæ, subiungitur mox

mox  
ris  
bis fa  
bi o  
Patr  
cans  
ciof  
bis o  
com  
mor  
gura  
mus  
liqu  
ram  
pulo  
hoc  
terio  
ficio  
ius d  
nob  
que  
cer  
iung  
tis t  
mus  
lice  
per



mox: Memoriam igitur agentes salutaris huius mandati, & omnium pro nobis factorum, crucis, &c. tua de tuis tibi offerentes. Quæ verba Germanus Patriarcha Constantinopolitanus explicans, Dominus, inquit, noster Iesus preciosum suum corpus & sanguinem nobis dedit, inquit, Hoc facite in mei commemorationem. Nos autem memores eius mandati *ἀντίθεω*, hoc est, figuralia, sic enim vertit interpretis, offerimus, inquit, tua ex tuis tibi, &c. Ac aliquid superius: Fac nos dignos ut offeramus tibi sacrificia immaculata pro populo tuo, & idoneos nos redde, quos in hoc tuo ministerio posuisti. Ac paucis interiectis: Summus pontifex noster, sacrificiorum ritum instituisti, ac solennis huius & immaculati sacrificij celebrationem nobis mandasti. Extat Aethiopum quoque Missa. In ea, postquam dixit Sacerdos, Quoties hoc feceritis, &c. subiungit: Nunc autem recordamur mortis tuæ, & resurrectionis tuæ, offerimusque tibi hunc panem, & hunc calicem, tibi que gratias agimus, quod per hoc sacrificium, dignos nos feci-

*7*  
 hoc reclus  
 poterat  
 sacramenta



sti standi in conspectu tuo, & sacerdotale coram te officium exercendi. Extat apud Clementem quoque Lyturgia similiter ibi recitatis verbis his, Hoc facite, Memores igitur, inquit, passionis eius & mortis, offerimus tibi Regi & Deo, secundum ipsius ordinationem, panem hunc, & calicem hunc &c. Et aliquanto superius, ubi tractat de ordinatione Episcoporum: Placeat, inquit, tibi, laudabiliter offerendo tibi mundam & incruentam hostiam, quam pro Christo instituisti mysterium noui testamenti in odorem suauitatis. Et in fine eiusdem libri, Primus, inquit, natura Pontifex, & vnigenitus Christus, qui non sibi ipsi honorem arripuit, sed constitutus est à patre, qui propter nos factus homo, & spirituale sacrificium offerens Deo & patri suo, ante passionem nobis solis præcepit hoc facere, quam præsentibus nobiscum essent alij, qui in ipsum crediderunt. Sed non omnino omnis qui credit, continuo sacerdos est, & pontificium consequitur honorem. Post autem assumptionem ipsius, nos oblato secundum ordinationem eius sacri-

ficio,

ficio  
&c. I  
reop  
dem  
nem  
isse p  
hoc  
tus in  
set. E  
quit.  
nem.  
salut  
fat se  
dixi  
ratio  
re M  
pus  
mol  
ra al  
sanct  
lo r  
mon  
min  
men  
por  
stan  
in c



ficio, puro & incruento constituimus,  
&c. Idem Dionysius quoque sentit A-  
reopagita, qui fuit æqualis eius. Is iti-  
dem vt Clemens discipulos ad functio-  
nem sacerdotalem à Christo in cœna fu-  
isse promotos indicat, iterùm ita, ne prius  
hoc officio fungerentur, quàm assump-  
tus in coelum, Spiritum sanctum eis misis-  
set. Et aliquanto antè, Hoc facimus, in-  
quit, vt eloquia aiunt, in eius recordatio-  
nem. Et paucis interiectis, Quòd hostiam  
salutarem quæ supra ipsum est litet, excu-  
sat se decenter ad ipsum exclamans, Tu  
dixisti, Hoc facite in meam commemo-  
rationem. Et qui vixit eodem tempo-  
re Martialis, Quòd, inquit, Christi cor-  
pus Iudæi per inuidiam in ara crucis im-  
molauerunt, putantes se nomen eius à ter-  
ra abolere, nos causa salutis nostræ in ara  
sanctificata proponimus, scientes hoc so-  
lo remedio nobis vitam præstandam, &  
mortem effugandam. Hoc enim ipse Do-  
minus noster iussit nos agere in sui com-  
memorationem. Proximus horum tem-  
porum Irenæus, disertis verbis, Noui te-  
stamenti nouam oblationem Christum  
in cœna docuisse scribit. Nec minus a-



pertè Cyprianus id indicat, patres hos nõ  
 ita longè sequutus, cùm dicit, quòd sacri-  
 ficium Deo patri Christus ipse primum  
 obtulit, & hoc fieri in sui commemorati-  
 nem præcepit. Sed nec illud obscurius est  
 quod ab Eusebio scriptũ legimus: Sacri-  
 ficium eximium patri suo Christus ope-  
 ratus pro nostra omnium salute obtulit,  
 eiusq; rei memoriam vt nos ipsi Deo pro  
 sacrificio offeramus instituit. An autem  
 & hæc Ambrosij verba non æquè clara  
 sunt? Accedo ad altare tuum, vt offeram  
 tibi sacrificium quod tu instituisti, & of-  
 ferri præcepisti in commemorationem  
 tui pro salute nostra. Num autem obscu-  
 riora sunt quæ profert æqualis eius Gau-  
 dentius. Discipulis eius, inquit, fidelibus  
 mandat, quos primos Ecclesiæ suæ con-  
 stituit sacerdotes, vt indefinenter ista vi-  
 tæ aternæ mysteria exercerent, quæ ne-  
 cesse est à cunctis sacerdotibus per singulas  
 totius orbis Ecclesias celebrari, vsquequo  
 Christus iterũ de cælo adueniat, quòd &  
 ipsi sacerdotes & omnes pariter fidelium  
 populi exemplar passionis Christi ante  
 oculos habentes quotidie & gerentes in  
 manibus, ore etiam sumentes, ac pectore,  
 redem-



redemptionis nostræ incredibilem memoriam teneamus. Chrysoſtomus verò cum dicit, quòd pro brutorum cæde ſeipſum offerendum præcepit: an minus apertè idem aſſerit? Verumetiam apertius Leo Pontifex, Ieſus, inquit, diſcumbentibus ſecum diſcipulis, ad edendam myſticam cœnam corporis & ſanguinis ſui ordinans teſtamentum, docebat qualis hoſtia deberet offerri Deo. Nec minus perſpicuè Theodoretus: Clarum eſt, inquit, nos non aliud ſacrificium offerre. Hoc enim nobis præcepit ipſe Dominus: Hoc facite in meam commemorationem. Sed longum eſſet omnium hac de re ſentètiâs proferre. Quamobrem ijs contenti nunc erimus, quos vixiſſe conſtat antè mille annos. Nam qui ſunt cæteris recentiores, Leo Pontifex ac Theodoretus, vixerunt Calcedonen. Concilij tempore, quod habitum eſt ante mille centum annos. Qui verò poſteà ſunt ad hæc vſq, noſtra tēpora conſequuti, quin idem ſenſerint cum iſtis, dubium eſt nemini. Itaque ſuperuacaneum prorfus fuerit, eorum hac de re ſententiâs recensere, cum & vnus dies ad id non ſufficeret. Habetis igitur iam ex  
vna



vna parte sanctas illas aquilas, quæ ex varijs, & longo locorum interuallo dis-iunctis totius orbis Christiani partibus, in vnam hanc sententiam conuolarunt, quòd his verbis: Hoc facite in meam commemorationem, noui testamenti no-uam oblationem CHRISTVS insti-tuerit. Habetis ex altera parte coruum vnum, Monachum vnum apostatam, qui cum interposito iureiurando per-petuum professus continentiam, voto se castitatis obstrinxisset, posteaquam ei Monacha quædam adlubescere cœpe-rat, cæstro numinis quam venerem vo-cant percitus, contra iurisiurandi sui re-ligionem perfractis pudoris repagulis, ac ruptis pudicitia claustris, cum ea se nefaria turpitudine contaminauit, & quod semper fuit habitum in cæstum sa-crilegium, id honorabile coniugium & thorum immaculatum vocari voluit, & vt ita vocaretur, à multis obtinuit. Hoc igitur tale monstrum habetis ex altera parte viris illis totius orbis christiani celeberrimis oppositum. Non agitur de scriptura, quæ profertur à Catholicis, nec reijcitur ab hoc monstro, verum a-  
gitur

gitur  
 terpr  
 bis C  
 adfer  
 & nu  
 tus e  
 dam  
 men  
 quid  
 gitur  
 Et er  
 uifsi  
 quon  
 cœce  
 ctato  
 nape  
 dere  
 tem  
 no n  
 una  
 nebr  
 vt vi  
 nus,  
 Bren  
 sex, L  
 tullia  
 Nisse



gitur de eo, num sit ea potius illius interpretatio recipienda, quam totius orbis Christiani lumina, tot sancti Patres adferunt, an ea quam heri, quod aiunt, & nudius tertius à cerebro suo commentus est vnus ab omnibus dissentiens, quidam excuculatus frater, quem verè semen adulteræ dicere possis: quandoquidem nulla parentum reuerentia tangitur, & eis obstrepere non veretur. Et erit quisquam, qui sanctissimos, grauissimos, doctissimosque patres illos, quorum sententias protulimus, fuisse cæcos: hunc verò solum cum suis sectatoribus oculos habuisse, quibus à se nuper inuentum scripturæ sensum videret, persuaderi sibi patiatur. An autem & nobis exclamare cum Augustino non licebit: Usqueadè permiscuit una summis longus dies, usqueadè tenebræ lux, & lux esse tenebræ dicuntur, vt videant Cœlestius, Pelagius, & Iulianus, dicemus nos, Lutherus, Philippus, Brentius: & cæci sunt Clemens Pontifex, Dionysius Areopagita, Irenæus, Tertullianus, Cyprianus, Basilus, Gregorius Nissenus, Eusebius, Ioannes Chryostomus,



mus, Ambrosius, Gaudentius, Leo Pontifex, Theodoretus, & alij sexcenti. Quid fuerit aliud tenebras lucem, & lucem tenebras dicere, quàm illis tribuere scripturarum intelligentiæ lucem, istis autem adimere. Scilicet illa tetra portenta viderunt, quod hæc tam clara totius orbis Christiani lumina non viderunt. Dixit quidam ex huius mundi sapiētibus, Errare se male cum Platone, quàm cum obscurioribus quibusdam Philoſophis benè sentire: quanto rectius à nobis dici potest, quod præstat errare cum illis, ad quos proculdubio pertinent illa Christi verba, Vos estis lux mundi, quàm cum tenebrionibus his rectè sentire. Sed nec errare facile potest, qui lucem sequitur, nec rectam viam insistere, qui tenebras insectari mauult. Sed iam tempus est, vt receptui canamus, ne quid nobis molestiæ longior afferat oratio. Quæ obrem in aliud tempus, quæ restant reijciemus, ac euidentioribus etiã argumētis, modò nos Deus incolumes cõseruet, Christum in vltima cœna sacerdotio functum, sacerdotium & sacrificium instituisse planum faciemus. Vnum tantum Canonem adhuc proferemus à Patribus in Trullo

Impe-

Imper  
const  
inqu  
script  
excita  
ri, quã  
Docto  
iorem  
si quæ  
quanc  
uenit  
ment  
tiam a  
Sic



Imperialis Palatij Constantinopolitani  
 constitutum, qui fuerunt, 227. Oportet  
 inquirunt, eos qui præsunt Ecclesijs, si ad  
 scripturam pertinens controuersia aliqua  
 excitata fuerit, non eam aliter interpreta-  
 ri, quàm quomodo Ecclesiæ luminaria &  
 Doctores suis scriptis exposuerunt: & ma-  
 iorem ex his laudem assequuntur, quàm  
 si quæ à se dicuntur componant, ne dum  
 quandoq; ad id hæsitant, ab eo quod con-  
 uenit excidât, Canoné hunc, vt perpetuò  
 mentibus vestris infixum habeatis, e-  
 tiam atque etiam vos hortor & moneo.

Sic enim futurum est, vt nunquam  
 in perniciosum aliquem er-  
 rorem incida-  
 tis.

**RE**



# REVOCATIO

## SEXTA.



Roxima superiore declamatione tam clarè tamque dilucidè demonstrasse videmur, quòd in illa nouissima cœna seipsum oblationem & hostiam Deo patri Christus obtulerit, & ab Apostolis eorumque successoribus eandem perpetuò deinceps offerri præceperit, vt apud quos vel ratio vel authoritas aliquid valet, satisfactum eis esse minimè dubitemus. Docuimus enim, quòd in cruce paulò post facturus erat Christus, quòd prius id in cœna repræsentauerit, & à suis discipulis, quos tum noui sacrificij nouos instituerat sacerdotes, idem fieri voluerit. Quid autè in cruce fecit Christus? Obtulit se Deo patri sacrificium acceptabile. Si quis igitur manducat & bibit modò, non autem offert, cœnam quidem ille Dominicam repræsentat, sed sacrificium crucis non repræsentat, ac verbis modò, non autem symbolis Christi mortem annunciat. At-

qui

qui n  
Hoc f  
tùm,  
ce, m  
mand  
stra, f  
oblat  
quòd  
empla  
obren  
cij, st  
facere  
ficij,  
mus,  
ab H  
tam c  
videa  
dos,  
ijciat  
latus  
itaqu  
videt  
Sed e  
vos i  
cruce  
quod  
myfl



qui non dixit Christus, Hoc dicite, sed, Hoc facite: symbolis ille, non verbis tantum, sacrificij quod oblaturus erat in cruce, memoriam celebrari voluit. Quod si manducatio est tantum Eucharistia nostra, sicut quidam contendunt, non autem oblatio, quid aliud consequetur, quam quòd exemplar & imago cœnæ erit: exemplar & imago sacrificij non erit. Quâobrem vt sit exemplar & imago sacrificij, statim vt consecrauerit Eucharistiam sacerdos, eleuat illam. Signum enim sacrificij, quod ex Leuitico paulò antè docuimus, fuit eleuatio: quam etiam ob causam ab Hæreticis nostri temporis eam sublatam cernimus, ne sacrificium agnoscere videantur. Eleuat igitur hostiam sacerdos, quò sic sub aspectum hominum subiiciat, quomodo Christus in cruce sublatus Deo patri se sacrificium obtulit. Cũ itaque Christus dicit, Hoc facite, dicere videtur, Hoc quod ego faciã, vos facite. Sed ego faciã in cruce crueto sacrificio, vos in illius cruenti memoriam facite in cruento. Mysticè facite sicut ego nunc, quod paulò post re ipsa palam & sine vllò mysterio sum facturus in cruce. Voluit

M

Chri-



Christus, vt quæ mensa est, eadem sit nobis & altare, quò non tantùm cœnaremus, verùm & sacrificaremus. Voluit vt Eucharistia nostra, non modò sacramentum esset, verùm & sacrificium, quorum alterum cœnæ Dominicæ, alterum mortis Dominicæ foret symbolum: quasi diceret: Nolite putare, quòd iam satisfeceritis legi, si manducaueritis & biberitis: ad commemorandam quidem cœnam hoc suffecerit, sed ego volo mortem quoque meam commemorari, quod non tam fit manducandò quàm sacrificando. Quamuis enim inter manducandum & bibendum aliqua fit mortis commemoratio, quando sanguis à corpore quodammodo separari videtur, tamen oblationis & hostiæ commemoratio non fit: ego verò non qualiscunque mortis, verùm eius mortis commemorationem fieri volo, qua Deo patri meipsum in ara crucis oblationem & hostiam pro vobis in odorem suauitatis obtuli. Quamobrem hoc idem facere vos, quomodo fuit à me factum in cœna mystica, nec verbis magis quàm symbolis oblationem in cruce factam commemorari volo. Quin hæc verborum Christi

sti

sti gen  
dubit  
tem, se  
morar  
etiam  
vnus à  
eorum  
stia. P  
fuerin  
alij sa  
ra pro  
tiones  
lum et  
& hos  
camus  
ille Pe  
Domi  
fit mo  
propie  
sti, no  
nostra  
ster le  
ciatio  
qua no  
ribus  
clesia  
quam



sti germana sit interpretatio, nemo sanus  
 dubitare potest. Non qualemque mor-  
 tem, sed oblationem & hostiam comme-  
 morari Christus præcepit. Mortui sunt  
 etiam duo latrones in cruce pendentes,  
 vnus à dextris, alter à sinistris: neque tamen  
 eorum corpora fuerunt oblationes & ho-  
 stia. Plus dicam aliquid, quamlibet sancti  
 fuerint Apostoli, vel quicumque tandem  
 alij sancti Martyres, eorum tamen corpo-  
 ra propriè loquendo non fuerunt obla-  
 tiones & hostia pro peccatis nostris: so-  
 lum est Christi corpus, quod oblationem  
 & hostiam pro peccatis nostris rectè vo-  
 camus. Verissimum enim est, quod sanctus  
 ille Pontifex dixit. Quamuis in conspectu  
 Domini multorum sanctorum præciosa  
 sit mors, nullius tamen infontis occisio  
 propiciatio fuit mundi: acceperunt iu-  
 sti, non dederunt coronas. Propiciatio  
 nostra non est alius, quam Dominus no-  
 ster Iesus Christus. Hanc igitur propi-  
 ciationem, hanc oblationem & hostiam,  
 qua nos in cruce Christus redemit, & au-  
 ribus & animis fidelium, pia mater Ec-  
 clesia semper est inculcare conata, nun-  
 quam vt ex eorum pectoribus eius elabi



moria posset. Quamobrem etiam pueri panem ad consecrandam Eucharistiam præparatum, hostiam & oblatam vocatam esse meminimus, ac nunc etiam vocari scimus, idque non Latina magis, quam vernacula cuiusque gentis lingua: quin & in festis Natalicijs mos hic fuit obseruatus, & obseruatur adhuc apud Catholicos, vt custodes templorum, quos Campanatores vocant, strenæ loco ferrent in domos ciuium panem ad consecrandum præparatum, quas hostias & oblatas vocabant, quò sic admonerentur eius rei, quòd iam natus est ille, qui semetipsum Deo patri traditurus est oblationem & hostiam in odorem suauitatis. Priscos quoque Doctores omnes ferè, quoties Eucharistiæ meminerunt, sacrificium, oblationem, & hostiam illam appellasse legimus. Cœnâ non ferè vocant, nisi cùm cœnæ Dominicæ verba explicant. At in hæreticorum nostri temporis oculis, iudes est oblationis, hostiæ, sacrificij nomen, nec aliud ferè quàm cœnæ nomen Eucharistiæ tribuunt: & hæc est admirabilis eorum audacia quædam & impudentia, quòd cùm sæpè Cypriani testimonium proferant,

ex epi  
qua fi  
nulla  
adult  
quod  
appel  
cœna  
petud  
memo  
Quan  
caban  
esurio  
istos t  
vix vi  
esset  
est, an  
ptum  
respu  
bolo  
mus,  
rum  
ciano  
queat  
lacion  
bus in  
stiam  
tion



ex epistola quam scripsit ad Ceciliam, in qua frequentem oblationis & sacrificij: nullam cœnæ fieri mentionem legimus: adulterare S. patris verba non verentur, quodque vocat ille sacrificium, cœnam appellant: adeò non alia de re quàm de cœna, deq; manducando & bibendo perpetuò cogitant. Libet autem paucis commemorare, qualem illi cœnam celebrant. Quando suam cœnam Corinthij manducabant, scribit Paulus, quòd alius quidem esuriebat, alius autem erat ebrius: & apud istos tales cœnas celebratas esse scimus, vix vt quisquam in eis reperiretur, qui nõ esset ebrius. Postquam poculis certatum est, armis quoque non raro dimicari cœptum est: & qui sacrificium incruentum respuunt, ab illis cruentas victimas Diabolo non Deo mactatas & oblatas esse scimus, vt quod ab illis celebratur Lapytarum conuiuium, quale describitur à Luciano, quàm cœna Dominica dici rectius queat. Non tales igitur cœnas, verùm oblationem & hostiam inuitis etiam omnibus inferorum portis, oblationem & hostiam propitiationem nostram, redemptionem nostram in cruce factam perpetuò



tuò mentibus hominum infixam Deus esse voluit. Hoc igitur nomé semper in Ecclesia retentum est, & ipsi panis, nõ solùm consecrato, verùm & consecrando tributù, planù vt omnibus fieret, q̃ non magis ad manducandù, quàm ad offerendum à sacerdote iuxta Christi mandatù cõsecratur. Mirù est aut, ita grauitèr quosdã ferre, quòd non cõtenti Christi mortè verbis annúciasse, symbolis etiam & rebus ipsis eam ad altare cõmemoramus. Num idè in Baptismo quoq; non fit? Num & ibi Christi mors, sepultura, resurrectio, solis verbis, & non symbolis quoq; repræsentatur? Quid enim sibi vult, quòd mergitur baptisandus, idque ter : quòd paulò pòst ab aquis eleuatur : quid aliud ea re, quàm quomodo Christus mortuus & sepultus tertio die resurrexit : & quomodo qui baptisatus est illi commortuus & consepultus vnà cum eo resurrexerit repræsentatur? Et audet blasphemà lingua de tremendo sacrificio dicere, quòd quædam theatra sit actio & hystriónica repræsentatio. Quid auem prohibet, quin idem etiam de Baptismo dicat : certè qui dixit Baptizate, idem dixit, Hoc facite, offer-

te,



te, sacrificare. Sicut illud, sic & hoc externis quibusdam symbolis fieri voluit, nec manducationis tantum, verum oblationis & hostiæ pro nobis in ara crucis factæ iugem recordationem fieri præcepit. Ego verò non dubitauerim affirmare, quòd ex Apostolica traditione manauerit, vt non solùm consecratus, verumetiam consecrandus panis, oblata, vel hostia vocaretur: vt oblationis in cruce factæ memoria nunquã ex pectoribus nostris elaberetur. Verum hac de re satis. Nunc alium scripturæ locum producemus, ex quo magis etiam cuius perspicuum esse queat, quòd Christò in illa nouissima cœna sacerdotis munere functò, noui testamenti nouã oblationem instituit. Christum sacerdotem in æternum secundum ordinem Melchisedech fuisse, manifestius est, quàm vt alicuius demonstrationibus indigeat. Testatur hoc Paulus, testatur ante Paulum quoque Dauid Propheta, nec eunt inficias illi ipsi, qui discesserunt à nobis, qui per summum sacrilegium redemptionis nostræ precium, propiciationem nostram, oblationem & hostiam pro peccatis nostris, auferre nobis conantur. Hic quæritur, v-



bi sit functus hoc sacerdotio Christus?  
 Certè neque locus, neque tempus aliud  
 reperietur, præterquam in illa nouissima  
 cœna. Nam quale fuit sacerdotium, quale  
 sacrificium illud Melchisedech, scribitur  
 in Genesi, quod panem & vinum obtulerit:  
 erat enim sacerdos Dei altissimi: Melchisedech  
 oblatio fuit panis & vinum, Christi verò  
 sub speciebus panis & vini corpus eius &  
 sanguis. Tunc igitur & nõ aliàs, sacerdotem  
 secundum ordinem Melchisedech esse se  
 declarauit. Nam in illa oblatione, quæ  
 facta est in ara crucis, quod etiam  
 Thomas Aquinas annotauit, quin & res  
 ipsa loquitur, magis expressa fuisse  
 videtur figura sacerdotij secundum ordinem  
 Aaron, quàm secundum ordinem Melchisedech,  
 cum ibi cruentam victimam obtulerit,  
 & semetipsum verè mandandum tradiderit.  
 At eiusmodi victimas offerebant sacerdotes  
 secundum ordinem Aaron, in illa verò  
 nouissima cœna, quamuis eandem  
 hostiam corporis & sanguinis sui, non  
 tamen palam & absque integumentis,  
 sed sub his quæ Melchisedech obtulerat,  
 antea panis & vini speciebus obtulit:  
 nihil aliud Melchisedech

dechi  
 corpu  
 & sic  
 Chris  
 Aaron  
 cœna  
 crifici  
 institu  
 dicunt  
 lumig  
 elabi  
 de ver  
 omni  
 & fa  
 quod  
 obren  
 crifici  
 bui n  
 ter se  
 subla  
 causa  
 abro  
 sustu  
 ant,  
 dici  
 ijs q  
 eos



deh quàm panem & vinum: at Christus  
 corpus & sanguinem sub illis speciebus:  
 & sicut in ara crucis, qui finis legis est,  
 Christus, sacrificijs secundum ordinem  
 Aaron finem imposuit, sic in nouissima  
 cœna nouum sacerdotium & nouum sa-  
 crificiũ secundum ordinẽ Melchisedech,  
 instituit. Quid aut ad hæc isti? Protulisse  
 dicũt melchisedech, nõ aut obtulisse: nul-  
 lum igitur sacrificium fecisse. Cũ aliter  
 elabi se non posse videant, controuersiam  
 de verbo nobis mouent. At qui sacerdos  
 omnis & Pontifex ad hoc vt offerat dona  
 & sacrificia pro peccatis constituitur.  
 quod ipse quoque Paulus testatur. Quã-  
 obrem si nullum obtulit Melchisedech sa-  
 crificium, sacerdotis nomen illi rectè tri-  
 bui non possit. Sic enim connexa sunt in-  
 ter se sacerdotium & sacrificium, vt vno  
 sublato tollatur & alterum. Quam etiam  
 causam videmus, quòd qui sacrificium  
 abrogarunt, ijdem & sacerdotij nomen  
 sustulerunt, quòd certe persuasum habe-  
 ant, absque sacrificio, sacerdotem aliqũe  
 dici non posse. quare quorum opera in  
 ijs quæ pertinent ad religionem vtuntur,  
 eos ministros, non sacerdotes appellant.



Verùm quale genus hoc est ratiocinandi? Scribitur in Genesi, quòd protulerit panē & vinum, ergo non obtulit. An contraria sunt inter se proferre & offerre? certe nemo potest offerre, nisi prius proferat quod offerat. Sed non ad offerendum eis protulit, verùm ad manducandũ & bibendum. Qui probas hoc? Sicut nõ dixit scriptura, quòd protulerit ad offerendũ, ita nec hoc dicit, quòd protulerit ad manducandum. Atqui tu nihil dici vis, quod in scripturis expressè non inueniatur, dicamus igitur quòd protulerit ad inspiciendũ, vt videret Abraham panis & vini copiam, & admiraretur, neq; tamẽ quicquã de ijs gustaret. Huc absurditatis tandẽ vt isti veniant necesse est, dũ nihil recipiendũ esse putant, quod in scripturis nõ habetur. At Iosephus historiã hanc tractans, non obtulisse Deo, sed his qui cum Abraham fuerunt, in cibũ & potũ panē & vinũ suppeditasse Melchisedechum scribit. Posteriorius quidem hoc scribit Iosephus, prius aut̃ illud nequaquã. quin contrariũ ex illius verbis elici potest. Quemadmodum nõ pugnat inter se proferre & offerre, ita non pugnat inter se, proferre ad manducan-

cand  
uis au  
tauit  
prius  
lactu  
& iã  
huius  
labat  
duca  
sepha  
ta. Su  
erct  
copi  
Abra  
qui i  
Iose  
quo  
inst  
qd  
quo  
ne p  
Gra  
mẽ  
quo  
ner  
est  
par



candū, & pferre & offerendū. Quin gra-  
 uis author Gregorius Nyssenus nō dubi-  
 tavit dicere, q̄ nemo comedit, nisi quod  
 prius immolatū sit. Quæ verba Theophy-  
 lactus quoq; scribens in Matthēū repetit,  
 & etiā docuimus, q̄ agnus Paschalis, qui fuit  
 huius nostri sacrificij figura, prius immo-  
 labatur iuxta legis præscriptū, deinde mā-  
 ducabatur. Cæterū expendamus verba Io-  
 sephi quæadmodū habētur in Græco tex-  
 ta. Suppeditavit, inquit, Melchisedech ex-  
 ercituī Abrahā xenia, & magnā comeat<sup>9</sup>  
 copiā, & instituto sacro conuiuio ipsum  
 Abrahā in hoc laudare, et benedicere Deū,  
 qui inimicos ei subiecit, aggressus est. Hic  
 Iosephus, nō qualecūq; sed sacrū cōuiuū,  
 quod epulū Latini vocāt Melchisedechū  
 instituisse dicit: est. n. in Græco *εὐχίων*,  
 qđ à Latinis epulū vocatur. Quamuis autē  
 quoduis etiā prophanū epulū hoc nomi-  
 ne possit appellari, tamē vtraq; lingua tā  
 Græca quā Latina, nō ferè tribuitur nō-  
 mē hoc, nisi publico solenniq; conuiuio,  
 quod vel in dedicatione templi, vel in fu-  
 nere magni alicuius viri, vel sicut factum  
 est à Melchisedech, in honorē Dei propter  
 partam de hostibus victoriam, institutum  
 fit,



fit, & præerant etiam apud Ethnicos huic epulo sacerdotes, qui Latinè vocabantur epulones, qui solennem ritum in sacrificio peragebant. Præcedebat itaque sacrificium, sequebatur epulum, siue sacrum conuiuîum, prius offerebatur, postea manducabatur. Sic igitur & Melchisedech, quandoquidem erat sacerdos altissimi, sicut scriptura dicit, prius offerebat Deo, postea dabat epulum his qui cum Abrahamo venerant. Quod clarius etiam Philo demonstrat, qui fuit æqualis Iosephi, cum eadem tractans historiam ita loquitur: Conspicatus magnus ille Pontifex Dei Max. redeuntem Abraham, reuertentemque, ad vnum suos incolumes & victores, attonitus tanti facinoris magnitudinem, simul id quod verum erat, cogitans, præsentem eius opem diuinam adfuisse, manus ad cœlum tendens, illi fausta precatus est, & epulum victorale sacrificauit, sociosque certaminis eius excepit splendidissimo conuiuio. Quod Iosephus ἐνόχιστον, hoc Philo dixit, τὰ ἐπιεικτικὰ βύειν, hoc est, epulum victorale sacrificauit. Prius itaque cum esset sacerdos, epulum sacrificauit: postea socios certaminis,



nis refecit. Qui verò melius potuerunt explicare Mosis verborum sententiam, quàm hi duo, quos fuisse constat eiusdem Hebræ gentis viros doctissimos discretissimosque, qui non tantum ad manducandum, verùm & ad offerendum protulisse Melchisedech panem & vinum discretis verbis ostendunt. Verùm isti, quibus ministris ad oppugnandum hoc tremendum sacrificium Sathanas vititur, cum hoc illis commentum suum non successerit, aliud inveniunt. Aiunt Paulum de sacerdotio Melchisedech accuratè singula tractare, ac propemodum scrupulosè excutere nomen hominis, sedem Regni, perpetuitatè vitæ, ius decimarū, benedictionè prosequi, in quibus omnib. minus momenti fit, quàm in oblatione panis & vini, de qua tamen verbum fecerit nullum. An existimandum sit, obliuione lapsum esse Dei spiritum, vt dum rebus minutis immoratur, quod erat præcipuum, & ad causam maximè valebat, id omiserit. Videte quale sit hoc ratiocinandi genus. Non scripsit in illa tota epistola, Christum esse conceptum de Spiritu sancto, natum ex Maria virgine, num ideo verum id esse negabi-



gabimus? Non est obliuione lapsus Dei spiritus, ô Sathana, sed fecit quod faciendum admonuit Propheta, Disposuit sermones suos in iudicio, fecit quod antea Christum fecisse cognouerat, cum diceret: Adhuc multa habeo vobis dicere, sed non potestis ea portare modò. Vis autem ipsam Paulum audire modò non hæc eadem verba proferentem. Is verò statim vt melchisedech mentionem fecit, de quo nobis, inquit, grandis sermo & ininterpretabilis ad dicendum. Quid hoc aliud est, quàm habeo multa vobis de eo dicere? Quod verò sequitur, Quoniam imbecilles facti estis ad audiendum, quid aliud est, quàm, sed non potestis ea portare modò. Magistrum itaque suum secutus Paulus, illorum ad quos scripserat imbecillitatis rationem habebat: cumque videret, quòd opus illis adhuc lacte, nec solido cibo vti possent, quæ de melchisedech dicenda captum illorum excedebant, ea non putauit oratione sua persequenda. Quod pluribus etiam verbis ad Euagrium scribens docet Hieronymus, cuius verba ne sit sermo prolixior nunc omitto. Cùm itaque

itaque  
fidelib  
sed qu  
narrat  
author  
se put  
cognit  
& ind  
occul  
porter  
literis  
tum tr  
iplo fa  
quin d  
iniciat  
stomu  
clausi  
dum  
non c  
liquar  
ticipa  
adhuc  
hunc  
es fac  
Iudæ  
diner  
dotiu



itaque Paulus Iudæis scriberet, non iam fidelibus, non illis prodenda mysteria, sed quod alios etiam Apostolos fecisse narrat Basilus, eorum reuerentiam & authoritatem silentio conseruandam esse putauit, ne si vulgò forent omnibus cognita, in contemptum venirent: quin & inde vocata sunt mysteria, quòd ea occulta esse, nec in vulgus prodi oporteret: quam etiam ob causam neque literis mandabantur, sed per manus tantum tradebantur, quemadmodum de hoc ipso sacrificio loquens Basilus indicat, quin & excludebantur ab illis nondum initiati. Quod Ioannes quoque Chryostomus testatur dicens. Ideo mysteria clausis ianuis celebramus, & eos qui nõdum initiati sunt adesse prohibemus, non quia mysteriorum infirmitatem aliquam depræhendimus, sed quia ad participationem eorum illi quos arcemus adhuc infirmi sunt. Cum Augustinus hunc ipsum Psalmi locum explicaret, Tu es sacerdos in æternum, Vident, inquit, Iudæi, perijisse sacerdotium secundum ordinem Aaron, & non cognoscunt sacerdotium secundum ordinem Melchisedech.

Si



Si qui non intelligunt Catechumeni auferant pigritiam, festinent ad notitiã. Non opus est mysteria prodere, scripturã nobis intiment, quod est sacerdotium secundum ordinem Melchisedech. Si non putauit Augustinus, passim omnibus esse prodenda mysteria, quo tempore maior terrarum orbis pars Christum aperte confitebatur, quanto minus id à Paulo factum oportuit, cum Iudæis persuaderet, vt Hieronymi verbis vtar, nõ iam fidelibus. Prudenter admonet Ambrosius, quod qui tractat, debet audientiũ considerare personas, ne prius irrideatur, quã audiatur. Quando enim Athenien. crederent, quia verbum caro factum est, & de spiritu virgo concepit, qui ridebant quia mortuorum resurrectionem audiebant. Et est celebris illa Gregorij Nazianzeni sententia, quod non omnia, nec omnibus, nec ab omnibus nec omniloco & tempore dici oporteat. Habes igitur iam causam, quã obrem scribens ad Hebræos Paulus, cum de Melchisedech sermonem instituisset, nullam oblationis panis & vini mentionem fecerit, nimirum quod non poterant adhuc portare, quod erant imbecilles ad

audien  
& in  
Non se  
hæret  
antem  
confer  
num o  
quoti  
niuer  
Sic in  
sancti  
clesiæ  
temer  
cã ill  
ternũ  
nẽ Me  
pter  
& vin  
fit à l  
liquo  
tem e  
in ve  
tas n  
ante  
ordi  
fanẽ  
huc



audiendum. Cum primis itaque ridiculum  
 & ineptum est hoc ratiocinandi genus.  
 Non scripsit Paulus, ergo non est. Quod  
 hæreticis quidem fuit vsitatum, semper  
 autem à Catholicis reiectum, qui magno  
 consensu docuerunt, quòd panem & vi-  
 num obtulit melchisedech, figuram fuisse  
 quotidiani sacrificij, quod per orbem v-  
 niuersum Catholica frequentat Ecclesia.  
 Sic in Asia, sic in Africa, sic in Europa  
 sancti patres docuerunt. Qui præfuit Ec-  
 clesiæ Constantinopolitanæ, Ioannes nõ  
 temerè Chrysofomus appellatus, expli-  
 cās illum Pauli locū, Tu es sacerdos in æ-  
 ternū, quærit quare dixit, secundum ordi-  
 nē melchisedech: Respōdit mox, Et pro-  
 pter sacramenta, quòd ille quoq; panem  
 & vinum obtulerit, & quòd sacerdotium  
 sit à lege liberum, ac alijs quoque locis a-  
 liquot eiusdem rei meminit. Aequalis au-  
 tem eius Epiphanius, Visum est, inquit, vt  
 in veteri sacerdotio sacerdotalis digni-  
 tas non constituatur, verum ad id quod  
 ante Leui & ante Aaron fuit, secundum  
 ordinē melchisedech, trāsferatur. Quod  
 sanè nunc in Ecclesia viget à Christo &  
 hucusq; Clarius autem, qui vixit eodem



tempore, Cæsariensis Eusebius: Sanè, inquit, oraculi exitus admirabilis ei qui contempletur: quemadmodum saluator noster Iesus, ipsius Melchisedech ritu, ea quæ ad sacerdotium in hominibus gerendum spectant, per suos ministros perficiat. Nam quemadmodum ille qui sacerdos gentium erat, nusquam videtur sacrificijs corporalibus functus, sed vino solo & pane, dum Abraham benedicit: Ita sanè primus ipse saluator noster, deinde qui profecti sunt ab eo sacerdotes, in omnibus gentibus spirituale secundum Ecclesiasticas sanctiones sacerdotij munus obeuntes, vino ac pane & corporis illius & sanguinis mysteria repræsentant, quæ sanè mysteria Melchisedech tanto antè spiritu diuino cognouerat, & rerum futurarum imaginibus vsus fuerat. Sicut etiam scriptura Moyse testificatur, vbi ait: Melchisedech protulit panem & vinum, erat autem sacerdos Dei altissimi. Sed nec Eusebius Emisenus minus disertè: Melchisedech, inquit, oblatione panis & vini hoc sacrificium Christus præsignauit, de quo Prophetapronunciat, Tu es sacerdos in æternum. Theodoretus

quo-



quoq; Cyrensis Episcopus psalmum hunc explanans, exorsum esse dicit CHRISTVM sacerdotium in nocte, qua crucem subiuit. Cum accepit, inquit, panem, & c. Similiter & calicem, & c. Inueni autem, melchisedech sacerdotem & Regem esse. Figura igitur erat sacerdotis & Regis, & offerentem Deo non sacrificia ratione carentia, sed panem & vinum: sacerdos autem nunc est Christus, qui ex Iuda secundum carnem ortus est, non ipse aliquid offerens, sed vocatur caput eorum qui offerunt, quandoquidem eius corpus Ecclesiam vocat, & propterea sacerdotio fungitur homo, recipit autem ea quæ afferuntur, vt Deus: offert autem Ecclesia corporis eius & sanguinis symbola. Sic senserunt de hoc sacrificio Patres Asiatici. Num autem diuersa fuit Africanorum opinio? quin illi pedibus in eandem currunt sententiam. Clemens Alexandrinus, Origenis præceptor, non ita longo fuit interuallo disiunctus ab Apostolorum temporibus, Melchisedech, inquit, sacerdos Dei altissimi, vinum & panem sanctificatum dedit in typum Eucharistiæ.



Non qualem cunq; panem dedisse scribit Melchisedech, sed sanctificatum, hoc est, oblatum, sicut etiam apud Ioannem dixisse Christum legimus: Ego pro eis sanctifico, hoc est, offero me ipsum. Quem secutus Cyprianus, Quod Melchisedech typum, inquit, Christi portaret, in Psalmis declarat Spiritus sanctus, ex persona patris ad filium dicens, Tu es sacerdos in eternum secundum ordinem Melchisedech, qui ordo utique hic est, de sacrificio illo veniens, & inde descendens, quod Melchisedech sacerdos Dei summi fuit, quod panem & vinum obtulit, quod Abraham benedixit. Nam quis magis sacerdos Dei summi, quam Dominus Iesus Christus? qui sacrificium Deo patri obtulit, & obtulit hoc idem quod Melchisedech obtulerat, panem & vinum, suum scilicet corpus & sanguinem? Ac paucis interiectis: Ut ergo in Genesi per Melchisedech sacerdotem, benedictio circa Abraham posset rite celebrari, præcedit antè imago sacrificij in pane & vino constituti. Quam rem perficiens & adimplens Dominus, panem & calicem vino mixtum obtulit, & qui est plenitudo veritatem

tem  
 Qu  
 criti  
 latu  
 fede  
 hun  
 ba,  
 tur:  
 cerc  
 ord  
 nun  
 Pos  
 inq  
 Do  
 ang  
 toy  
 nite  
 cia  
 & l  
 Me  
 de  
 nu  
 um  
 ron  
 Me  
 rep  
 pu



tem præfiguratam imaginis adimpleuit. Quid clarius dici potuit? Imaginem sacrificij, quod in cœna Christus erat oblaturus, præcessisse dicit, quando Melchisedech panem & vinum obtulit. Post hunc Arnobius enarrans illa Psalmi verba, Tu es sacerdos, ita de Christo loquitur: Hic qui per mysteriũ panis & vini sacerdos factus est in æternum secundum ordinem Melchisedech, qui panem & vinum solus obtulit in sacerdotibus, &c. Post quem Augustinus: Nondum erat, inquit, sacrificium corporis & sanguinis Domini, quod fideles nõrunt, & qui Evangelium legerunt, quod sacrificium nũc toto terrarum orbe diffusum est. Proponite ergo vobis ante oculos duo sacrificia, & illud secundum ordinem Aaron, & hoc secundum ordinẽ Melchisedech. Melchisedech protulit panem & vinum, de quo alio dicit, Tu es sacerdos in æternum, & nisi de illo cuius nosti sacrificium. Sublatum est enim sacrificium Aaron, & cœpit esse secundum ordinem Melchisedech. Pluribus in locis eadem repetit. Hactenus patres Africani. Quàm pulchrè verò conuenit illis cum Asiaticis.



Quid autem Europa nostra? Num aliter quam isti de sacrificio hoc docuit? Idem prorsus. Pluribus in locis eandem sententiam confirmat Hieronymus. Sed nos pauca verba quaedam adferemus. Melchisedech, inquit, in typo Christi panem & vinum obtulit, & mysterium Christianum in saluatoris sanguine & corpore dedicauit. Et alio loco: Quod autem ait, Tu es sacerdos in aeternum, &c. mysterium nostrum in verbo ordinis significatur, nequaquam per Aaron irrationabilibus victimis immolandis, sed oblato pane & vino, id est, corpore & sanguine Domini. Scripsit autem is ad Euagrium epistolam, in qua pluribus verbis ex Origenis, Didymi, Hypoliti, Irenæi, Eusebij Cæsariensis, & Emiseni, Apollinarij, & Eustathij sententia, doctrinam hanc Ecclesiæ confirmat: ex quo perspicuum cuius esse potest, quod ex magna parte prisca patres omnes, in eadem hac sententia fuerunt. Ambrosius in Missa sua, Dominus inquit Iesus Christus, sacrificandi ritum instituit, dum panem & vinum, quod Melchisedech in præfiguratione futuri mysterij sacerdos obtulerat, in sacramentum sui

CORP

corp  
forma  
Episc  
plicat  
ui, sec  
bu ni  
vtiq;  
Chri  
non f  
victi  
corp  
in sa  
mū a  
stian  
Sed  
niur  
funt  
pser  
Pas  
mu  
igit  
run  
Eu  
orl  
str  
en  
no



S E X T A

corporis & sanguinis celebrandum trāsformavit. Eucherus quoq; Lugdunen. Episcopus, vbi locum hunc Geneleos explicat, Christus, inquit, non ex tribu Leui, sed ex tribu Iudæ ortus est, ex quatribu nihil de sacerdotali præcepto accepit, vtiq; propter mysteria sacramenti, quod Christianis celebrari præceptum est, vt non secundum ordinem Aaron pecudum victimas, sed oblationem panis & vini. i. corporis & sanguinis eius sacramentum in sacrificium offeramus. Ibi quippe primū apparuit sacrificiū, quod nūc à Christianis offertur Deo, toto orbe terrarum. Sed me dies prius defecerit, quàm vt omnium ea de re verba recitare queam, qui sunt patres istos consecuti, cum plura scripserint in eandem sententiam, Haymo, Paschasius, Rabanus, Albinus, Anselmus, Rupertus, & alij sexcenti. Videtis igitur charissimi, quomodo conuolauerunt sanctæ ille aquilæ ex Asia, Africa, Europa, hoc est, ex vniuerso terrarum orbe, ad veritatem huius doctrinæ nostræ de sacerdotio Melchisedech adstruendam. Et erit quisquam, apud quem non plus valebit eorum autoritas, quàm



nescio cuius obstreperi corui, qui sensu  
 carnis suæ inflatus. Posteaquam semel e-  
 uolauit ex arca, non modò nulla sollicitu-  
 dine tangitur, vt ad illam, extra quam sa-  
 lus non est, redeat, verum etiam alijs euo-  
 landi segregandique semetiplos autor est.  
 Quid autem si docuerimus etiã Rabino-  
 rum testimonijs, qui comprimis apud Iu-  
 dæos celebres fuerunt, hanc doctrinam  
 nostram esse confirmatam. Difficile  
 quidem id fore videtur, sed periculum  
 tamen faciemus. Qui legit historiam  
 Antonini, reperiet in ea librum vel e-  
 pistolam Rabbi Samuelis Israelitæ, ad  
 Rabbi Isaac ante annos propè 600. scri-  
 ptam, in qua sic ille loquitur: Attende  
 Domine mi, quanta sit differentia inter  
 sacerdotium Aaron, & Domini iusti illi-  
 us sacrificium. Aaron fuerunt carnes, &  
 sacrificium istius iusti Domini fuit panis  
 & vinum, quod est secundum ordinem  
 Melchisedech: in quibus verbis Deus per  
 prophetam manifestè ostendit, quòd sa-  
 crificium finiretur, quando inciperet i-  
 stud sacrificium in æternum: & ordina-  
 tio sacrificandi secundum Aaron ex to-  
 to cessaret, quando inciperet sacrificium  
 in

in pan  
 Rabbi  
 chisee  
 tinere  
 per ill  
 place  
 Hebr  
 Erit f  
 Erit  
 thas v  
 etiã  
 um p  
 & à  
 & an  
 gent  
 & no  
 cebit  
 inim  
 vi ve  
 per  
 ritat  
 vol  
 rifs  
 stos  
 cœ  
 cer  
 Ca



in pane & vino æternaliter duraturum. Rabbi quoque Hadarzan & Pinas de Melchisedech narrationem ad Messiam pertinere docentes, q̄ panē & vinū obtulit, id per illa Psalms verba interpretantur. Erit placenta frumenti. Sic enim habetur in Hebræo textu: Septuaginta yerterunt, Erit frumentū in terra, Hieronymus autē, Erit memorabile triticū in terra, Ionathas verò Chaldæus & Onchelus apertius etiā explicarunt dicentes, Erit sacrificium panis in terra. Quemadmodum hæc & à Petro Galatino superioribus annis, & ante triennium à Petro Galefimo diligentius annotata videre licet. An autem & nobis exclamare cum Propheta non licebit, Stupor & mirabilia? quod qui sunt inimici, qui sunt hostes Euāgelij, Iudæi, vi veritatis coacti negare non audent, hoc per summam impudentiam negant, & veritatem Euangelicam oppugnant, hi qui volunt Euangelici cenferi. Vos verò charissimi tanquam viperam & basiliscum istos fugite, quos eò perduxit amentiae cœcus amor sui, suum vt sensum pluris facere non dubitent, quàm totius Ecclesiæ Catholicæ sensum & consensum. Nihil



vobis maiore studio cauendum existimate, quàm vt scripturæ singulares quosdã intellectus exquiratis, vt insolitos & hætenus inauditos sensus excogitetis, vt nouas & solitarias opiniones proferatis, aut his qui talia faciunt aures vestras accommodetis, & assensum præbeatis: verùm quod ab Eusebio Emiseno præclare scriptum est, id perpetuò fixum in vestris pectoribus hæreat, Fides, inquit ille, religionis Catholicæ, lumen est animæ: ostium vitæ: fundamentum salutis æternæ. Qui eunq; hæc derelicta velut pessimum ducẽ proprium sequitur intellectum, quicumq; per sapientiæ suæ sensum ad mysteriorũ cœlestium se putat posse peruenire secretum: sic facit, quomodo si absq; fundamento ædificet domum, aut si prætermisso ostio velit intrare per tectum, vel si nocte sine lumine inferat gressum: totum se clausis oculis vrgeat in profundum. Pessimus dux est proprius intellectus, de quo dixit etiam Propheta: Væ Prophetis insipientibus, qui sequuntur spiritum suum & nihil vident. Non hunc igitur, verùm Ecclesiam sequamini Ducem: Ecclesiam autem cum dico, sancto, illos Patres, sanctas illas



las aquilas intelligi volo, quas ad confir-  
mandam huius doctrinae nostrae verita-  
tem, ex toto terrarum orbe conuolasse,  
nobis eorum sententias recitantibus, iam  
audiuistis. Hos duces & magistros si  
secuti fueritis, promitto vobis &  
spondeo, quod nunquam  
in errorem aliquem  
incidetis.

R E



# REVOCATIO

## SEPTIMA.



Vòd ab Hæreticis nostri  
 temporis tam audacter asse-  
 ritur, cultum illum, vel vt  
 Augustini verbis vtar, illâ  
 soli Deo propriè debitam  
 seruitutem, quod Missæ sacrificium voca-  
 mus, extrâ Dei verbum institutum esse,  
 quàm longè sit ab omni prorsus veritate  
 remotum, cum ex lege, tum ex psalmis,  
 quin & ex ipsius Christi non verbis ma-  
 gis quàm factis, adèd planum & perspi-  
 cuum fecisse videmur, nihil vt iam in ani-  
 mo cuiusquam scrupuli residere persua-  
 sum habeamus. Quanquam etiamsi nulla  
 per nos producta fuisset scripturarum au-  
 toritas, vel vnum id fideli cuique suffice-  
 re deberet, quòd hoc ita per orbem Chri-  
 stianum vniversum, ea quæ firmamētum  
 est & columna veritatis, tota frequentat  
 Ecclesia, quam credere, cui fidere in cu-  
 ius institutis aquiescere, nec ab illius vna-  
 nimi consensu nos vnquam discedere vel-  
 le, Symbolum Apostolicum recitantes

quo-



quotidie profitemur. Verumtamen, vt ne  
quid etiam his desit, qui curiosius hæc  
indagare conantur, & vt quoad eius fieri  
poterit satis omnibus faciamus, vnum aut  
alterum adhuc ex prophetis testimonium  
ad hoc, de quo sermo nobis nunc est pro-  
bandum, adferemus. Vos quod hætenus  
fecistis, faciles & benignas aures nobis  
præbete. Sic apud Malachiam Prophetam  
locutum esse Dominum exercituum legi-  
mus: Non est mihi voluntas in vobis, &  
munus non suscipiam de manu vestra. Ab  
ortu enim solis vsque ad occasum magnū  
est nomen meum in gentibus, & in omni  
loco sacrificatur, & offertur nomini meo  
oblatio munda. In quibus verbis tria no-  
bis consideranda veniunt: primum quòd  
vetus illud sacrificium, quod erat secun-  
dum ordinem Aaron, quo solus Israel po-  
pulus utebatur, Deus reiecerit, quod an-  
tè Malachiam quoque prædictum ab E-  
saia legimus: deinde quòd nouum & æter-  
num quòd illi succederet, quod est secun-  
dum ordinem Melchisedech institutum  
voluerit, ad quod peragendum, non ex v-  
na familia, qualis illa fuit Levi, sed ex om-  
ni gente sacerdotes eligerentur: tertio,  
quòd



quod oblatio per nouos nouæ legis sacer-  
dotes offerenda munda futura sit, nec a-  
liquo certo loco circumscribenda, sed in  
omni loco totius orbis eam offerre lice-  
ret. Hæc igitur Prophetæ verba, si quis ad  
eam oblationem quæ fuit in cruce facta  
referre voluerit, satis constat, quod nec  
inter gentes, nec in omni totius orbis lo-  
co, sed in vna tantû Iudææ parte, nimirû  
in Caluariæ monte, semetipsum Christus  
victimam obtulerit, vt huic Prophetæ lo-  
co nulla ratione sensus hic quadrare pos-  
sit. Si quis autem de contriti cordis & hu-  
miliati sacrificio, dequæ puræ mentis &  
bonæ voluntatis officijs accipi malit, du-  
bium non est, quin ea Deo placeant, & pos-  
sint in omni loco rectè offerri. Sed quis e-  
rit qui se mundum cor habere gloriari  
queat? vt sic eius oblatio munda censea-  
tur, apud eos præsertim, quibuscum res  
nobis nunc est, qui sacrificium hoc nos-  
trum, quod est precium redèptionis nos-  
stræ, sacrilega quadam audacia, nobis eri-  
pere conantur, cum nihil habeant in ore  
frequentius, quàm quod apud Esaiã scri-  
ptum est: Vniuersæ iustitiæ nostræ pan-  
nus menstruatæ: nec dubitent asseueran-

ter b  
oper  
mun  
nus  
illi  
stru  
nem  
de sa  
ti lo  
sacri  
fia,  
secu  
nec  
tia  
tes,  
est,  
time  
dot  
sti p  
Euf  
qui  
inte  
tion  
hym  
ra,  
ad  
asit



ter affirmare, quòd etiam in omni bono opere iustus peccat. Potest autem oblatio munda dici, quæ peccatum est, siue pannus menstruatæ? Huc accedit, quod idè illi Pharisaicum esse docent: opus nostrum Deo, tanquam mundam oblationem offerre velle. Verùm detur hoc illis, de sacrificio contriti cordis & humiliati locum hunc intelligi rectè posse, certè sacrificium hoc non magis huius Ecclesiæ, quæ Christi passionem & mortem est secuta, quàm illius quæ præcessit propriū, nec sub lege minus quàm hoc tēpore gratiæ frequentatū esse, nec plus ad sacerdotes, quàm ad laicos pertinere manifestum est, vt non minùs fœmina, quàm qui legitimè vocatus est ad munus hoc, tali sacerdotio & sacrificio fungi posset. Verùm isti producunt nobis Tertullianū, Irenæū, Eusebium Cæsariensem, & alios nōnullos, qui de spiritualibus sacrificijs locū hunc interpretatur, qualia recensent prædicationis celebritatē, benedictionē, laudem, hymnum, Orationem de conscientia pura, cor contritum, & humiliatū, gloriæ ad Deum relationē, & id genus alia. Quis asit est, q̄ neget hæc quoq; rectè sacrificia vocari?



vocari? nec absurdè facere, si quis de illis Malachia locum hunc interpretetur. Scilicet nouum hoc est, quòd idem scripturæ locus diuersas expositiones quandoq; recipit, vt & secundum historiam siue litteram, & secundum Allegoriam, & secundum Tropologiam, & secundum Anagogiam, eum interpretari liceat. Quod non vno loco faciunt, cum alij nonnulli, tum Origenes, Hieronymus, Augustinus, & Eucherius. Verùm interea proprius & germanus est scripturæ sensus, quem vulgò litteralem vocant, quem Regium sensum vocat Hieronymus, ac solidissimum & firmissimum esse dicit. Hoc itaq; Regio & litterali sensu Malachia locum hunc nõ de alio sacrificio SS. Patres intelligunt, quàm quod per orbem viuersum tota frequentat Ecclesia. Neque tamen ea res impedit, quòd minus per Tropologiam etiam de spiritalibus & internis sacrificijs exponatur. Mirum est autem, quòd qui non admittant in scripturis tropum, & ad eum confugere nihil aliud esse doceant, quàm omnem scripturarum vim labefactare, id ipsos facere, quòd vt fiat à catholicis, nulla ratione ferendum esse censent,

sent,  
cõfu  
mitti  
scim  
rony  
stori  
Alle  
scrip  
nim  
fit a  
Chr  
li ve  
Dec  
Qu  
rum  
Illi  
Por  
mu  
lab  
fac  
lem  
tri,  
um  
qu  
dar  
tia  
co



sent, vt excluso sensu litterali, ad tropum  
 cōfugiant. Nos verò tropum libenter ad-  
 mittimus, quo Paulum etiam vsum esse  
 scimus, modò seruetur illud, quod ab Hie-  
 ronymo scriptum est, In Prophetis Hi-  
 storix veritas quærenda primùm, deinde  
 Allegoria. Vt autem Regius propterea  
 scripturæ sensus excludatur, id verò mi-  
 nimè ferendum esse iudicamus. At exclu-  
 sit alium quemcunque sensum Ioannes  
 Chrysostomus, cum enarrans illa Pau-  
 li verba: Per eum sacrificium offerimus  
 Deo, fructum labiorum, ita loquitur.  
 Quale sacrificium dicit? Fructum labio-  
 rum, inquit, confitentium nomini eius.  
 Illi offerebant pecudes, vitulos, & dabant  
 Pontifici: nos autem nihil horum offeri-  
 mus, sed solam gratiarum actionem, hanc  
 labia nostra germinent. Talibus, inquit,  
 sacrificijs placatur Deus. Demus illi ta-  
 lem hostiam, vt etiam ipse eam offerat pa-  
 tri, aliter autem non offertur, nisi per fili-  
 um. Hoc loco maximè quidam triūphat,  
 quòd solam gratiarum actionem offeren-  
 dam esse Chrysostomus ex Pauli senten-  
 tia docuerit. Non igitur offerre debem⁹  
 corpus & sanguinem Christi, quem man-

O

ducare



ducare tantum & bibere, non autem offerre iussi sumus. At quanta, per Deum immortalem, & huius hominis cæcitas, qui non videt, si nullum aliud offerri debet sacrificium præter solam gratiarum actionem, quod non hoc modò de quo sermo nobis nunc est sacrificium, verùm & alia excluduntur omnia, de quibus Malachiæ locum hunc Tertullianus & alij præfati patres interpretabantur. Sed idem nunc isti de sacrificio faciunt, quod olim de fide fecerunt. Legerunt apud præfatos patres non vno loco, solâ fide iustificari, solâ nos fide saluari, mox omne genus operum excluderunt. At sanctis patribus nunquam hoc cogitare venit in mentem, ut excludere vellent opera, quæ forent in fide facta, sed ea tantum, quæ sunt legis cæremonialia, aut quæ facta essent extra fidem. Ad eundem planè modum agunt etiam nunc de sacrificio, cum tamen Chrysostomi mens ea nunquam fuerit, ut cum alia spiritualia sacrificia, tum hoc, quod verè proprieque sacrificium dicitur, exclusum vellet, cum ex ipsis verbis colligere liceat, quod pecudes tantum & vitulos, de quibus mentionem



nem fecerat, exclusos voluerit. Sed quis nobis melius mentem suam, quam ipse Chrysoftomus explicabit? Is Psalmum illum enarrans: Cantate Domino omnis terra, posteaquam hunc Malachiae locum produxit, in hæc verba prorupit: Vide quam dilucidè, quamque luculenter mysticam interpretatus est mensam, quæ est incruenta hostia. Thimiamma verò purum, appellat sacras preces quæ post hostiam offeruntur. Hic seruat illud Chrysoftomus, quod ab Hieronymo præceptum est. Primùm historie profert veritatem, deinde Allegoriam. Iuxta germanum scripturæ sensum, de mystica mensa, quæ est incruenta hostia, locum hunc interpretatur: iuxta Allegoriam verò siue Tropologiam, de precibus. Ac paucis interiectis. Vides ut ubique concessum est, Angelicum illud sacrificium inclarescere: vides nullis finibus circumscriptum, neque altare, neque canticum. In omni loco Thimiamma offertur nomini meo. Est igitur hostia pura, prima quidem mystica mensa, cœleste summeque venerandam sacrificium. Est autem & in



nobis varia sacrificiorum differētia: mox enumeratis veteris testamenti multis hostijs, Habemus autem & nos inquit, in nobis ipsis varias immolationes, non quæ iuxta legem incedunt, sed quæ decent Evangelicam gratiam. Vis ne has cognoscere victimas, quas habet Ecclesia? Mox enumerat: Primum est, inquit, sacrificium, quod antè dixi, spirituale illud ac mysticum donum: Alterum est, martirium, Tertium preceationis, Quartum laudis, Quintum iustitiæ, Sextum eleemosynæ, Septimum iubilationis, Octauum spiritus contriti & humiliati, Nonum prædicationis, Decimum fructificationis. Hæc singula recenset ex scripturis. Inter omnes autem has primum locum tribuit incruentæ hostiæ, quæ offertur in mystica mensa, quam vocat hostiam salutaris, vocat Angelicum, cœleste, summeque venerandum sacrificium, vocat vnam ac veram hostiam, cum reliquæ non verè neque propriè, sed per Allegoriam hostiæ vocentur. Tantum igitur abest, vt cum dixit Chrysostomus, solam gratiarum actionem nos offerre Deo debere, exclusa voluerit alia sacrificia, vt alias prætereà de-



decem etiam hostias recensuerit. Qui vero præcessisse Chrysofomum videtur Eusebius Cæsarien. interpretatur & ipse locum hunc de orationis incenso & sacrificio: sed num ideo propriè dictum sacrificium excludit? Quin ille præterquã quòd aliud etiam ex Esaiã vaticinium producit, Erit altare Domini in terra Aegypti, & cognoscent Aegyptij dominum, & facient sacrificia. Malachiã quoque locum hunc in eiusdem libri fine proferens ita loquitur: Sacrificamus igitur Deo sacrificium laudis, sacrificamus Deo plenum, & odorem asserens, & sacrosanctum sacrificium, sacrificamus nouo more secundum nouum testamentum hostiam mundam. Et paulò post explicans quod sit illud sacrificium, quod nouo more sacrificamus: Sacrificamus, inquit, & incensimus, aliàs quidem memoriam magni illius sacrificij, secundum ea quæ ab ipso tradita sunt mysteria celebrantes: & gratias Deo pro salute nostra agentes, religiososque hymnos & orationes sanctas illi offerentes: aliàs nos ipsos totos ei consecrantes. Facit & hic mentionem sacrificij gratiarum actionis, & hymnorum, si-



ue laudum, & precationis. Sed interea primum locum tribuit ei sacrificio, cuius memoriam, sicut aliquanto antè dixerat, signis quibusdam in mensa celebrandam corporis illius salutarisq; sanguinis, vt noui testamenti institutio habet, accepimus. Sed & Hieronymus locum hunc Malachiae, de sanctorum orationibus domino offerendis interpretatur: verum interim addit, offerri mundam oblationem, vt in caeremonijs Christianorum: quibus verbis quid aliud innuere voluit, quam quod offertur in mystica mensa, proprie dictum Christi corporis & sanguinis sacrificium? Quod clarius etiam Theodoretus explicat cum dicit? Diuinus Malachias planè nos, inquit, ex his docet eam pietatem, quam nunc profitemur in omni loco obitum iri. Nam circumscriptio loci ad sacra obeunda deleta est. Omnis locus accommodatus ad Dei cultum est existimatus, & victimarum ratione carentium caedes immaculatus agnus, & tanquam signum virtutis odoratum incensum existit. Hic non obscure Theodoretus indicat, se de sacrificio agni immaculati, quem sacerdos offert ad altare, locum hunc intelligi-



telligere, qui successerit in locum cædis  
victimarum ratione carentium. Irenæus  
verò facit ille quidem primitiarum obla-  
tionis mentionem, sed interea tamen ver-  
ba cœnæ proferens, Noui testamenti, in-  
quit, nouam docuit oblationem, quã Ec-  
clesia ab Apostolis accipiens, in vniuerso  
mundo offert Deo, de quo in Prophetis  
12. Malachias sic præsignificauit: Non est  
mihi voluntas in vobis, &c. Certè laudis,  
orationum, eleemosynarum siue primi-  
tiarum, contriti cordis, & id genus alia  
sacrificia minimè noua, verùm & in vete-  
ri lege fuerunt vsitata. Nunc Irenæus  
noui testamenti nouam oblationem in  
cœna Christum docuisse dicit, quam Ec-  
clesia ab Apostolis accipiens in vniuerso  
mundo offert Deo. Qui verò fuit Irenæo  
vetustior Iustinus Philosophus & Mar-  
tyr, disertis verbis locum hunc interpre-  
tatur de sacramento Eucharistiæ. Quod  
offertur, inquit, in omni loco à nobis gen-  
tibus, tum pane, tum poculo, quo nos clari-  
ficamus nomen Dei, quod à Iudæis pro-  
phanatum est. Quorum autem attinet,  
vel Remigij Antisiodorensis, vel Ioannis



Damasceni, vel Ruperti Tuitiensis, vel Rabbi Samuelis Iudæi, vel aliorum sexcentorum, qui posteriores his fuerunt, sententias producere, quos vnanimes vno ore de corporis & sanguinis Christi sacrificio, Malachiæ locum hunc exposuisse constat. Porro D. Augustinus, incensum de quo Malachias loquitur, sanctorum orationes interpretatur: hoc ipsum tamen dicit ab Ecclesia sacrificium immolari, sed secundum ordinem Melchisedech, subiungit mox: Nouerunt qui legunt, quid protulerit Melchisedech, quando benedixit Abraham: & si iam sunt participes eius, vident tale sacrificium nunc offerri Domino in toto orbe terrarum. Ac paulò post productis Malachiæ verbis, Non est mihi voluntas in vobis, hostiam non accipiam de manibus vestris. Ecce, inquit, quod est secundum ordinem Aaron, ac mox: In omni loco offertur incensum nomini meo, & hostia pura. Ecce, inquit, quod est secundum ordinem Melchisedech. Quid his verbis clarius esse potest? Ex hoc Malachiæ loco probat Augustinus, quòd sacerdotium secundum ordinem Aaron Deus reiecerit, & in eius locum



locum aliud instituerit, secundum ordinem Melchisedech, quem panem & vinum obtulisse constat. Ex his omnibus facile quiuis perspicere potest, quòd nihil impedit, quòd minus de alijs quoque sacrificijs, malachia locus hic exponatur, dummodò quòd vnum est & verum proprieque dictum corporis & sanguinis Domini sacrificium, non excludatur. Cùm & illud certè constitutum sit, quicquid habent in se puritatis, quaecunque sunt alia spiritalia hostia, quòd non habeant aliunde quàm ex hoc primo & omnium summo proprieque dicto sacrificio. Nihil est puritatis & mundiciei vel in sanguine Martyrum, vel in precibus, vel in laude, & gratiarum actione, vel in iustitia nostra, vel in primitijs & eleemosynis, vel iubilatione, vel in Euangelij prædicatione, vel in quibuscûq; tandè alijs oblationibus nostris: nihil est in eis omnibus mundiciei, nisi quatenus partem eius aliquam ex hac oblatione verè munda, quæ pro nobis in cruce fuit oblata, quæ præsens etiam adest in altari, mutuatur, extra quam verè dixit. Propheta, quòd pannus menstruatae sunt omnes iustitiae nostrae.



stræ. Nam quicquid est splendoris in virtutibus nostris, & in omnibus spiritualibus hostijs quas offerimus, non alia puritas, non alia iustitia splendet in illis, quàm illius nunquam satis prædicandi Christi meriti iustitia, quando corpus suum tradidit pro nobis iustus pro iniustis, quando sanguinem suum in ara crucis fudit in remissionem peccatorum nostrorum, cuius rei memoria quædam & repræsentatio fit ad altare. Sicut gemmæ magis rutilant in præsentia Solis, in absentia verò contenebrantur: sic in huius victimæ, qua nihil splendidius esse potest, præsentia, magis rutilant quæcunque tandem aliæ visibiles, vel inuisibiles hostiæ, quæ per nos offeruntur. Hoc est quod Petrus monet, vt accedamus ad offerendas spirituales hostias acceptas Deo per Iesum Christum. Per hunc acceptæ sunt hostiæ nostræ Deo, quin & offeruntur per hunc, qui simul est & offerens & oblatio. Sic & Paulus hortatur nos, vt per Christum offeramus hostiam laudis Deo. In Christo opera nostra æstimantur, quæ in scriptis nihil merentur. In omnibus quorumcunque tandem operum



rum nostrorum sacrificijs nunquam ea puritas reperietur, vt per se Deo grata sint, cum rectè scriptum à D. Thoma: Si consideretur opus hominis meritorium, secundum substantiam operis, & quatenus ex libero proficiscitur arbitrio, vita æterna, in quam nihil coinquinatum ingreditur, dignum non est. Nunquam integra est plena cordis nostri contritio, nunquam ita syncerus est, vt oportet affectus præcandi, nunquam tam ardentè & strenuè incumbimus ad offerendos vitulos labiorum, & spirituales hostias: quin aliquid in illis vitij sit. Sed quæ præsens adest in altari victima, pro nobis in cruce mactata, quæ præsens adest CHRISTI sanguis emundans conscientias nostras ab operibus mortuis, ille est per quem accepta Deo sunt sacrificia nostra, per eum lauantur, per eum fiunt munda, quæ natura sua nihil erant aliud, quàm pannus menstratæ. Cum igitur eleuat Christi corpus & sanguinis eius calicem sacerdos, & sub oculos astantium subijcit, quomodo Christ⁹ in crucè sublat⁹, & per fosso latere sanguis eius, per què lauat nos à peccatis nostris, à corpore fuit  
sepa



separatus, tùm qui præsentes adsunt, & ad pietatem accuratius instructi sunt, solliciti quomodo possint reconciliationis in cruce factæ fieri participes, in eiusmodi verba cum Bernardo prorumpunt, Pauperes sumus, parum dare possumus, attamen reconciliari possumus pro paruo illo si volumus. Toti quod dare possum, est miserum corpus istud, illud si dederò, satis est, si quò minus, addo & corpus tuum, ô Domine. Nam & illud do meo, & meum est. Paruulus enim datus est nobis, & filius datus est mihi. De te Domine suppleo, quod minus habeo in me, ô dulcissima reconciliatio, ô suauissima satisfactio, ô verè facilis reconciliatio, sed perutilis. Et ante Bernardum Anselmus Cantuarien. Episcopus, Quid misericordius, inquit, intelligi valet, quàm cum peccatori tormentis æternis damnato, & vnde se redimat non habenti? Deus pater dicit: Accipe vnigenitum meum, & da pro te: & ipse filius, Tolle me, & redime te. Sic videtis: quòd quicquid est in alijs oblationibus nostris vitij siue defectus, illa supplet sacra victima, quæ præsens adest in altari. Illam tollimus, quemadmodum

nos



nos isti S. Monachi docuerunt, illam Deo patri sistimus, vt redimamus nos, hoc est vt redemptionis per illam in cruce factæ fructum consequamur. Per eam fit, vt accepti sint vituli labiorum nostrorum, vt acceptæ sint spirituales hostiæ quas offerimus, in quibus quod minus est, id supplet corpus illud Christi, quod per Ecclesiæ ministrum offertur. Quam etiam ob causam Ioannes Chrysostronus, cuius rei meminimus in superiore declamatione nostra, diligenter hortatur, vt quo tempore proposita sunt mysteria, quando mors Domini perficitur, & horrendum sacrificium, & ineffabilia sacramenta peraguntur, quasi Domino præsentem, nos attentius geramus, atque tempus id ad ea quæ petimus impetranda cum primis opportunum existimemus. Sicut enim, inquit, quando Regum trophæa statuuntur, tum & quicumque socij fuerunt victoriæ celebrantur, & qui sunt in vinculis per tempus id liberi dimittuntur, quod vbi præterierit, qui neglexerit, nihil obtinet: sic, inquit, & in hoc tremendo mysterio, trophæa quædam celebrantur, quomodo morte sua mortem Christus

de-



destruxit, & vitā resurgēdo reparauit, si-  
 mul inferni claustra perfregit, & ex Diabo-  
 li potestate prædā insignē eripuit. Quā-  
 obrē illo tēpore, quasi sedente Rege, tro-  
 phæaq; sua celebrante, facilius quæcunq;  
 petita fuerint obtinētur. Tempus enim il-  
 lud propiciationis tēpus est, quādo quidē  
 præsens adest in altari propiciatio nostra,  
 præsens adest illa victima, quæ pro nobis  
 in cruce fuit mactata, per quam acceptæ  
 redduntur omnes aliæ, cuiuscunq; tan-  
 dem generis oblationes nostræ, quodq;  
 minus in illis est, de ea suppletur. de qua  
 Cypriani quoq; dictum hoc antea reci-  
 tauimus, quòd in huius victimæ præsen-  
 tia non superuacue mendicant lachrymæ  
 veniam, nec vnquam patitur cōtriti cor-  
 dis holocaustum repulsam. Obsecrat Pau-  
 lus fieri obsecrationes, orationes, postula-  
 tiones, gratiarum actiones pro omnibus  
 hominibus, pro Regibus, & omnibus qui  
 in sublimitate constituti sunt, vt quietam  
 & tranquillam vitam agamus. Quæ Pauli  
 verba dum enarrat Augustinus, multa, in-  
 quit, hic dici possunt, quæ improbanda  
 non sunt, sed eligit in his verbis hoc intel-  
 ligere, quod omnis, vel penè omnis fre-  
 quen-



quantat Ecclesia, vt preces siue obla-  
 cationes accipiamus dictas, quas facim<sup>9</sup>  
 in celebratione sacramentorum, antequã  
 id quod est in Domini mensa incipiat be-  
 nedici: orationes, cum benedicatur & san-  
 ctificatur, & ad distribuendum commu-  
 nitur. Quam totam petitionem ferè om-  
 nis Ecclesia Dominica oratione conclu-  
 dit. Ad quem intellectum etiam verbi  
 Græci origo nos adiuuat. Nam eam quã  
 dicunt *εὐχὴν*, rarò ita scriptura ponit, vt  
 intelligatur oratio, sed plerunque & mul-  
 tò vsitatus votum appellat *εὐχὴν: προσευ-*  
*χὴν* verò, quod verbum ita positum est,  
 vnde tractamus, semper orationē vocat.  
 Cum igitur vsitatus in scripturis votum  
 appelletur *εὐχὴ*, ea propriè intelligenda  
 est oratio, quam facimus, *προσευχὴν*. Vou-  
 uetur autem omnia quæ offeruntur Deo,  
 maximè sancti altaris oblatio, quo sacra-  
 mento prædicatur nostrum aliud votum  
 maximum, quo nos vouimus in Christo  
 esse mansuros, vtique in compage corpo-  
 ris Christi, cui<sup>9</sup> rei sacramentū est, quòd  
 vnus panis & vnum corpus multi sumus.  
 Ideò in huius sanctificatione existimo  
 Apostolum propriè iussisse *προσευχὰς, hoc*  
nos



est, orationes ad votum, quod vsitatus  
 in scripturis nuncupatur *εὐχὴ*. Postulati-  
 ones fiunt, cum populus benedicitur.  
 Tunc enim Antistites velut aduocati su-  
 sceptos suos per manus impositionem of-  
 ferunt misericordissimæ potestati. Qui-  
 bus peractis, & participato tanto sacra-  
 mento, gratiarum actio cuncta conclu-  
 dit. Videtis quemadmodum hic Augu-  
 stinus, quem ritum obseruat Ecclesia, eum  
 ab Apostolo traditum esse, non obscure  
 indicat, & quod eas propriè dici vult o-  
 rationes, quæ tùm fiunt, cum benedicitur  
 & sanctificatur Christi corpus, & sancti  
 altaris oblatio celebratur, quæ non alio  
 tempore possunt esse magis efficaces. Ab  
 Augustino minimè dissentit Ambrosius,  
 qui & ipse locum hunc Apostoli tractas,  
 Prima, inquit, oratio debet habere laudè  
 Dei, secunda supplicationem, tertia po-  
 stulationem, quarta gratiarum actionem.  
 In suis autem in Epistolas Pauli commen-  
 tarijs explicans hæc illius verba: Hæc re-  
 gula, inquit, Ecclesiastica est tradita à Ma-  
 gistro gentium, qua vtuntur sacerdotes  
 nostri, vt pro omnibus supplicent, depre-  
 cantes pro regibus huius sæculi, vt subie-  
 ctas



ctās habeant gentes, vt in pace positi, in tranquillitate mentis, & quiete Domino Deo seruire possimus. Hic & Ambrosius indicat, quòd præcandi formulam qua vtimur in canone, quē hæretici nostri temporis tantopere detestantur, non aliunde quàm à Magistro gentium Paulo traditam acceperimus, & adeò non excludunt SS. Doctores hi, per ea quæ trāslatè sacrificia nuncupantur, nimirum obsecrationes, orationes, postulationes, gratiarum actiones, & id genus alia, verum illud & propriè dictum, quod altaris oblationem siue sacrificium non vno loco vocat Augustinus, vt absque eo minus ea perfecta, minus etiam Deo grata, quin ab illo mutuare vim omnem & efficaciam existiment. Verùm & altaris oblatio non prodest, si quis vitulos labiorum, & spirituales alias hostias non obtulerit, cum falso nobis hoc ab hæreticis impingatur, quod sacrificium prodesse doceamus absq; bono motu vtentis. Sed est hoc adeò clarū atque testatum omnibus, etiam his qui sacrilega quadam audacia, redemptionis nostræ præcium auferre nobis conantur, quòd Malachiæ locus hic quem tractam⁹,



de quotidiano Ecclesiæ sacrificio rectè intelligatur, vt quamlibet inuiti, fateri tamen quod res est cogantur. Itaque cùm aliam elabendi viam reperire non possunt, eò tandem ad extremum confugiunt, vt dicant: Interpretari quidem priscos illos patres locum hunc de celebratione Eucharistiæ, sed non de sacerdotis actione, & histrionica (sic enim loquuntur homines blasphemii) representatione. Quasi verò quisquam theologorum tam insigniter stultus fuerit, vt quod est expiationis in hoc sacrificio sacerdotis, actioni tribuendum id esse putauerit. Sed neque temerè quenquam repertum iri credimus, qui sacrificium altaris expiatorium vocauerit, cùm non aliud sit expiatorium, quàm vnicum illud, quo posteaquam se Christus in ara crucis obtulerat, consummauit in æternum sanctificatos, cuius merito cum Deo patre reconciliationem, peccatorumque nostrorum remissionem consequimur. Propiciatorium quidem sacrificium hoc altaris, non rarò scimus appellatum fuisse: quando quidem in altari præsens adest illa propiciatio, præsens adest illa victima, quæ fuit



in cruce pro nobis mactata, per quam ut propicius esse velit populo suo, qui pro CHRISTI corpore Ecclesia legatione fungitur sacerdos, Deum supplex precatur. Quamobrem nulla fit hic oblatio, nulla noua redemptio, reconciliatio, vel expiatio, sed ut oblationis, redemptionis, & expiationis in cruce factæ fructum in nobis iugiter sentiamus, & illius hostiæ merito, quæ præsens etiam adest in altari, propiciam nobis Deum habere queamus: id verò cum sacerdote populus, quo summo potest studio contendit & elaborat. In eum finem fiunt obsecrationes, orationes, postulationes, gratiarum actiones, de quibus iam diximus. In eum finem & vitulilabiorum, & aliæ spirituales offeruntur hostiæ, quæ non aliunde tamen, quàm ab illa crucis hostia vim & efficaciam suam habent. Ita quicquid est expiationis, & propiciationis, non actioni sacerdotis, verum oblationi, quam in cruce Christus fecit, per nos tribuit, non quod non profit nobis ad propiciam reddendum Deum etiam sacerdotis oratio, sed quod ea non per alium prodest, quàm per Christum oblata.



Quamobrem nō in homine sacerdotē, pe-  
 nes quem solum est ministerium, verū  
 in solo Christo, qui verus est sacerdos se-  
 cundum ordinem Melchisedech, spem  
 nostram & fiduciam omnem defixam ha-  
 bemus, qui nisi quod facit in altari per  
 ministrum Ecclesiæ, faceret ipse quoque  
 per semetipsum in cœlo, nisi preces no-  
 stras Deo offerret, nisi cicatrices etiam  
 vulnerum suorum exhiberet, quibus pro-  
 pter iniquitates nostras vt nobis propici-  
 um redderet Patrem suum cœlestem affe-  
 ctus est: nullum prorsus ex actione sacer-  
 dotis ministerioque fructum caperemus.  
 Præclare dictum est ab Ambrosio, quod  
 ipse est oculus noster, vt per illum videa-  
 mus patrē ipse vox nostra, per quā loqua-  
 mur ad patrem: ipse dextera nostra, per  
 quam Deo patri sacrificium nostrum of-  
 feramus. Quicquid ad altare sacerdotis  
 ministerio vrbiliter agitur, hoc inuisibi-  
 lis ipse virtute sua facit efficaciter. Quam-  
 obrem vanissimum hoc istorum commē-  
 tum, qui per summam audaciam & impu-  
 dentiam affingere nobis non verentur,  
 quod actioni sacerdotis propiciationem  
 nostram tribuamus. Verū ita malitia  
 cor



eorum istorum excœcauit, ut videntes non videant, & audientes non audiant, neque intelligant. Nam etiam apud eos quos vocant scholasticos Theologos legerunt isti proculdubio non vno loco, quod homini sacerdoti ministerium tribuunt: quicquid autem est virtutis & efficaciam, non ad aliud quam ad illum, qui sacrificium idem & sacerdos est secundum ordinem Melchisedech, ad Christum Deum & hominem referunt. Quorsum autem attinet omnium ea de re sententias proferre, quorum pleni sunt ea de re libri? longum id foret, minimeque necessarium. Vnius tantum testimonium produxisse contentus ero. Multi scholastici Doctores ritum & ordinem sacrosanctam Missam diligenter explicarunt, inter quos ad eum non postremus est Alexander de Ales, ut vel inter primos recte numerari queat. Nam præterquam quod alios ætate præcelsit, excellenti quadam doctrina præditus fuisse videtur, ut non sine causa nomen irrefragabilis Doctoris obtinuerit. Is ubi de fine verba facit, quod claudi consueuerunt orationes, quas vulgo collectas vocant, Non per aliam, inquit, viam æterna Dei beneficia possunt ad nos



decurrere, quàm per eum qui est mediator Dei & hominum, homo Christus Iesus: per illum enim exaudiuntur preces fidelium, qui in diebus carnis suæ preces supplicationesq; ad Deum, qui posset illum saluum facere à morte, cum clamore valido & lachrymis offerens, exauditus est pro sua reuerentia. Vides quemadmodum hic non per hominem sacerdotem, qui ministerio tantum reconciliationis fungitur, sed per verum reconciliatorem, verum Dei & hominum mediatoré, verum & æternum sacerdotem secundum ordiné Melchisedech, cui petenti, nihil à Deo patre negari potest, preces fidelium exaudiri docet. Nam quod ad ministrum sacerdotem attinet, non suum ille sed Christi meritum, non suam sed Christi gratiam Deo repræsentat, non suum illi sed Christi sanguiné qui redéptionis nostræ precium est, offert. Itaq; sicut si quis ignem faceret, & ad vrendum admoueret, calidus ipse foret siue frigidus, nihil interesset, quandoquidem vi sua nihilominus ignis vreret: sic & homo sacerdos, quocumque sit vitæ merito, siue charitate ferueat, siue prorsus frigeat, quod ad cōsecrationem



nem Christi corporis attinet, nihil refert. Conficit ille nihilominus in altari Christi corpus & sanguinem, & eius meritum ex fide uiuentibus & charitate feruentibus applicat, vt quem optat ex ea re fideles fructum consequantur, cum verè dictum sit à Ioanne Scoto, quòd quando cūq; Christus vt summus sacerdos offert, panis quem dat, id est, caro eius, nō actio sacerdotis, dat vitam. Sed quoniam longius aliquanto progressa est oratio nostra, quàm initio nobis fuerat propositum, proxima in sequenti declaratione pluribus hac de re differemus.

Finis septimæ & vltimæ  
Reuocationis.

STAE



STANISLA-  
 VS HOSIVS, CARDI-  
 NALIS VVARMIIENSIS, SE-  
 NATVI CIVITATIS CO-  
 loniensis, S.



Euersus ad nos isthinc  
 Ecclesie nostrae Cano-  
 nicus Iacobus Tyme-  
 mannus, multa nobis  
 narravit de singulari  
 vestra cura & vigilan-  
 tia, qua priscam fidem  
 & religionem in Ciuitate vestra tueri &  
 conseruare studetis, tum quales vos gesse-  
 ritis cum ingressum in eam, qui redibat  
 Antuerpia, quendam haereticum cogno-  
 uissetis, à quo meritò vobis metuendum  
 existimabatis, ne quod cum Antuerpia-  
 tum alibi factum audimus & ingemisci-  
 mus, apud vos quoque noui motus ali-  
 qui per eum excitarentur. Credibile non  
 est, quantam ex illius hoc sermone volu-  
 ptatem acceperimus. Etenim quò maio-  
 rem animo nostro perturbationem attu-  
 lit



lit horrenda calamitas illa, qua pridem superiorem, nuper autem admodum inferiorem quoque Germaniam grauius afflicta esse renunciabatur: hoc magis recreati sumus & exhilarati, posteaquam Dei primùm benignitate, vestra deinde prudentia, diligentia, vigilantia, perfectū esse cognouimus, ut is adhuc esset Ciuitatis vestrae status, ut rectè de illa dici possit, sicut lilium inter spinas, sic amica mea inter filias. Verè amica Dei Ciuitas, quæ non te merè sanctam se vocari nuper adeò demonstrauit. Nam cum spinis & vepribus hæreticorum vndique sit circumseptata, nihil tamen eorum aculeis offenditur, nec de statu suo dimouetur: & quamlibet oppugnetur, non expugnatur tamè, quin fortior indies & robustior sit, ac quo semel est imbuta recens odore sancti Euangelij, quod à Diuo Materno Petri discipulo, qui primus vobis odorem notitiæ Christi manifestauit, sibi per manus traditum accepit, eum mille iam quadringentis & amplius annis retinet: & cum inimicis ex omni parte vestris Euangelium Christi haud aliter quàm florentium vinearum odor serpentibus, factam sit odor



mortis in mortem, vobis nihilominus, quoniam quale fuit ab initio traditum, tale nunc etiam illud conseruatis, nec in aliud cuiusuis potius quàm CHRISTI Euangelium transferimini, sicut ab origine semper fuit, sic & nunc est odor vitæ in vitam. Sed nec virginem temerè se vestra Ciuitas esse gloriatur, quandoquidem non illorum tantum, qui sub aspectum cadunt, hostium armis oppressa nunquam fuisse dicitur, sed nec eorum est insidijs expugnata, qui quantò sunt hostes occultiores, & minus patent obtutibus hominum, tantò maius ab illis periculum impendere videtur, cum præsertim contra CHRISTVM, CHRISTI signum portant & contra Euangelium de ipso Euangelio, quod non intelligunt, glorientur. Reuerà vos estis illa virgo casta, quam posteaquàm vni viro despondit exhibere CHRISTO, cuius paulò antè meminimus Apostolus ille vester Petri discipulus Maternus, virginitatem vestram integram & incorruptam seruastis semper, nec ab eo cui semel



semel spirituali coniugio per eum estis copulati, vos vnquam diuelli sustinuitis, quod ab illo didicistis, in eo constanter adhuc permanetis: in qua fide vos ille CHRISTO virginem castam despondit, eam integram in hunc vsque diem & inuiolatam conseruatis, ac summa cura prouidistis haecenus, ne sicut Euam, & sicut hoc nostro saeculo infelices multos Euae filios astutia sua seduxit serpens, ita corrumperentur sensus quoque vestri, & exciderent à simplicitate, quæ est in CHRISTO IESU. Quæ simplicitas fuit in sanctis maioribus vestris, qui non manducauerunt de sensu scripturæ elato, quorum cor non fuit exaltatum, nec elati sunt oculi eorum, nec ambularunt in magnis & mirabilibus super se, verum Paulum dicentem audiuerunt, Non plus sapere quàm oportet, sed sapere ad sobrietatem. Eam simplicitatem vos haecenus retinuitis, nec vt exciderent ab ea sensus vestri, deque ligno vetito scientiæ quæ inflat gustaretis, vnquam adduci quamlibet calidi



lidi serpentis astutia potuistis, nunquam doctiores & sapientiores, quàm Ecclesia sit vniuersa videri voluistis: verùm illius iudicio quam in symbolo credere nos profiteremur, quotquot Christianorum appellatione gaudemus, quæ mater est & magistra fidelium omnium, iudicium vestrum, summa cum animorum vestrorum submissione semper subiecistis, & eam qua par erat pietate venerati, illi vos permisistis, illam audiuistis, illam secundum Deum ipsum reueriti: quãdo quidem fundamentum est & columna veritatis, quæ de Diuinis rebus ipsa sentiret sentienda, quæ de humanis præscriberet facienda, quæ prohiberet fugienda esse sine vlla dubitatione tanquam obedientes illius filij semper censuistis: & cum sciretis, quòd Regnum Dei non est in contentione sermonis, sed in simplicitate fidei, de occultis fidei mysterijs non disputandum, non ea discutienda, nec esse quærendum quomodo iudicastis. Verùm eius memores quod scriptum est, Iustus ex fide viuit, non ex argumentis aut rationibus, cœlestibus mysterijs, quam sanctissima parens nostra Ecclesia docuit, fidem adhibendo,  
nec  
+



nec ea curiosius perferutando, quando-  
quidem scrutator Maiestatis opprimetur  
à gloria: non alta sapientes, verum humi-  
libus consentiētes, ad fidei præmia perue-  
nistis, & eā estis in orbe toto Christiano  
laudem & gloriam consequuti, vt quod  
Philippensibus olim dixit Apostolus, id  
nunc non minus verè vobis dici queat,  
quòd in medio nationis prauæ & subuer-  
sæ lucetis sicut luminaria in mundo ver-  
bum vitæ continentes. Quantò magis au-  
tem tetra sunt illæ tenebræ, quibus estis  
vnde quaq; circumfusi, quibus finitimas  
vobis ex omni parte nationes grauitè op-  
pressas non sine magno dolore nostro cer-  
nimus, tantò clarior lucis vestræ splendor  
effulget, ac sicut stellæ quantò fuerit nox  
obscurior, tantò splendidiore emicant:  
actantum abest, vt earum splendori no-  
ctis caligo quicquam detrahat, magis e-  
tiam vt illustres per eam reddantur, sic &  
vestræ fidei lux, quæ nunc annunciat in  
vniuerso mundo, tantò clarior fit & illu-  
strior, quantò lumen illius in his natio-  
nibus, quibus estis vndique cincti, magis  
est obscurati, vt si minus lux mundi toti,  
certè lux & superioris & inferioris Ger-  
ma-



manix verè dici possit. Ac si quid adhuc superest luminis in Rheni Prouincia, si plus adhuc in ea quàm septem millia virorum à Deo relicta videre licet, quæ non curuarunt genua antè Baal vel Illebiū vel Tygurinū, vobis id acceptum ferri meritò debet. In vos enim oculos multī coniectos habent, ad vos tanquam ad Cynosuram respiciunt, & quò magis hoc luminare vestrum quo lucetis in medio nationis prauæ & peruersæ, conspicuum esse cernunt, hoc ab istis plus quàm Cimmerijs tenebris, quibus vicinas nationes immerfas esse vident, magis abhorrent, & eas hoc amplius detestantur. Quàm est autem insignis, per Deum immortalem, quàm vobis gloriosa lux hæc vestra? Quamlibet eam exosam habeant hæretici, nec fulgorem eius lippientes eorum oculi ferre queant, quidam tamen ex ipsi non postremi nominis, ingenti quadam illius admiratione stupefactus; tenere se non potuit, quin eam in cœlum laudibus ferret. Nihil est necesse nomen illi usædere. Tenetis proculdubio memoria quis ille fuerit, qui cùm Antuer-



uerpia non ita pridem religionis ergo motus esse factos accepisset, occasionem sibi datam esse ratus, qua Lutheranismum siue Sathanismum suum in Ciuitate propagare posset, eo profectus est, vbi cum aliquandiu commoratus nullum operæ precium fecisset, nam neque cum collega suo satis ei conueniebat, ad suos rediens in Ciuitatem vestram diuertit, ac ad Magistratum venire iussus, & per eum quid haberet in Ciuitate negotij rogatus, & qua de causa in eam se contulisset, cum hospitem & peregrinum se esse respondisset, nec aliud quàm ad suos reditum cogitare, admonitus est, vt meminisset eam esse Ciuitatem hanc, quam cum semel despondisset vni viro virginem castam exhibere **CHRISTO** Diuus Maternus Petri discipulus, nunquam se fornicationibus vllis polluerit, sed semel datam sponso suo **CHRISTO** fidem in hunc vsque diem integram semper & illibatam conseruauerit. Quamobrem caueret sibi diligenter, nequarum in ea Ciuitate fornicationum esset author, hoc est, ne quem do-



doctrinis varijs & peregrinis à sponso suo Christo abduceret, & in aliud cuiusvis potius, quàm Christi Euangelium traduceret, sed ex vrbe primo quoque tempore faceretur. Quod si quid fecus ab eo factum Senatus comperisset, certò sciret id impunè se non esse laturum. Cui dubiù esse potest, quin hic illi sermo parum gratus acciderit? Interea tamen ille (tanta fuit huius virtutis vestræ admiratio) facere non potuit, quin hanc vestram in prisca fide religionēque tuenda & conseruanda curam & vigilantiam pleno, quod aiunt, ore laudaret. Inter alia prorupisse dicitur in hanc vocem: Atque vtinam, inquit, par studium in eadem causa cæteræ quoque Germaniæ ciuitates adhibuissent, plurimùm nobis malorum effugere licuisset, nec vnquam patriam nostram tot & tantis procellis ac tempestatibus iactatam & agitatam, tamque grauibis istis calamitatibus miseradum in modum affectam vidissemus. Deum immortalem quanta est veritatis vis, vt etiam per hostium veritatis iugula nonnunquam vel inuitis illis erumpat? Quid enim dici potuit verius, quàm quod ab hoc dictum est

hoste



hoste veritatis? Certè si par cura & sollicitudo fuisset aliarum Germaniæ Ciuitatum in tuenda prisca religione, quam à Christo & Apostolis eius per longam successiõnem Episcoporum & sacerdotum per manus nobis tradita accepimus, nec rusticos contra suos dominos incredibili non magis corporum quàm animarum suarum iactura seditionem excitantes, nec principes contra suum legitimum Imperatorem verbiq̃ue Dei fortissimum propugnatores, arma sumentes, nec Aegyptios contra Aegyptios concurrentes, ipsosq̃ue Principes mutuis vulneribus se concidentes, mutuis cædibus inuicem conficiètes, nec virum contra fratrem & cõtra amicum suum pugnantem, nec tot infortunijs maculatam Germaniam vidissemus: vt si quamlibet potens & truculentus hostis eam grandi cum exercitu peruasisset, maiorem ei cladem afferre nõ potuisset. Me verò factum hoc hominis huius hæretici sic affecit, vt quamlibet à vobis longo locorum intervallo sim disiectus, nulla tamen ratione tenere me poterim, quin & ipse tantum hoc studium

Q

ve-



vestrum conseruandæ priscae religionis, tantumque zelum & ardorem, quandoquidem coram non licet, saltem absens per litteras vobis gratularer. Macti igitur estote hac virtute vestra, viri clarissimi. Confirmet hoc Deus, quod operatus est in vobis: fortem hunc & constantem animum vestrum, tantam curam ac prouidentiam ac zelum verè Christianis viris dignum, sera posteritas magna cum laude vestra perpetuò celebrabit, nec unquam est intermoritura vestri nominis gloriosa memoria: nec erit iniustus Deus, vt obliuiscatur huius operis vestri tam boni, qui cum in hoc sæculo vos omnī fœlicitatis genere cumulabit, tum in futuro ea præmia largietur, quæ nec oculus vidit, nec auris audiuit, nec in cor hominis ascenderunt.

Hortarer autem vos ad perseuerantiã, vt quemadmodum cœpistis, ita deinceps etiã pergatis, & memores illius quod scriptum est, Non qui cœperit, sed qui perseuerauerit vsq; in finē saluus erit, extrema cum primis contextere studeatis: nisi verer, ne quis in eã partē id acciperet, quasi



virtuti vestræ diffiderem. Currentibus,  
 quod aiūt, nihil est necesse calcar addere.  
 A quibus, & quàm leuibus exordijs quor-  
 sum progressa res, & cum error quo nihil  
 est fœ cūdius alijs alium gigneret, ad quā  
 horrendas abominaciones ventum sit ad  
 extremū, obscurum vobis proculdubio  
 non est. Quod suo sæculo quidam è SS.  
 Patribus euenisse queritur, vt quisque lin-  
 gua esset ad maledicendum & blasphemā-  
 dum procacissima, ita præ cæteris cum i-  
 doneum esse iudicatum, qui verbi mini-  
 sterio fungeretur: hoc nunc etiam vsu ve-  
 nisse magno cum animorum nostrorū cru-  
 ciatu cernimus. An est vllū religionis no-  
 stræ dogma, quod à nostri temporis hære-  
 ticis conuulsū & labefactatū non sit? Sa-  
 cramenta sublata, sacerdotium & sacrifi-  
 cium abrogatum, & ita Deum in ordinē  
 quodammodo coactum esse videmus, dū  
 nullis ei cultus peculiaris tribuitur, qui  
 non sit cum eo communis, quē hominibus  
 aliqua dignitate præcellentibus præstare  
 solemus. Iam in his etiam locis, quorū ego  
 sine lachrymis meminisse nequeo, sanctis-  
 sima Trinitas nō solū impunē, verum etiā



ingenti cum applausu blasphematur: iam  
Christus Deus esse, Dei que filius apertè  
negatur: iam eò nonnullorum processit  
effrenata quædam audacia atque amen-  
tia, vt dicat insipiens in corde suo: Non  
est Deus. Nã & libellos æditos vidimus,  
in quibus num sit Deus, & num ei res mor-  
talium curæ sint, per summum sacrilegi-  
um in dubium reuocatur. Ad eò autem  
non obscure ferunt impietatem suam ho-  
mines audaces sibi que placentes, vt non  
vereantur etiam atque etiam gloriari, qui  
postremo loco sunt à nobis recensiti  
milites gloriosi, Lutherum tectum Papa-  
tus tantum diruisse, Zuuinglium parie-  
tes & viciniora fundamento membra  
dissecisse, se verò pro sua singulari animi  
magnitudine ad ipsum fundamentum,  
quod intactum illi reliquerant, subruen-  
dum aggressos esse. Fundamentum au-  
tem Papatus, hoc est, Ecclesiæ Dei,  
vocat summum salutis nostræ dogma,  
quo Deum trinum in Personis, vnum  
in essentia colendum & adorandum esse  
profitemur. Quod fundamentum esse  
nostrum libenter agnoscimus. Quis au-  
tem



tem vnquam existimasset, quæ tam fuit  
initio modica scintilla, quòd ea tam ce-  
leriter in tantam esset flammam eruptu-  
ra? Quamobrem laudo, vos quòd per o-  
mnia Materni vestri Petri discipuli me-  
mores estis, & sicut ille tradidit vobis,  
eius præcepta tenetis, nec ea vel in mi-  
nimo violari permittitis, verùm quæ Pe-  
trus per Maternum & successores eius  
legitimos in hunc vsque diem credenda  
vobis & retinenda tradidit, omnia sarta  
tecta, quod aiunt, summo studio con-  
seruare studetis: & non solum ab ijs qui  
parietes disiectos aut fundamentum sub-  
rutum cupiunt, verùm & ab his qui tecti  
Ecclesiæ Dei, quam ipsis Papatum voca-  
re visum est, demoliri conantur, vobis  
diligenter cauetis, ac ne tegulam quidem  
vnam loco suo dimoueri, aut quamlibet  
exiguam in tecto foramen fieri permitti-  
tis. Quandiu lapides benè compacti sunt,  
nec vacuum inter se locum habent vllum,  
firmum, & inconuulsam perstat ædifi-  
cium, sin autem vel foramen acus dunta-  
taxat quod vtrinque penetret, vel scissu-  
ram quæ capilli locum habeat fieri con-



tigerit, dissoluitur non ita multò post,  
& corruit. Idem etiam de domo Dei fit,  
quam isti Papatum vocât. Quamdiu bene  
compacti sunt Ecclesiæ lapides, nihil est  
à Sathana periculi: simul vt verò saltem  
in tecto vel minimum foramen effecerit,  
haud aliter atque torrens aliquis toto im-  
petu infunditur, ex quo fit, vt opinione  
citiùs domus tota corruat. Itaque rectè  
quidam ex Patribus admonuit, quòd in-  
itijs tantum opus est Diabolo. Simul vt  
ille discessionis initium opera sua factum  
esse cognouerit, iam non dimidium ha-  
bet facti, verùm rem totam confecisse vi-  
detur: nec enim conquiescit, nisi compa-  
ginem lapidum dissolutam viderit vniuer-  
sam. Oculis id nostris euenisse cernimus  
hoc infelici sæculo nostro. Non enim à  
tecto demoliendo, sicut isti dicunt, exor-  
sus est Sathanas per ministrum suum Lu-  
therum: sed vt foramen tantum in eo  
faceret, in itinere laborauit, cuius voti sui si-  
mul vt compos factus est, non solum te-  
ctum, verùm & magnam parietum partem  
diruit, & quod reliquum fuit per Zuui-  
gium & Calvinum disiecit. Per hos ve-  
rò



rò gloriosos milites Triadoclastas fidei  
nostræ fundamentis radicitus extirpatis  
cum puluisculo, quod aiunt, quibusdam  
in locis omnia sustulit, vt ne vestigium  
quidem vllum doctrinæ de adoranda Tri  
nitate superesse vellet. Non est quod quis  
quam existimet facturum Sathanam, vt se  
statim qualis est prodat, vt cornua sua  
proferat, vt quo collimat, id in ipso statim  
ostendat initio, nihil est hoc serpente cal  
lidius, qui non aliundè quàm ex fraude,  
dolis, & fallacijs constare totus videtur.  
Itaque nunquam is aperto Marte congre  
ditur, verùm quibuscum illi res est, eos ex  
insidijs adoritur. Plerunque se transfi  
gurat in angelum lucis, nihil minus præ  
se ferēs, quàm quod animo clausum gerit.  
Quare nunquam ab his orditur, quæ scit  
esse magis absurda, quàm vt animis fide- um non satis adhuc præparatis, facile per  
suaderi possint. Verbi gratia, sacerdoti  
um & Sacrificium, quæ propriè Deo de  
bita seruitus est, vt abrogetur: Quod à ve  
ritate dictum est, Hoc est corpus meum,  
hic est sanguis meus, vt verum esse negetur:  
Adoranda Trinitas vt blasphemetur:



Christus vt non esse Deus credatur, & num sit Deus cui curæ sint res mortalium in dubium reuocetur, ab his callidissima bestia nunquam orditur, sed paulatim in animos hominum irrumpens, principio nihil aliud magis laborat, quàm vt saltem in his quæ natura sua media, vel, vt Græci vocant, *Adiaphora* sunt, posteaquam autem Ecclesiæ præceptum accessit, esse media desierunt, à communi sensu & consensu receptaque consuetudine totius Ecclesiæ discessionis initiū aliquod fiat. Quod simul vt perfecit, & foramen aliquod nactus est, vel rimam saltem per quā influere posset, iam & in tecto diruendo, & in parietibus disijciendis, & in ipso fundamento subuertendo, nullum est ei vel perexiguum negotium. Quamobrem iterum atque iterum laudo vos, quod ab his astuti serpentis fraudibus vobis tam diligenter cauetis, nec ei quamuis vestimentis ouium induto, ac speciem Dei vobis prætexenti, nec semel illud ingeminanti, Scriptum est enim, fidei quicquam habetis, quin quoties nouationem aliquam, & vt deorsum vos mittatis, hoc est



est, vt ex illius Ciuitatis, quæ supra montem posita est, doctrina & traditione vos deicipiamini persuadere conatur, nec aures illi nec animum adhibetis, quin ipsis principijs statim obstat, nec eius obli-  
 ti quod scriptum est: Qui modica spernit, paulatim decidet: vel in minimo vos ab institutis Ecclesiæ matris nostræ dimoueri patimini. Paradoxon id alicui videri potest, sed affirmare tamen quidam insignis Ecclesiæ Doctor minimè dubitauit, non tantò studio sibi fugienda videri grauiora peccata, quanto quæ leuiora cense-  
 ri queant, quod ab illis abhorret ipsa natura sponte sua. Hæc verò dum contemnuntur, ex paruis maxima fiunt nostra desidia. Nam gradatim semper ascenditur ad magis enormia, donec eueniat illud: Impius cum in profundum venerit, contemnet. Quod, prò dolor, multis in locis iam euenisse videmus. Idem in causa religionis obseruate, nec magis vobis ab illis cauendum existimate, qui parietes disijcere, vel ab ipsis fundamentis domum euertere conantur, quàm ab his qui vel exiguum aliquod foramen in te-

Q

cto



Et o facere moliuntur. Hęc est optima tutif-  
 sima q; ratio, qua fidem vestram sicut ha-  
 stenus magna cum nominis vestri gloria  
 fecistis, inuolatam sponso vestro Christo  
 conferuare, & ei perpetuo vos virginem  
 castam exhibere possitis. Quam ad rem vt  
 vobis gratiam suam impartiat, Christum  
 precor, & vt vos omni felicitatis genere  
 cumulet. Datum ex Castro nostro

Heilsberg. xxix. Mensis Maij.

Anno Domini M. D.

LXVII.

FINIS.




utif  
ha-  
oria  
isto  
nem  
m vt  
tura  
nere  
ro  
ab  
ant  
tate  
deb  
ora  
ipi  
cor  
non  
lca  
gna  
ner  
ten  
pau  
and  
tici  
deb  
sup
















128



